



GOCLENIVS — DE MAGNETICA CURATIONE — 1613





Early European Books, Copyright © 2011 ProQuest LLC.
Images reproduced by courtesy of The Wellcome Trust, London.
2864/A





Early European Books, Copyright © 2011 ProQuest LLC.
Images reproduced by courtesy of The Wellcome Trust, London.
2864/A



Early European Books, Copyright © 2011 ProQuest LLC.
Images reproduced by courtesy of The Wellcome Trust, London.
2864/A

2864
A





2864/59
49695
L. 111
7/9
TRACTATVS NOVVS
DE

MAGNETICA

VVLNERVM CVRATIO-
NE, CITRA VLLVM ET DO-
LOREM, ET REMEDII APPLICA-
TIONEM, ET SVPERSTITIONEM,
mirandarum & in naturæ maiestate abditarum
rerum causas patefaciens.

HVIC ANNEXVS EST ALTER, DE LVXV-
riosis ac portentosis nostri seculi conuiujs, eorumq; origi-
ne, affectis & autoribus, lectu vt non indi-
gnus, sic nec iniucundus.

AUTHOR

ROD. GOELENIVS Med. D. & Profess. Marburg. ordin.
Lege, & intellecta recte iudica.



NNO

1613.

FRANCOFVRTI,
Impensis Petri Masculi, & Ruperti Pistorij.

INVENTION
MAGNETIC
OF THE
OF THE
OF THE

OF THE
OF THE
OF THE

OF THE
OF THE
OF THE



VERA ET AN-
TIQVA NOBILITATE,
AC STRENVITATE, VIRTU-
TVM HEROICARVM, INGENVARVM-
que literarum ornamentis splendi-
dissimis & excultissimis
VIRIS,

Dn. OTTHONI GVLIELMO
à BERLEPS, *Archipræfecto*
Comitatus Cattimelibocensis Infe-
rioris, &c.

Necnon

Dn. HERMANNO à MALS-
BURG. &c. ILLVSTRISSIMI
HASSIÆ PRINCIPIS AC
Dn. Dn. Mauritii, &c. *Consilia-*
riis intimis : Dominis suis pluri-
um observandis,

Rodolphus Goclenius D. precatur
felicitem lammam.

);(2

Nobi-

NOBILES & Magnifici
VIRI, qua fiducia hos
meos tractatus, quos
tanquam immaturos & crudos
embryones abortii, vobis pru-
dentia, eruditione, virtute matu-
ris, splendoreq; gloria, opibus,
plena autoritatis & dignitatis se-
necta florētibus, ausus sim ascri-
bere, & in tutelam vestram tra-
dere, non immerito miramini.
Sed mirari desinetis, cum partim
virtute, humanitate & fauore ve-
stro, quo Musarum cultores ac
politioris literaturæ studiosos
semper estis complexi, partim e-
gregia erga familiam nostrā be-
neuolentia & affectione, persua-
sum me ad id esse & adductum
intellexeritis. Etsi autem splēdo-
re nobilitatis ac dignitatis vestre
val-


valde deterrebar, ne hoc facerem, alia tamen etiam causæ accesserunt.


Primum enim, cum in primo tractatu contineantur plurima in natura recondita & abstrusa, quorum causæ ex sensuali philosophia explicari satis nequeunt, in confesso autem sit omnibus, vos harum rerum inuestigatione & cognitione & plurimum delectari, & de iis vere & seuerè censurâ ferre posse, tū quod obseruatix in vos meæ, & familiæ etiam nostræ, publicum testimonium dare cupiebam, ac monumentis testatum relinquere, & satisfacere cupiditati meæ ad vos obseruandos & colendos, hæc inquam omnia & singula me impulerunt, ut hunc libellum vestris Magn.

):(3 con-

consecrare. Si quid igitur peccatum est, quod vobis tantis viris hæc tenuia offero, spero me veniam impetraturū apud vos, qui haud minus læta fronte exigua ab infimis, quam magna à summis soleatis accipere. Patiamini igitur hunc libellum nominis vestri splendore decoratum illustrioremq; factum ad manus hominum peruenire. Ego vicissim omni obseruantia officiorūq; genere vestro nomini, laudi & honori studebo. Faxit Deus, vt vestra dignitas literis sit ornamēto, & literatis præsidio quam diutissime. Marp. è Museo meo, MDC. XII. 15. Octob.

TRACTA-







TRACTATUS DE VNGVENTO ARMARIO.



Quoniam vetus ac laudabilis inclytæ hujus Academiæ mos est, auditores longe clarissimi, ut qui in professorum Collegium cooptantur, ij professionis suæ specimen aliquod proferant, vel de materia commissæ Spartæ consentanea Orationem habeant, non fuit mihi faciundum, ut hoc optimum majorum institutum ex honestissimis causis rationibusq; profectum, à me neglectui habitum videretur.

Sed putavi officij mei esse ut prius quædam perorando præfater quàm ad demandatum mihi publice docendi munus me conferrem. Etsi autem non foret hîc alienum physicam scientiam ab antiquitate, dignitate utilitateque cum summa jucunditate conjuncta, commendare, tamen quia de his alibi sæpius, à doctrina judicioq; me longe superioribus eruditè multa dicta esse scio, neminem quoq; , nisi cyclopicæ
A plane

plane ruditatis, fore existimo, qui de physica antiquitate ac vtilitate sit dubitaturus, quæ etiam est tanta, vt neq; Theologus, neq; iurisperitus, omnium vero minimè Medicus eâ carere possit, vt non nisi à Pericle laudanda videatur, qui eam ab Anaxagora traditam percepit, & illius beneficio splendidior in dicendo extitit, omissis iam inquam iis, quæ de Physicæ vtilitate in medium afferri possent, quæstionem vnicam, quæ multorum ingenia hætenus torsit, & etiam nunc fatigat, ex intimis naturæ penetralibus ac latebris depromptam, quântum quidem à me fieri poterit, impræsentiarum explicabo, persuasum habens, ex ea, admirabilem naturæ, & pene incredibilem potentiam atque maiestatem satis superque apparituram. Vos auditores dum in tam vastum pelagus nauigo, vestræ clementiæ ac beneuolentiæ aura me subleuate & benignè prosequimini, magisq; ex voluntate dicentis, quam ex ipsa re & forma æstimate, & si forsan à scopo aberrauero, tempori nouercanti, quo ab eiusmodi exercitiis abfui, amanter ascribite.

Quæstio autem, quam tractandam suscepi, versabitur in eo potissimum, an vnguentum armarium quo etiam unum, duo vel plura miliaria vulneratus absens sanitati restituitur, telo seu instrumento, quo vulnus inflatum est, eo tantum delibuto, causam habeat in natura,
an

an vero impostorium sit, vel veneficum? Ac principio quidem non possum hic non meminisse, quod, cum essem in Suecia apud I. L. quēdam & Generosum Dominum, duo ex ipsius ministris poculis inuicem certantes a verbis ad verbera deuenirent, alterque alterius femur dextrum cultello satis profunde punctim vulneraret. Cumque Chirurgus haberi protinus non posset, erat enim aula ab vrbe remotior, ecce vxor Generosi illius domini Fœmina nobilissima, naturæque rerum non ignara, non applicato remedio ipsi vulnere, vllum citra dolorem id curauit, cultello tantum, quo vulnus erat inflictum, peculiari vnguento delibuto. Et vulgi experimentum notius est, cum aculeos vel clauos pedum plantis infixos detrahunt, lardoq; elixo immittunt, & ita partē sauciatā seu vulnus absq; inflammatione & dolore consolidant. Quæritur igitur, qd causæ habeat in natura actio hæc admirabilis? Nō desunt, & inter eruditos qdā, qui naturaliter id fieri posse planè negant. Alii astruunt, vulnus qdē ipsum naturaliter curari, ceremonias a. magicas esse, impostorias, ludicras & ad speciē confictas. Verū cū ab illis etiā frequentissimè istam adhiberi curam sciā, qui religiosissimi & re & fama essent, & nullum nec dicto nec facto in diuina oracula fiat delictum, nondum video, quomodo superstitio vel impostura hic locū habere possit.

*Superstitio
quid.*

*Exempla
vera super-
stitionis.*

Superstitionem enim quamcunque deliram esse & inanem religionem in confesso est, quotiescunque scilicet homo dicit vel facit boni consequendi vel mali cuiuspiam vitandi causa, quod neque naturalem neque præternaturalem vim habet ad effectum intentum, ut si quis in flumine seminet, vel littus aret, dicendus esset operari vanitatem, quia seminandi & arandi finis est messis, quem finem hæc ejus actio consequi nequit. Sic superstitione & vanitate non caret, cum aqua benedicta bibitur contra infirmitatem, & spargitur ad fertilitatem, balnea adhibere in vigilia nativitatis contra febres & dentium dolores, non comedere carnes in die nativitatis Domini contra febres, honorare S. Nicolaum pro acquirendis divitiis, ire ad S. Valentinum contra morbum caducum, pellere eundem prolatis gestatisve his carminibus:

*Caspar fert Myrrham, thus Melchior, Balthasar
aurum.*

*Hæc tria qui secum portabit nomina Regum,
Solvitur à morbo Christi pietate caduco:*

Dentium item dolores mitescere, si quis, dum sacrum fit, dentes contingat, hæc efferens verba, os non comminuetis ex eo: portare crucem per campos in vere circumquaq; contra tempestates, uti amuletis ad collum suspensis, quibus inscriptum est symbolum Apostolicum,

licum, vel initium Evangelij Johannis, vel Psalmi alicujus particula contra incantamenta & dæmonum spectra, uti denique exorcismis & & coniurationibus, quæ absq; superstitione aliqua ceremonia adhiberi non possunt, quia scilicet non eruuntur ex signis & notis naturalibus, à natura ad significandum aliquid destinatis, ut ita dixisse non liceat, cur & unde creditas habent vires. Ac ejusmodi anilium deliramentorum exempla ubiq; terrarum occurrunt ferè quotidie, quæ lubens silentio prætereo, ut vana enim & superstitione ab instituto nostro, prodigiosaq; naturæ limitibus sunt atcenda. In unguento autem armario actionem in lucem prodire sine ulla superstitione, fugo & impostura, tum ex ipso operandi modo, si quis scilicet eo utatur, tum ex iis etiam, quæ à me in medium proferentur, innotescet. Nullæ hîc audientur nugæ, nulla ænigmata, nulla commenta, fabulosum nihil, insulsum nihil, sed augustissimæ naturæ Magnalia omnem ferè fidem excedentia, eam vel maxime ob causam non occultanda, non reticenda, quod ad summam Dei potentiam ac sapientiam laudandam venerandamque nos sint excitatura. Itaq; in intima naturæ latifundia nos demitemus, aliamque quàm superstitionis prætextum, exquiremus cruemusque causam, cujus inquisitio, quæ difficultate non caret, & à

plerisque ignoratur, ex sequentib. petenda est principijs.

Omnibus & cunctis vniversi rebus congenitam quandam inter se esse consortii aut dissidii proprietatem, quâ citra visibilem contactum mutuo alterantur & afficiuntur, experientia testis est, & qui negat,

Ostendi Solem postulat ille sibi.

Magia naturalis.

Harum qualitarum, viriumq; abstrusarum ac in naturæ maiestate penitus occultarum exploratio & cognitio magia naturalis est, ex sympathia rerum orta, quarum consensum dissidiumq; qui nouerit, Magiæ dicetur peritus, iisque vtens occultè, admiranda potest producere & incredibilia vulgo, vt non nisi auxilio dæmonum talia facta esse putentur, propterea q; modus efficiendi non utiq; est manifestus. Est enim hoc mysterium aliud nihil, quàm Sympathiæ Antipathiæq; superiorum & inferiorum scientia.

Sympathia quid?

Sympathia mutua quædam consensio est inter res phyficas, qua se amice amplectuntur: alii compassionem vocant. Galenus 3. de simpl. med. c. 5. vtitur nomine amicitiae. Plin. l. 37. cap. 4 vocat concordiam. Cic. de fat. grauissimis verissimisq; verbis conuenientiam naturæque continuationem, licet enim dissita sunt ferri & magnetis corpora, ita tamen natura in iis continuatur, vt etiam conueniant in vnum. Idem naturæ cognitionem dixit. Bapt. Porta
con-

consensum: alii concentum & symphoniam per Metaph. alii naturalis beneuolentiæ nexum. Antipathia rerum mutua quædam affectio est, quâ se auersantur. Gal. & Plin. pugnantiam vocant atque discordiam: alii dissensum, inimicitiam, dissidium, similitatem: qui verò etiam per qualitatem infestam eam definiunt, qua mediante mutuis ac cecis dissidiis se res naturales quædam afficiunt, non procul à veritate recedunt, vt nec hi, qui resistantiam, quæ videlicet resistit vel impedit, ne actio ab agente in patiens possit introduci.

Antipathia.

Quemadmodum igitur ex sympathia superiorum & cœlestium virtutum oritur attractio, & in locum terrenum inferioremq; deductio, ita ex antipathia resistantia. Vnde Platonici Magiam vocarunt attractionem vnius rei ab altera, ex naturæ quadâ cognatione ortam.

*Virtutum
attractio
& deductio
unde.*

Iam vero mundi huius partes omnes, ceu vnius animalis membra, ab vno pendentes auctore & principio, vnius naturæ coniunctione inuicem copulantur, ideò, sicut in nobis cerebrum, cor, pulmones, iecur, & reliqua à se trahunt inuicem aliquid, mutuoq; se iuuant, vt vno illorum aliquo patiente compatiuntur, ita etiam ingētis huius animalis mēbra, i. e. omnia mundi corpora connexa similiter mutant inuicē naturas & mutantur, & ex cōmuni hac cognatione cōmunis nascitur amor, & ex amore

*Cur Ma-
gnes trahat
ferrum.*

communi communis attractio. Hinc magnes ferrum, Sol flores multos ad se trahit, hinc plantæ heliotropiæ ad solis, Selinetropiæ & Lunisequæ ad lunæ motum vertuntur.

Quamobrem in terra aspicere licet quidem Solem, Lunam & reliqua, sed pro qualitate terrena, in cælo a. & lapides, & plantas, & animalia, sed pro natura & modo cœlesti, ut ita in infimis suprema, & hæc in illis sint agnoscenda & quærenda. Fatali enim lege Deum sancivisse, ut inferiora supernis ancillentur, formamq; unicuiq; suam sidereo lapsu virib. cumulata immisisse, & ne continua desisteret rerû procreatio, singula semen proferre iussisse, ut quæ mutationib. obnoxia essent, cōtinua serie & lege generarentur ac corrumperentur, nemo inficiaturus est, nisi sacris pariter & profanis monimentis contradicaturus, naturæq; ordinem destrueturus, ut ita spectabilem illam in animalibus, mineralibus & vegetabilibus sympathian ac antipathian, non aliunde dependere, quàm ex cœlesti syderû influxu impressioneq; pro uniuscujusq; speciei constitutione, individuis vel omnibus, vel pro singulari complexionis gradu aliquibus tantum speciei ejusdem congenita, omnino statuendum sit. Unde cum Sapphyrus oculos non lædat, repertus tamen unus est qui prima applicatione aciem visus obtudit. Et in Austria Gemelli solis obiectis ad januam corpori

*Sympathia
ac antipa-
thia rerum
unde.*

poris lateribus seras aperiebant, quod certe admiratione non caret.

Verum quibus mediis res quædam naturales sibi copulentur inuicem, difficile est hic dicere ex Philosophia communi. Quod enim alteri coniunctum est, aut est eius essentia, aut essentiæ proprietas, aut inest ei ut forma subiecto, aut id attingit, vel sicut transmutans, id quod transmutatur, vel sicut ars subiectam sibi materiam. Moses dilucide quinque inuicem connexa expressisse videtur. Cælum & terram, terram & inanitatem, abyssum & tenebras, Spiritum Dei & aquas, lucem & corpora. Primus igitur connexionis modus designatur per terram inanem & vacuam. Vacua enim & inanis terra est materia sua, nisi formis aliunde adimpleatur.

Modi quibus res naturales inuicem officinitate vel copulantur.

Secundus connexionis modus per tenebras significatur super faciem abyssi.

Tertius per lucem corporibus obortam.

Quartus per cælum & terram, illud enim huic coniungitur, ut efficiens patienti, & transmutans causa corpori transmutando.

Quintus per spiritum Domini.

Sed videamus quomodo hæc se habeant in nobis. Terra terrenum corpus est, inane vita, vacuum sensu, superque ipsum sunt tenebræ, torpor, mors, insensatio, immobilitas.

Lux vita est, quæ illud vegetat, monet,

A S exci-

excitat, sensuque reddit præditum.

Cœlum animus est & fons illius lucis.

Spiritus Dei intellectus est, lumen diuini vultus. Ratio igitur huius connexionis & cōsequentia est, corpus esse inane ex se, suas habere tenebras, tum proxime iungi luci, per lucem connecti cœlo, per cœlum substantiæ spiritali, vt videre est ex sequentibus.

Abyssus.

Tenebræ.

Inanis vita. Terra. vacua sensu

Lux Vegetans vitamque reddens.

Cœlum lucis fons,

Spiritus.

Viden' quo ordine res creatæ affinitatem inuicem consequantur? Viden' naturalis beneuolentiæ nexum ac copulam? Ecquænam vero hæc philosophia est, inquit aliquis? Non certè vulgaris illa, quæ ex sensu, materia, & qualitatibus manifestis omnia diiudicat, sed cœlestis, abstrusior, scilicet & profundior.

Inter corpus & animam substantias longe inuicem distantes, opus certe fuit medio vinculo, quod tam distantes naturas inuicē copularet, cui muneri delegatum est tenue illud & spiritale corpusculum, quod & Medici & Philosophi Spiritum appellant. Hunc Spiritū copulantē diuiniorē esse quàm elementa, cœloq; respondere pportione ipse Aristot. scribit: Et quem-

quemadmodū omnis cœlorū virtus vehiculo lucis trāsferetur ad terrā, ita omnis animi potestas, vita sc. motus & sensus lucido Spiritu intercedente ad corpus terrenū cōmeat & transfunditur. Vt autē ea quę dixi, maiore mereantur fidē, memorabilia quædā antipathias ac sympathias exempla ex nō levis autoritatis autoribus in mediū sunt producenda. Quod dū facio, rogo vt audiar benigne, & cū attentione.

Ac primo quidem spectabilis antipathia in venenis cernitur. Non enim omni veneno, teste Gal. l. de antid. quodlibet aduersatur antidotum, vt enim sua cuiusq; veneni species, ita sua cuiusq; est antidotus.

*Illustria
antipa-
thias ex-
empla.*

Contra Toxicum Scytharum, quod constabat sanguine humano & sanie viperina, quo sagittas & tela inficiebant, irremediabile scelus, mortē leui tactu accelerās, Cantharides peculiarē habere vim traduntur, quibus si aduersus alia venena quis vteretur, nihil certe efficeret, testante eodē l. de antid. cap. 29. Paulo Æginetha l. 5. & Dioscor. circa lib. 6. initium.

Pastinacæ marinæ seu Trigonis radio super caudam eminente nullum vīquam est venenū arboribus execrabilius, radici enim infixū eas enecare, armaq; vt telū perforare, vi ferrī & veneni malo. Plin. l. 9. c. 48. autor est.

Aconito rutham aduersari maxime idem l. 20. c. 13. Laserpitium telorum & serpentum venena

venena extinguere. l. 22. c. 23. adamantem venena facere irrita madendo, lymphationeſque abigere. l. 37. cap. 4. prodidit. Et auctoritate ſuffragatur experientia. Scribit Galenus l. de theriaca ad Piſon. trifolium coctum de morſis à vipera impoſitum dolores tollere : at ſano cuiſpiam impoſitum dolores afferre, quales à vipera læſi patiuntur. Scaliger exerc. 353. ſect. 5. huius ſecreti reddit quidem rationem, ſed magis pro ingenio ſuo ſubtilem, quam veram. Hæc de venenis.

Sed quid dicam de inuiſta illa adamantis vi duarum violentiſſimarum naturæ rerū contemtrice, quæ hircino rumpitur ſanguine, nec aliter quam recenti calidoque macerata.

An non hoc præclarum naturalis diſſidij ſpecimen eſt: Cuius hoc ingenio inuentum? quove caſu repertum? aut quæ fuit coniectura ſaltem experiundi rem immenſi ſecreti, & quidem in animalium ſordidiſſimo nimirum hircoco. Numinum proſecto muneris talis inuentio omnis eſt, inquit Plinius, nec quærenda in vlla naturæ parte ratio eſt, ſed voluntas.

Cum magnete quoq; adamantem tantum diſſidere graues auctores tradunt, vt iuxta poſitus ferrum non patiatur abſtrahi, aut ſi ad motus magnes apprehenderit, rapiat atque auferat.

Leo cun&is animalibus tremendus, qui nec
tygrim

tygrim metuit nec vrsū, gallum tamen his longe imbecilliorē expauescit. Quærit aliquis causam naturalem? An quia in oculis galli est vis quædam, ut quidem existimant, oculis leonis contraria. Certe huius rei causam non à materia, non à sensibus licet assignare, alias in labyrinthas perplexitates deuoluermur, sed solum ab ordinis superni contemplatione. Proclus lib. de Mag. hanc affert veritatem. Sunt, inquit, animalia solaria multa, ut leones, galli, luminis cuiusdam solaris participes. Gallus igitur timetur à Leone, quia præsentia luminis solaris magis conuenit gallo quàm Leoni, quod inde apparet, quod gallus quibusdam quasi hymnis applaudit surgenti Soli: quandoque etiam dæmones solares visi sunt leonina fronte, quibus cum obiiceretur gallus, repente disparuerunt, quod quidem inde procedit, quia semper, quæ in eodem ordine constituta inferiora sunt, cedunt superioribus seu reuerentur superiora. Hæc Proclus,

Aranei cum bufone & serpentibus diffidiū notum est: hoste enim conspecto filo se librat in caput serpentis porrectæ sub vmbra arboris suæ, tantaque vi morſu cerebrum apprehendit, ut stridens subinde, vertigineque rotata, nec filum desuper pendentis rumpere, adeoque fugere nequeat, nec finis ante mortem.

Fraxini & serpentis antipathia tanto experimento

Fraxinus
& *serpens.*

rimento prodita est, vt ne matutinas quidem occidentesve umbras etiam longissimas arboris huius serpens attingat, adeoque ipsam procul fugiat, sique arboris fronde accensa gyro claudatur serpens, in ignem potius quam in fraxinum fugiat.

Sed ad vegetabilia pergo, inter quæ conspicua quoq; & euidentis similtas est. Nam quercus in oliueto nata fugit, introrsum com meat, & exarescit, olea vero in querceto radices maxime relinquit noxias, quercusq; enecat. Eadē iuglandem iuxta sata aut emoritur ipsa, aut infirma semper est, aut iuglandem nucem talem efficit. Quin & nucis umbra omnibus satis est inimica, & quæcunque attigerit, veneno invadit ilico, nocetq; stillicidij ratione, cum humor è frondibus diffunditur.

Sic brassicæ & vitis odium spectabile est. Vitis enim cum intortis clauiculis omnia soleat complecti, solam refugit brassicam, nam propè eam sentiens, in adversam se torquet partem, dumq; coquitur brassica, vinumq; vel si paucissimum instilles, nec coquitur, nec color ipsius constat: ipsum vero olus cyclamino & origano perarescit, & vitis lauti odore euadit deterior, cicutaq; vino obtunditur.

Polipodium cancro adeo est antipatheticū, vt hic illi ad motus tum integentes crustas, tum yngues abiiciat à pedibus. Filix & arundo in
tantum

tantum sibi aduersantur, vt neutra iuxta se alteram ferat, vnde nec in arundinetis filices, nec in filicetis arundines videntur.

Alyssum, hypericum, & moly herbas in tantum malignis spiritibus antipatheticas esse, vt quemadmodum luporum capita ianuis affixa, sic has herbas in ædibus suspensas, ab hominibus & pecore, veneficia, ne fascinentur, arcere, grauissimi autores tradunt. Homer. Odyss. 10. 11. Plin. l. 28. cap. 10. Dioscorid. l. 3. c. 17. Vnde Homerus, Magiæ peritissimus, Mercurium contra veneficia Circes Molij herba Vlyssēm muniuisse cecinit. Et in historia Tobia, vt sacra etiam huc referamus, legitur, angelum cordis particulam, piscis è flumine extracti docuisse Tobiam super carbones proiicere, sicq, excitato fumo omne dæmoniorum genus extricari tam à viro quam muliere. Proinde his & similibus Periaptis & amuletis, quæ ratione nituntur naturali, fides non est deroganda, de quorum scilicet substantia, profluuia inspirata vires corporis reficere, venenisque possunt resistere.

Sic Peoniae albæ radix & alcis vngula epilepsiæ, semen melanthij catarrhis antipathetica sunt: stercus lupi doloribus colicis, non quidē vt inepte & inscite quidam putant, incantationis viribus, sed quod ab illorum substantia, vapores quidā velut atomi defluunt, qui inspirati cerebrum

cerebrum siccent, morbiq; causam suis viribus alterent. Vnde Galenus experientia horum edoctus, periaptis, inquit, hic confidere oportet, vt substantia ipsorum, non incantationis verba, iuuet l. 6. & 10. de simplic. medic.

Contacta tridente torpedine marina, piscatoris manus obstupescere, & Echineida pisciculum, quamuis velocem ventorum agitatae procella nauis cursum sistere videmus, non quidem incantationis verbis, sed ob causas modo commemoratas. Stupendum certe naturæ miraculum, minutissimum etiam pisciculum, qui maris & terræ portenta sua natura superat, remis velisq; concitatam nauim quantumvis magnam, non alio modo quàm adhaerendo remorari.

Videatur Plin. l. 9. cap. 25. & l. 32. cap. 1. Ferretur Actiaco Marte tenuisse imperatoriam nauē Antonij, properantis circuire & exhortari suos, donec transiret in aliam, ideoque Cæsariana classis impetu maiore protinus venit. Tenuit & nostra memoria Principis Caij ab Aëstrua Antium remigantis. Quin & auspicalis pisciculus est, si quidem nouissime in urbem reuersus Imperator ille, suis telis confossus est. Nec longa fuit illius moræ admiratio, statim causa intellecta, cum è tota classe quinqueremis sola non proficeret, exilientibus protinus,

nus, qui id quærent, circa nauim inuen-
runt adhærentem gubernaculo, ostenderunt-
que Caio, indignanti hoc fuisse, quod se re-
uocaret, quadringentorumque remigum ob-
sequio contra se incederet. Constabat pecu-
liariter miratum, quomodo adhærens tenuis-
set, nec idem polleret in nauigium receptus.
De hoc Lauræius Lippius Oppiani interpres,
erudite lusit his versibus:

*Pellebant velis, pellebant remige nauem,
Ventus erat, cœptum sum remoratus iter.
Solutus ego Actiacam potui retinere carinam,
Et potui Caij rostra tenere ducis.
Semipedalis ego: quis hæc corpuscula credat
In cursu tantas detinuisse rates.*

Fatendum certe, naturam hic abstrusam,
& sensibus inexplicabilem. Præter enim ea,
quæ dicta modo sunt fatale quoddam indi-
cium & prælagium in eo obseruatum est, qua-
si futuri mali præscio periculum imminens cu-
pienti auertere. Tenuit legatos Periandri de
castrandis pueris nobilibus, tanquam indi-
gnum iudicante natura homini, id, quod con-
seruationi ipsius donatum esset, auferre, iccirco
nauem inhibuit, & à cursu reuocauit. Tenuit
nauem Caij Cæsaris non multo post Romæ
interfecti, condolens misero Cæsaris exitio ipsa
natura cupit ab ipso malum auertere, atq; ab

B infausto

infausto cursu reuocare. Hæc de Echneide ferre omnia ex Plinio.

Cæterum in experimentis est, hirundinis cor palpitans deuoratum memoriam deperditam restituere, adque ingenium valere & intelligentiam.

Cor turturis viuum calensque comesum ad febres intermittentes omnes.

Anatem viuum ventri admotam compefcere tormina.

Viuentem araneam iuglandis testis inclusam colloque subnexam pellere quartanam: ranarum oculos ante Solis ortum erutos, viuis illis in aqua dimissis, alligatos, sicut & vnguiū præsegmina in pedibus & manibus febricitantis, cancri viui dorso superligata, cumq; eo in aquam fluentem proiecta, tertianas febres.

Talpæ viuentis dentem odontalgiam sanare contactu:

Hominis caluam mederi epilepsia.

Osliculum è poplite leporis nephritidi & spasmo flatulento.

Intestinum lupi colicis doloribus.

Cor corui gestatum ad inhibendum somnum, cor vespertilionis ad eundem valere accersendum.

Ossa capitis equæ fugare crucas palo in hortis affixa.

Graminis genus, 7. habens internodia, efficacissime

facissime contra capitis dolores adalligari.

Herbam, canis vrina irrigatam, euulsam, ne ferro tangatur, luxatis mederi celerrime.

Florente cicuta & violis, si qui morbi homini acciderint, quoties florere eas herbas cōtigerit, licet sanatum, recidiuam tamen quandā eorum sentire compertum est. Non prāter eunda hic, quæ Plin. lib. 24. cap. 17. & 19. Item lib. 25. cap. 4. & lib. 26. cap. 4. ex Pythagora, Cræteua, Democrito, Apollidoro, Clemporo Medico & aliis recēset, de mira quarundā herbarū efficientia ac virtute. Adamantide herba, Armeniæ & Cappadociæ alumna, admota, leones resupinari cum laxo hiatu.

Arianide, quæ in Arianis nascitur colore ignea, collecta Sole existente in Leone, ligna accendi tactu oleo peruncta.

Æschynomem, appropinquante carpentis manu contrahere folia.

Theangelide in Libano Syriæ, Babylone, & Susis Persidis proueniente, pota, homines diuinare.

Gelotophyllide in Bactris & circa Borysthenē nascente, & pota cum myrrha & vino, varias obseruari species, ridendique finem non fieri, nisi potis nucleis pineæ nucis cum pipere & melle in vino palmeo.

Æthiopiden in Meroe crescentem hydro-
picos vtilissime bibere è mulso.

B 2

Ophiu-

Ophiufam in Elephantine Æthiopix con-
fpicuam, potam, terrorem ac metum serpentū
imprimere & quandoq; ex eo mortem, obque
id sacrilegos cogi illam bibere: aduerfari au-
tem vinum palmeum.

Helianthe in Ciliciæ montibus maritimis
cum adipe leonino decocta ac inuncta, corpus
afpectu reddi iucundum ac venustum, Perfa-
rum Regibus in frequenti olim vfu.

Crocidis contactu phalangia mori.

Oenotheridis è vino afperfu omnium ani-
malium feritatem mitigari:

Herbam in capite ftatuq; natam alligatam in
lino ruffo, capitis dolores ledare confestim.

Herbam quæ nascitur fupra fimeta ruris,
efficaciffime pollere contra anginas ex aqua
potam:

Contra fuma veneficia pollere Moly lau-
datiffimam herbarum Homero, circa Pheneū
& in Cyllene Arcadiæ prouenientem: & Do-
decatheon herbam omnibus mederi morbis
aqua potam, quæ maximam etiam à Moly au-
thoritatem obtinuit.

Æthiopide amnes ac ftagna ficcari conie-
ctu, tactu claufa omnia aperiri.

Achimenide coniecta in aciem hostium,
trepidari agmina, ac terga vertere.

Latacen, à Perfarum Rege dari folitam le-
gatis, vt quocunq; veniffent, omnium rerum
copia abundarent.

Æmi;

Æmilianum Scipionem Carthaginis patefecisse portas peculiari herba, & pontinas paludes Æthiopide siccatas antiquæ historiæ memorât: Et quis occulta naturæ insignia omnia attigerit? Quis vero causas hic explicare unquam valuit? aut quæ saltem fuit coniectura omnia hæc experiundi? Verè numinis cuiusdam muneri hanc inuentionem acceptam ferunt naturæ Prudentes.

Atqui ex hoc fundamento pendent quoq; *Physica li-*
gatura.
 Physicæ ligaturæ, vt cum præsentia adamantis
 Magnetis actionem, ne ferrum trahat, & oleû
 ne succinum paleas alliciat, sistit, cohibet & li-
 gat. Quemadmodum igitur, si alterum cum
 altero conspicitur habere inimicitiam ad no-
 xas, quas illud inferre posset, vsum eius esse
 posse veteres p remedio arbitrati sunt, in quo
 etiam successus fauit coniecturæ, sic in sympa- *Sympathids*
 thiis occulti aliquid venerari licebit, quod ad *illustria ex-*
empla.
 aliquod malum amouendum vel expellen-
 dum vires habeat socias.

Et quidem herbarum cum astris, consensus *Mysterium*
 admirandus spectatur quotidie. Euentiffi- *Solis in ci-*
 mum Solaris præsentia testimonium & docu- *chorio, &*
 mentum præbent cichorij flores, Epaticis affe- *huius in hy-*
 ctibus singulare remediû, qui Sole oriente se *dropisi.*
 expandunt, eodem occidente se contrahunt.

Lupinus quotidie cum Sole circumagitur,
 ita vt nubilo etiam cœlo agricolis horas mon-

stret: similiter & malua motui se Solis accommodat. Pulegium in coronarijs florere ipso brumali die pleiadibus occiduis, quis non animaduertit?

Veratrum nigrum adulterinum, flores circa Decembris finem in viridi flauescentes proferre, conspicuum omnibus est.

Laurum & ficum è cœlo nō tangi, sicut nec vituli marini tergo, nec hyænæ pellem, nec victim albam auctores non proletarij prodiderūt, quare nautæ iis vela muniunt, ne fulmine icta deflagrēt atq; decidant. Hoc Octavius se muniebat Augustus, Lauro Tiberius Cæsar, quam pro corona gestabat, ne vterq; scilicet tonitruū afflaretur, cō solum enim contra fulminis impetum, verum etiā aduersus fulminis ictū re-torquentem habent naturam. Sed mirabilis est Sympathia illa inter metalla & diuinā virgulam seu bifidum illum surculum ex corylo decisum, quo metallarij venas auri argenti que feraces explorant, frustra certe quis hic ad manifestas qualitates confugerit.

Verum enim vero Orphæo, Theophrasto, & Proclo iudicibus, lapidibus longe efficacior cū astris & spiritibus consensus est quam herbis, non astrorum enim nominibus, sed animis quoq; hominum imperitare videntur. Nam iaspis non modo sacrificia diis reddit accepta, sed Achates animos coniugum conciliat, & suppli-

supplices voti quoq; reddit compotes. Et lapides virtutis astrorum consortio frui, nemo inficiabitur, qui ferreum compasti perpendiculum, cuius obtutu atq; inspectione nauiculis velificatio perficitur, magnete confricatum Septentrionalis poli stellam semper spectare animaduertit, & qui Selenitin lapidem ex Arabia candidum, pro Luna incremento crescere & decrescere obseruat.

Ferreum compasti perpendiculum & polus arcticus.

Selenitis & Luna.

Turcosia gemma, quoties mutari, atq; expalescere, natiuoq; colore destitui conspicitur in gestante, vel languesciente, vel valetudinario? Sed magis stupendum, quod imminens periculum coloris huius gemmæ in fuliginosum, vel serenissimi cæli contrarium mutatio, vel etiam maculæ alicuius aut fissuræ apparentia præsagire dicitur.

Turcosia.

Smaragdum aduersus febres valere & venenum, autores non leuis autoritatis tradunt, imo frangi, si à veneno vincatur, rumpi quoq; in prima virginei pudoris excussione, ac quouis illegitimo coitu inquinari, nitoremque amittere, quo oculorū lassitudinem demulcere solebat. Deperit enim vis insita omnisq; nitor sordescit. Itaq; dubiū nullum est, inuisibile latentemq; vim gemmas eiaculari atq; cuibrare. Licet enim sint res solida, calor tamen natiuus, & confricatio contactusque vim eliciunt, cordique ac cerebro illam communicant. Hanc

Smaragdus.

Exemplum antipathias.

vero astrorum & lapidum Sympathian, seu conuenientiam non puto quenquam fore qui ad manifestas qualitates sit relaturus, cum sint saltem vmbra rerum, & instrumenta organaque naturæ cuiusdam sublimioris ac præstantioris, prætereaq; nec odores habeant, nec colores, similesq; potestates, vt ita iniurius sit in naturam iniusta ac fallaci quatuor qualitatum censura omnia explorare. Medicamenta quædam à similitudine prodesse, miroque modo à morbis liberare, quotidiana documenta testantur & experimenta, ob nullam causam aliam, quam quia vnū alterius Anatomiam habet & signaturas. Atq; huc pertinet modus demonstrandi per similitudinem, quo sæpe summus rerū Creator diuinas ac occultas res solet patefacere, vt supremam idearum similitudinem referant atq; demonstrent.

Omnes enim herbæ, flores, arbores, aliaque ex terra nascentia sunt signa magica à Deo concessa, per quorum cognitionem ad veram medicinā, id est, signatum peruenitur. Signa igitur quæ natura externe prodit, intrinsecæ cuiusdā ac latētis virtutis indicia sunt, semperq; signatum internusq; nucleus per externam physiognomiam designatur.

Hinc multorum morborum curatio, quia promanant ab astrali impressione firmamenti maioris mundi, non promiscuis remediis perficienda

ficienda est, sed per influentiam astronomi-
cam, id est, per ea vel cum iis, quæ analogiam
habent ad maiorem & minorem mundum, in
quibus est vera magnetica vis firmamenti, &
impressio cœlestis morbis resistendi. Hanc in-
fluentiam ac signaturam à stellarum complexu
ac radiis plantis quibusdam illis subjectis, vide-
mus impressam, quæ in hypericone ac persica-
ria est evidentissima maximeq; conspicua, illud
enim exilibus foraminibus perforatum, hæc
foliis macula rubentibus, ac si gutta sanguinis
super ea decidisset, cernitur.

Ejusmodi quoq; signaturæ reperiuntur, in
aro, dracunculo & aliis, morborum cognitioni
maxime inservientes, ut ita non sufficiat Bota-
nico naturasque herbarum investiganti, in ex-
ternis signaturis acquiescere, hoc est, externa
tantum plantarum vestimenta diversoria &
habitationes describere, internum autem illud
principium operandique virtutem, quæ est
creatoris imago creaturis implantata, somno-
lento & noxio præterire silentio. Omnino *Quaritur,*
enim necesse est, in rerum natura dari aliquid, *rosa ubi la-*
in quo rosa latitet hieme, quod scilicet ele- *tet hie-*
mentis utcunq; etiam modo corruptis, specie- *mes*
rum signaturas inviolatas contineat, adque
novorum individuorum procreationem ser-
vet incorruptas, alioquin novæ rerum species
produci non possent. Id vero nihil aliud est
B 5 quàm

quàm balsamum radicale, vitale, spirituale, Cœ-
leste, actionum omnium in natura principium,
cui vni & soli accepta sunt ferenda, quæ nec
crassi elementariæ, nec sensui, nec manifestis
qualitatibus assignari possunt & debent. Hoc
enim in corruptionibus rerum non interit, sed
elementis & mixtis qualicunq; etiam modo
dissipatis, seruatur. Sic granum, quod terræ
committitur, putrescit, resoluitur, perit, ac radi-
cale balsamum seruatur, in quo totius seminis
anatomia & potestas viget, nouaq; reuolutio-
ne in mundanum theatrum progrediens nouū
fabricat corpus officiis destinatis accommoda-
tur. Hoc ipsum principium variis nominibus
appellatur, ab aliis dicitur enim balsamus vni-
uersæ naturæ, sulphur vitale, radicale semen,
materia prima, mumia balsamita. Delitescit au-
tem non in alimentario quo perfunditur hu-
more, nec in fæculentis & crassis sordibus, sed
in excellentiori quadam humiditate deprehen-
ditur, quoniam externis iniuriis impressioni-
busq; magna vi solet resistere, specierumq; si-
gnaturas inuiolatas ad nouorum indiuiduorū
productionem conseruat. In animantibus &
plantis vniuersam corporis anatomiam anima-
le hoc balsamum occupat, in certis tamen ani-
mantibus certam magis partem vt cor, proque
diuersa impressione, tinctura & confluentia, p-
prietate, & differentiis diuersas quoq; produ-
cit

cit actiones. Huius igitur balsami virtute plantæ quædā partesq; animalium morbis quibusdam antipatheticæ sunt, huius inquam balsami vi ac virtute, animalium quorundam partes, corporis humani partibus sunt lymphaticæ, iuuando illa, corroborando atq; in vigore radicali conseruando: testatum id facit medicamentum à me confectum, liquor scilicet ille potabilis, cordis vitæq; spiritibus gratissimus, debili memoriæ roborandæ, iudicioq; firmando, cerebro prætetea vertiginoso, paralytico, ac epileptico sanando, colicæ flatulentæ ac frigidæ, nec non podagricis chiragrisq; infirmitatibus & doloribus profligandis, (absit fucata iactantia, quotidianis enim experimentis id patet factum habetur & compertum, & testabuntur sanati) accommodatissimum. Hoc est medicamentum, cui præparando integra fere æstas danda est, omnis vulcanicæ violentiæ, corrosionis & malignitatis expers, constatq; ex merè vegetabilibus, animaliumq; quorundam partibus. Reperitur autem id ipsum quocunq; tempore apud me præparatum.

Ac licet quidam hoc meum inuentum, superciliosa quadam fatuitate sibi omnia tribuentes sint derisuri, aliis persuadentes, non posse Hippocratis aut Galeni assedlas, nisi ex Paracelsico aut Lulliano commentario sapere, malo tamen ἐν πειρῇ & experimento cum omnibus

iis.

*Secretum
authoris, ce-
rebro catar-
rho con-
uenientissi-
mum.*

iis, qui eo ad nominis Diuini celebrationem, & dictorum morborum profligationem utuntur, & usuri sunt, acquiescere, quam blandis ac bracteatis, ut illi faciunt, verborum lenociniis, mundum decipere. Sed ad priora. Hoc igitur radicale principium, has inquam rerum signaturas qui neglexerit, nec intimius inspexerit atq; cognoverit, medici nomen non meretur. Et certe si per nihil aliud, hujus tamen mysterii cognitione admirabilis in sua arte evadit medicus, quod Hippocrates de iis pronunciat, qui morituros & salvandos prænoverint.

Morbos singulos habere sua signa morborum cognitioni inservientia, negari non debet, eademq; quoq; signa reperiri in remediis à natura ita signatis, ut in totum & vere dixisse liceat, hic morbus est hujus remedii morbus, & hoc remedium est hujus morbi remedium, ut ruffilago est remedium obstructi pulmonis, quia gerit ejusdem signa, lingua cervina & scolopendrium infarcti & tumefacti splenis remedium sunt, quia splenis exhibent signaturam. Unde apparet, ex signis remediorum naturas cognosci posse, Sympathiasq; ac antipathias mysterium, tum rerum tum qualitatum medico maximo esse emolumento, proindeq; secretioris ejusmodi philosophiæ peritos, sagacesque rerum naturalium exploratores admirandas actiones posse producere. Et

Et quoniam modus ut in aliis non utique manifestus est ac euidens, sed occultatus, miraculorum illarum actionum causam dæmonum præstigiis ascribunt imperitiores, tali sc. Magiæ, quæ Goëria dicitur, à luctu, & dæmoniaca, est enim malorum spirituum iuxta sepul- *Magia vana quæ?*
cra invocatio, cujus germana soror est Necromantia, quæ ad vocandos defunctorum manes sanguinem humanum, quo dæmones effuso delectantur, vel saltem nigri pecoris cruorem requirit.

His Magiæ speciebus imbuti multa faciunt, quæ nullo modo per causas & media naturalia effici potuerunt, sed necessariò referri debent ad substantiam aliquam incorpoream, quæ occulte cum ipsis magis operatur: faciunt enim statuas è ligno vel alia materia loqui, & ad propositas quæstiones respondere, moverique loco progressivo: deinde manifestant etiam quædam occultissima, & quæ humana eis ratione nota esse non potuerunt, ut res quæ geruntur, vel dicuntur in remotissimis regionibus, quæque quis dixit vel fecit: Hæc autem esse mentis cuiusdam sublimioris opera, quàm est humana, prædictasque operationes non perfici causis naturalibus, sed supra omnis corporeæ naturæ potestatem esse necesse est. Vera Magia & naturalis, quæ causis nititur naturalibus, licet non ita sensui obviis, sed abditioribus & reconditis,

ditis, nihil aliud est, quàm lapidum, quàm herbarum, quàm mineralium, quàm animalium, quàm astrorum cum his consensus vel dissidii scientia, quam exactè callere & didicisse sapientiae opus est, legi diuinæ non contrarium:

Et hanc magiam quam omnes sapientes, rerumq; coelestium & sublunarium solertissimi indagatores semper approbarunt, ut quæ in operum Dei admirationem explorantem ducat, qui callent, multarum abstrusissimarum rerum scientia clarebunt, quamuis paucos hodiè inuenias, qui exactam huius cognitionem habeant, nisi perditos quosdam ardeliones, qui ob pecuniae aucupium animas daemonibus deuouent, mentiri non erubescunt, omnia se scire & præscire gloriantes, sicq; veram magiam nefandis nugis descædantes, & cum Goëtia confutantes.

*Occulta annulorum
sub certo astro sculptorum vis.*

Cæterum, quod in præsentì nostro instituto minimè prætereundum fuit, non parum enim lucis afferet & veritatis, ad mysterium nostrum ulterius explicandum, in experimentis non fallacib. est, operationem aliquam esse & virtutem annulorum confectorum ex auro, argento, aurichalco, aut quouis metallo, stellæ, cuius quis sibi virtutem conciliare cupit, deducto, defixo in annuli cavitatem cum subiecta herba stellæ huic Sympathetica, lapide: his enim animum exhilarari, morbosque profligari gra-

graues autores tradunt, Trallianus, Gordoni-
us, Mesue & alii.

Sic Gyges Lydorum rex annulo suo lapi-
dem Draconis capite exemptum incluserat, se-
se, Regem & astantes occisurus, vt impune cum
Regina concumberet, inuisibilem reddidit. Et
Alexander Trallianus Herculis imaginem
Leonem suffocantis annulo inclusam colicis
mederi scribit. Ferunt & Eudæmum Philo-
sophum annulos contra serpentum morsus,
fascinationes & morbos concinnasse. Tradit
quoque Iosephus l. 8. antiquit. c. 2. Se vidisse
præsentem Vespasiano Imperatore, Eleazarum
quendam de gente Hebræa, naribus cuiusdam
obfessi, annulum, cuius signaculo radix à Salo-
mone reperta, erat subdita, applicuisse, dæmo-
nemq; de naribus odorantis extraxisse, qui
cum repente in terram concidisset, Eleazar
coniurationis Salomonis Cantico dæmonium
proscripsit. Idem Salomonem Magiæ fuisse pe-
ritissimum, & Molen Hebræorum legislato-
ram in Ægypto Magiæ initiatum annulos a-
moris & obliuionis fecisse, annulumque ob-
liuionis dedisse Æthiopissæ, vt ipsius obliuif-
ceretur, quo etiam facto in Ægyptum liberè
ipsum remigrasse prodidit, non quidem super-
stitiosa dæmonum magia, cuius eum accusa-
bant Apollonius & Lysimachus, verum
à Iosepho propterea refutati, sed ea,
quæ

quæ per sacrosancta nomina & precationes; angelorumq; bonorum implorationem perficiebatur. Testes Eusebius de præpar. Euang. l. 8. c. 2. Iosephus contra Appion. in Act. Apost. c. 7. Plin. l. 3. c. 1. Magian quoq; ab Ægyptiorum sacerdotibus didicisse & calluisse Empedoclem, Pythagoram, Democritum & ipsum Platonem in confesso est.

Vnde non omninò vana esse elicitur, quæ de cura characteristica, quæ sculptis imaginibus & de collo appensis naturales operationes perficit per cœlestes proprietates siderum mirabili influentia cum nostris corporibus concordantium, non inquam plane vana sunt, quæ antiquissimi naturæ exploratores de verbo scripto seu characteribus & sigillis, certis temporibus secundum cœli virtutem & influxum fabricatis, citra omnem, quam sola mysterii huius ignorantia finxit, superstitionem, citra nominis diuini prophanationem & offendiculum, vllamq; fidei ac religionis violationem, literis monumentisq; consecrarunt, quæ licet hætenus postremisq; hisce temporibus occultata & abscondita delituerunt, altoq; silentio compressa apud quosdam, qui illis sunt abusi potius quàm legitimè vsi, cum ad superstitiones prolapsi, primordia non intelligentes, plus iis tribuere sunt ausi, quàm rerum omnium creator Deus concessit, voluitque esse per ea pate-

patefacta; Tantum vero abest, vt hisce imaginibus per se virium quid tribuam, characteresq; seu nomina constellata virtutem habere ratione figuræ, affirmem (cum figura, numerus, magnitudo, situs, continuiq; solutio nullius sunt actionis principia) vt, nisi aliud sit agēs mouensque, cuius potestate characteres sunt efficaces, plane negem. Tamen inuidiæ fenestrâ patefacta lucem ea videre sum passus, vt cognitio veri, quæ bonum quoddam & perfectio intellectus est, elucescat, ac clarius cernatur, quantum inter veras & phÿsicas signaturas & supersticiosas ac illicitas intersit, tum speculatiuè & noscendi tantum causâ, non etiam vtendi & exercendi modo quædam scire licitum esse & concessum. Nulla enim virtus vel in cœlo vel in terra, quæ non descendat à Deo: sic medicamenta sunt corpora visibilia, verba corpora inuisibilia, siue herba siue verbum sanet, in causa est Deus, id est, spiritus Dei naturæ coadunatus per verbum fiat. Vnde ipsa herba non est medicina, sed hæc in illa latet inuisibiliter à Deo videlicet insita. Quapropter non protinus ad orcum vsq; sunt damnanda, insulseq; deridenda, quæ à sensibus sunt remiora, & causas habent abstrusas. Gemmarum miracula quis non obstupescit? Plurimas certè iis inesse facultates naturales negari non potest nec debet, præsertim si certis sub constellationibus

N. cur Imaginum hic fiat mentio?

Quomodo characteres sint efficaces?

C

nibus

*Taxatur
quorundā
vanitas,
& inscitia.*

nibus sculptæ, imaginibusq; ac signaturis impressæ fuerint & signatæ. Ac planè vanum est, quod quidam putant, effectus gemmarum quarundam prouenire vi magica, nec naturales esse, proficisci que ex Magorum schola, qui prætextum suis veneficiis quærant per gemmas certis constellationibus sculptas. Smaragdum mortui Domini digitis, quibus fuit gestatus, obsilire, cognitum est & compertum. Turcosiæ quoq; vires quis nō miratur? Et innumera possunt non tantum gemmarum, sed etiam plantarum experimenta coaceruari, quæ si non ubiq; & semper respondent, non arguenda idè sunt mendacii, quia non omnia ubiq; & semper concurrunt, & raritas effectus seu singularitas effectus non tollit causam in natura. Rerum enim miracula perpetrantur per debitam causarum naturalium agentium cum dispositis patientibus applicationē, adè occulte, ut causa videatur remotissima. Itaq; vesanum est diabolicis machinamētis proinus ascribere, quæ à nostris sensibus sunt remotiora, non cogitantes, latentem naturæ vim quæ diuinum diuinæ potentia est instrumentum, multum posse sine diabolorum ope & auxilio. Sic vesani sunt, qui superstitionibus dediti etiam manifestissima pene præ ignorantia aut stolidā dubitatione, ex occultis prodire causis asserunt, ut in eodem vesaniæ pelago nauigant, qui præter odorem colo.

NB.

colorem & saporem nullas alias vires plantis quibusdam inesse arbitrantur, quasi naturalis illa cœlestium cum elementaribus conspiratio efficere non possit, vt præter qualitates primas tactiles & sensuales occultas etiam vires possideât sine magicis incantamentis anili & superstitione, id quod naturales cum experientia effectus demonstrant. Quare in singulari facto, non aliam præterquam quæ nobis videtur esse, statuere causam, temerarium duco. Quis enim negare potest, diuinitus aut genii alicuius virtute, aut etiam causis accidentariis & fortuitis, posse produci effectum similem naturali. Et sufficit Physico ostendisse effectum similem vel talem esse causarum naturalium, aut semper aut plerunq;. Et licet non semper respondeat euentus, non tamen ideo naturæ motus est denegandus, siquidem ad vnum sæpè effectum rarò concurrunt causæ omnes, quod licet ex illis æstimare, quæ ob raritatem, varietatē & singularitatem pro miraculis habentur & prodigiis, hæc enim causas habent naturales, raro tamen ad effectum talem dispositas, aut omnes paratas. Itaq; si effectus est naturalis, etiam causa talis erit, & contra. Iam a. imaginum sub certis astris sculptarum effectus naturalis omnino est, ergo causam quoq; naturalem esse necesse est. Licet vero hæc sit occulta & abstrusa, atq; sensibus exterioribus remotior, non

NB.

NB.

tamen illico ad diabolicam quandam potestatem confugiendum, sed attendendum, quibus auxiliis quibusque causis concurrentibus fiat aut non fiat effectus, èq; mirabilib. causis naturalibusq; effectis mirabilis potius Dei potentia agnoscenda & prædicanda, qui cum tantas virtutes tamque mirabiles in naturam manifestam in seuit, quantus, dicamabo te, ipse in suis occultis erit? His ita præstratis, pro vita salubriter producenda, honoribusq; ac diuitiis augmentandis Iouis sigillum atq; imago fabricatur sculpsiturq; in lapide albo vel claro, vel etiam argento puro aut stanno, ipso tamen Ioue, quod in primis in hoc mysterio obseruandum est, existente vel in suo domicilio, vt sagittario vel piscibus, vel etiam exaltatione, vt Cancro, libero ab omnib. impedimentis, præcipuè vero à radiis malis Saturni vel Martis: in angulo etiam sit orientis vel Medio Cœli, ascendens in circulo augis, directus, velox cursu, non à sole combustus, orientalis in gradib. lucidis & fortunam augentib. in Lunæ vel Veneris trigono aut sextili, quæ omnia diligentissimè ab Astrologiæ perito obseruari necesse est.

*In sigillis
conficien-
dis quid ne-
cessariò ob-
seruandū?*

Sic idem Iupiter contrarium operabitur, si retrogradus fuerit, combustus, afflictus à Saturno vel Marte, in malo cœli loco, non in domicilio vel exaltatione, &c. Idemque iudicium esto de cæteris etiam Planetis;

Eun-

Eundem in modum fabricatur Imago Martis in 1. facie Scorpionis orientis, contra timiditatem & pusillanimitatem.

*Sigill.
Martis contra
timiditatem.
Sig. Solis.*

Ad fauorem Regum & principum conciliandum, morbosq; calidos cordiales curandos, Imago Solis in auro puro prima Leonis facie ascendente: ipse vero Sol in Leone sit fortis & fortunatus:

Ad lætitiā, venustatem roburque corporis imago Veneris poma florelq; tenentis manu ascendente cum ea prima facie Libræ, Piscium vel tauri.

Sig. Veneris.

Ad ingenium & memoriam acuendam imago Mercurii orientis cum prima geminorum facie vel Virginis: vel contra morbos, odia, & itinera feliciter conficienda à gradu 17. Virginis usq; ad finem fere eiusdem signi:

Sigill. Mercurii.

Ad podagram curandam, indubitanter valere pisciū figuram in auro vel argento, seu auro argento permixto, sculptā, sole permeante Pisces in ascendente aut domo decima, ab infortuniis saluo & libero, domino etiā signi videlicet Ioue Saluo: vel etiā Luna mediū cœli tenente, Marte non præsentē, & Ioue non retrogrado, Soleq; supra terrā existente, si piscium imago fiat in prima piscium facie, eundem præstare effectum antiquissimis monumentis proditum reperitur: in secunda vero facie factam sanare tibiæ morbos, in tertia morbos genuum & coxarum:

Sigil. Piscium Secretum ad podagram.

*Forma
tauri:*

Ad morbos gulæ & colli faciebant figuram tauri in facie tertia, Sole existente supra terram, eamq; in cupro multum rubente.

*Figura a-
rietis, Mar-
tis & Sa-
turni.*

Ad morbos capitis difficiles & difficulter curabiles, fabricatur figura arietis, Martis & Saturni, utroq; existente directo, Ioue non constituto in ariete, nec Venere in Scorpio, nec Mercurio in tauro, à gradu primo vsq; ad 5. primæ faciei arietis. Sole autem existente in ariete eandem obtinebit virtutem.

*Sigillum
Lunæ.*

Ad bona & honores adipiscendos, morbosque celebri frigidos curandos imaginem Lunæ conferre in purissimo argento vel crystallo, ita ut Luna existat in Cancro, aque infortunis sit libera, in oriente fortis & fortunata, experimentis patefactum esse Doctores antiqui asserunt, adq; eundem quoq; effectum consequendum positus eiusdem in tauro efficax est, quo in signo exaltatur:

*Cancri fi-
gura.*

Ad ventris ægritudines curandas figura Cancri facta hora Saturni, cancro existente in medio cœli, & Saturno in secunda facie, omnia auro præstare dicitur, omnibus morbis resistendis expellendisq; idonea.

*Sig. Capri-
corni.*

Ad tristitiam abigendam & melancholicam desipientiam, figuram Capricorni prodesse proditum est, ita tamen, ut Mercurius non sit retrogradus, sitq; cum Venere supra terram, Venus autem sit in parte orientali, Saturnus verò sub

sub terra: conficiendum autem sigillum est in prima facie, Solis aut Mercurii die, Solis tamen hora:

Ad sensum corruptum & de perditum, morbosq; manuum in primis dextræ commendari video Imaginem Sagittarii factam de auro vel argento in prima facie primi gradus vsq; ad 5. die Solis & hora eius: hæc figura habet vim expellendi infirmitates, Saturni, Veneris & Martis, oportet autem Saturnum non esse retrogradum, nec Martem in 12. domo, sicut nec Iouem in quarta. Sol vero supra terram existat.

Atq; hæc sunt sigilla & sculptura Planetarum & constellationum quarundam Cœlestium, à diuersis autoribus repertæ, sequuntur ordine, quæ in antiquissimorum Sophorum & Doctorum monumentis & Codicibus, & à verbo ad verbum huc transcriptæ, consignatæ imagines inueniuntur, quæ multarum mirandarumq; virium esse perhibentur, si in conuenientibus lapidib. sculptæ magna cum reuerentia, & deuotione (sed absit superstitio) gestentur & custodiantur: & primo quidem inter vetustissimi illius & summi Rhagaelis arcana fuerunt.

Draconis formosi imago, si in Rubino siue *Inuenta Rhagaelis.* in alio lapide similis naturæ sculpta fuerit, scias virtutem eius esse in augendis bonis huius seculi, gestantemq; hilarem & sanum efficere.

Falconis imago, si in Topatio sit, ad acquirendam benevolentiam Regum, principum & magnatum facit.

Astrolabii imago si in Granato sculpta fuerit, virtus eius erit, sanum reddere gestantem, & ab omnibus ægritudinibus, aduersisque casibus in itinere liberum.

Asini imago, si in Chrysolito sit, virtus eius erit futura prognosticare & prædicere. (quantum sc. potest euadere in humanam imbecillitatem, verè enim futura prædicere solius est Dei.

Arietis vel capitis hominis cum barba imago in sapphyro sculpta virtutem habet sanandi, & liberandi à multis infirmitatibus, & à carcere, omniq; molestia, estq; imago regia, dat enim dignitates & honores, ac in altum extollit.

Ranæ figura si in berillo sculpta erit, virtutem habet inimicos reconciliandi, & amicitiam inter homines, si discordes ipsâ tetigeris.

Camelini capitis, vel duarum caprarum inter myrri arbores imago si in Onyche sit, virtutem habet conuocandi, congregandi, & constringendi dæmonas, si quis secum portauerit, & in somno facit terribilia videre ac mirabilia.

Vulturis imago si in Chrysolito sit, virtus

tus eius erit dæmones frenare & congregare, defendere locum, in quo ponitur à malis spiritibus, & ab eorum infestatione, gestantiq; dæmones facit obedientes.

Vespertilionis imago si in Heliotropio sculpta erit, gestanti potentiam dat resistendi dæmonibus.

Hominis bene ornati imago & habentis aliquid pulchri in manibus, si in Cornelio sculpta erit, virtutem habebit stringendi sanguinem, & ad honores confert.

Leonis vel Sagittarij imago, si in lapide sit, ad venena valet, & à febre liberat.

Hominis armati cum arca & sagitta imago si in iride sculpta fuerit, virtutem habet custodire gestantem, & loca, in quibus versatur, à malo.

Hominis imago cum ense in manu, si in Cornello sit, virtutem habet præservare locum in quo erit, à fulgure & tempestate, & gestantem à vitiis, & à fascinatione custodit.

Tauri imago si in Præssio sit, ad maleficia iuvare dicitur, & in magisteriis gratiam præbet.

Vpupæ figura cum Dragontea herba ante se, si in Beryllo sit, virtutem habebit aquaticos prouocare spiritus, & loqui cohibere, deque quæstis ab eis responsa recipere.

Hominis imago cum dextra manu erecta ad cælum, si in Chalcedonio sit, virtus eius erit

C 5 vincere

vincere ciuiles lites, & gestantem reddere sanum, & in itineribus, ac à causis noxiis præseruare.

*Ceraunia
candidus
lapis est
crystallini
splendoris,
siderum
fulgorem
rapiens.*

Dei nomina in Ceraunia si sculpta fuerint, virtutem habebit præseruare loca, in quibus erit hæc imago, à tempestatibus, & potentiam victoriamque dare gestantibus contra inimicos suos.

Vrsi imago si in Amethysto sit fugiendi dæmones virtutem habet, & hominem ab ebrietate defendendi & præseruandi.

Hominis armati Imago in magnete sculpta, gestantes in bello reddit victoriosos. Hæc enim Rhagael.

IMAGINES SEV SIGILLA

Chaelis.

*Inuenta
Chaelis.*

CHael vnus ex filiis filiorum Israël, antiquissimus Doctor, cum in deserto esset, obseruauit, & sculperet fecit multas secundum cursum signorum & planetarum figuras, & maximum effectum in eis agnouit, vtque hæc imaginum virtutes posteris paterent, librum composuit, ex quo sequentia sunt excerpta. Sitq; benedictus Deus, qui terris tales virtutes dedit in salutem humani generis. (Hæc verba reperiuntur in ipso libro à Chaele conscripto statim in principio.)

Homi-

Hominis figura sedentis post aratrum, cum longa barba, vultuque longo & supercilijs curuatis, in cuius collo sint quatuor homines iacentes, & qui teneat in manibus vulpē & vulturem, si talis lapis, in quo hæcerunt sculpta, *Qualis v. sit lapis, nō significatur.* collo suspendatur, ad omnes plantationes valeat, & ad inueniendum thesauros, nam si sub ceruice iturus in lectum posueris, in somno videbis thesauros, ac modum extrahendi: est & alia eius virtus, scilicet conferre ægritudinibus brutorum, cum aquam biberunt, in qua hic lapis lotus fuerit, debet autem sculpi in die & hora Veneris.

Hominis imago habentis in collo clypeum, & in capite galeam tenentis in manu gladium, ac conculcantis sub pedibus serpentem, in Iaspide rubeo sculpta, si collo suspēdatur, omnes superabit inimicos in prælio, & maxime si commissum fuerit die Martis.

Equi imago habentis Crocodilum supra se in hiacyntho sculpta, virtutem habet reddere gestantem victorem in ciuilibus causis, amatum, morigeratum, efficit & amabilem, debetque in auro ligari, quia ex auro virtus eius augmentatur.

Hominis figura sedentis, & mulieris stantis ante eū capillis sparsis versus renes, & viri sursum aspicientis in Cornelio sculpta, virtus eius erit, ab omnibus hoc lapide contactis bene-

beneuolentiam acquirere: lapidi autem debet supponi parum ambræ, & terebinthinæ.

Equi spumantis & feruidi, super quem vir niger sedeat cum sceptro in manu, figura sculpta in hemathite, regnandi potestatem præbet, & amissam gratiam restaurat, debetq; in æquali pondere auri & argenti ligari.

Hominis sedentis cum accensa candela in manu imago, si in Chrysolito sculpta fuerit, gestantem diuitem efficit, debetq; in purissimo auro ligari.

Cerui aut venatoris, aut canis, aut leporis figura sculpta, virtutem habet frenandi damones, lunaticos, phreneticos.

Mulieris imaginem habentis in vna manu auem, & in alia piscem sculptam, scias virtutem habere in capiendis piscibus & auibus; debet in argento ligari.

Imago cuius anterior pars est equus, posterior vero capra, si in aliquo lapide sculpta sit, dat fortunam in alendis & armandis animalibus seu bestiis omnium generum, debetque in plumbo ligari.

Mulieris sedentis cum tuba in equo, seu militis currentis cum cornu ad collum, & cum arbore ante se, figura sculpta in aliquo lapide venatoribus venandi gratiam præbet, si secum portauerint.

Hominis flexis genibus sursum respicientis, & tenen-

& tenentis pannum figura, si in lapide sculpta erit, ac quis secum portauerit, dat gratiam & diuitias in rebus emendis & vendendis.

Scorpionis & Sagittarij ad inuicem pugnantium figura, si in aliquo lapide sculpta fuerit, maleuolos & discordes efficiet concordēs, inimicos amicos, ligetur autem in argento.

Vulturis imago cum ramo oliuæ in ore si in pyrite sculpsieris, tecumq; portaueris in argenteo annulo, ad multa conuiuia vocaberis, & omnes te aspicient cum admiratione & stupore.

Arietis & Leonis medietatis figura, si in aliquo pretioso lapide sculpta fuerit, si discordes cum ea tetigeris amabiles & concordēs efficiuntur, debetq; in argento ligari.

Mulieris in superiore parte, in inferiori verò piscis figura, quæ vna manu speculum teneat, & in altera manu ramum, in hiacyntho sculpta, digitoque in annulo aureo gestata, inuisibiles reddit, voluendus autem annulus cum lapide versus palmam est, palmaq; claudenda.

Basilisci, cuius pars vna est fœminæ, inferior vero serpentis figura, si in aliquo preciosorum lapidum sculpta fuerit, virtutem habebit cuncta fugandi animalia venenosa.

Basilisci pugnantis cum Dracone figura, & desuper sit caput hominis in Cornelio sculpta, si collo appendatur, gestanti dabit virtutem superan-

superandi omnem bestiam tam terrenam quam marinam.

Hominis nudi inflati figura, cum alterius hominis figura bene induti, ac tenentis in vna manu scyptum, in altera vero Ramum herbæ, si in Gagate lapide sculpta fuerit, virtutem habere scias liberandi ab omnibus febribus, si per triduum quis secum portauerit.

Hominis statuam habentis caput bouinum, & pedes aquilæ, sculptam in aliquo lapide si tecum portaueris, nullus hominum de te male loquetur.

Hominem flectentem genua, & sursum aspicientem, & manu tenentem, pannum in Turcosia sculptum, scias valere ad emendas & vendendas res.

Scorpionis & Sagittarij inter se bellantium figura in aliquo lapide sculpta, & ligata in annulo ferreo ceræ impressa, statim inter se discordes efficit, quoscuq; ea tetigeris.

Arietis figuram cum medietate bouis in aliqua gemma sculptam, virtutem habere scias, si in annulo argenteo ligata fuerit, vt quoscuque ea tetigeris, confestim tales concordēs fiant.

Fœminæ in superiori & in inferiori parte figura piscis, quæ in vna manu teneat speculū, & in alia ramum, si in Hiacynto sculpta fuerit, ligataque annulo aureo inuisibilem reddit, quando-

quandocunq; volueris: est autem sigillum cera cooperiendum, digitoque palmam versus gestandum.

Hominis arantis figura, & supra illum sic manus Domini faciens signum, & iuxta illud sculpta sit stella, si in aliqua gemma sculpta fuerit, & honestissime gestaueris, in qua regione eris, à tempestate non peribis, & fructus terræ similiter in illa non peribunt.

Viri iuuenis tenentis in capite coronam, & sedentis super thronum quadrupedem, & sub quolibet pede sit vir stans tenens cathedram collo, sitq; circa caput sedentis circulus, & manus eius sint erectæ ad cœlum, si hanc figuram sub Hiacynto albo sculptam repereris, posuerisq; hunc lapidē in argenteo annulo, in æquali pondere ad lapidē, & sub lapide modicū mastichis & terebinthinæ, ac feceris sigillum in cera, gestauerisq; ad collum, à Regibus & principibus impetrabis, quicquid volueris, iustissime autem & castissime est gestandus.

Serpentis figuram habentis supra dorsum virum, & viro insideat coruus, si in aliquo lapide sculptam inuenies, qui hunc lapidem secum portarit, omnibus abundabit, & erit astutus atq; prudens.

Viri stantis supra draconem, qui in manu teneat gladium, figuram, si in hæmatithe sculptā inuenies, pone in annulo plumbeo, vel ferreo,

reo, & obedient ei omnes spiritus subterranei, & reuelabunt ei omnes thesauros leui carmine, nec non extrahendi modum ipsi ostendēt.

Viri stantis & habentis lorica[m] indutam, & in capite galeam, in manu vero gladium euaginatam, figuram, si in aliquo lapide sculptam inuenies, & in annulo ferreo tanti ponderis ligaueris, ferenti hunc in prælio nemo resistere poterit.

Viri barbati habentis longum vultum, & curuata supercilia, sedentis super aratrum inter duos tauros, figuram, si sculptam in aliquo lapide inueneris, ad plantationes & ad omnem culturam valet, ad inueniendos thesauros, & bellandum, conuertet inimicos in amicos, & in multis infirmitatibus valet, & si quis eam portauerit, fugient serpentes à facie eius: epilepticos quoque sanat, & si infans eum portauerit ad collum, timorem ab eo expellit, & vexationē malorum spirituum, & si æger portabit, sanitatem recipiet, utq; maiorem virtutem habeat, debet poni in annulo ferreo, in duplici pondere ad lapidem.

Aquilæ stantis figura, si in Æthite sculpta & in annulo plumbeo posita fuerit, ferentem reddit acceptum & amatum ab hominibus, & animalia obedient ei.

Arietis & simul Leonis figuram si in aliquo pretiosorum lapidum sculptam inuenies, &
in argen-

in argenteo annulo ligaueris, si cum eo discordes tetigeris, concordabunt.

Capricorni signum sculptum in Cornelio, aut in alio lapide, in annulo argenteo liga, & tecum porta, nec enim personaliter, nec oraliter ab inimicis læderis, nec iudex contra iniustam sententiam dicet, in negotiatione & honore abundabis, & amicitia multorum acquires, & omnes fascinationes, quæ contra te factæ fuerint, destruentur, in prælio quoque nullus inimicus, quam etiam fortis fuerit, tibi resistere poterit. Hæc Chael.

SIGILLA SEV IMAGINES

Hermetis.

Hermes libro quadripart. 14. has commemorat imagines. Hominis imago sculpta in diadocho, stantis, & magnæ staturæ, tenentis in manu dextra obolum, & in alia serpentem, sitque super caput hominis figura Solis, & prostratum teneat sub pedibus Leonem, si posita fuerit in annulo plumbeo cum modico ari hemisphæ ac radice fænugræci, tecumque habueris in ripa fluuij & vocaueris aquaticos spiritus, ab eis de quæsitis responsa accipies.

*Lapis est
berillo si-
milis.*

Hominis figura stantis ac tenentis fasciculum herbæ collo appensum cum grossitie re-

D

num &

num & amplitudine spatularum, si in viridi Iaspide sculpta erit, scias ipsam auxilium præbere febricitantibus, & à febre liberare, & si quis artem medicinæ exercet secumq; portauerit, in discernendis ægritudinibus & cognoscendis medicinis & herbis, in dandisque portionibus maximam gratiam præbet, inq; omni hæmorrhagia & fluxu sanguinis iuuat, protinusq; eum compescit.

Turturis marini imago si in lapide marino sculpta sit, & in annulo plumbeo ligata feratur, non poterit lædi ab aliquo, & à senioribus & dominis terrarum diligetur.

Aquarij figura si sculpta fuerit in viridi Iaspide, & quis secum portauerit, lucrum præbet in vendendis & emendis rebus, & ab eo mercatores consilium quærent, & in suum domicilium merces portabunt. Avis quæ in ore folium tenet, & in eius conspectu sit caput hominis aspicientis ipsam auem, si in lapide Pargone sculpta sit, eamq; in auro ligaueris, & tecum portaueris, diues eris, & locuples, & ab omnibus venerabilis.

Iouis figura, quæ est hominis sedentis super cathedram quadrupedem, sintq; ibi quatuor homines stantes ante Iouem, sintq; manus Iouis erectæ cœlum versus, & in capite habeat diadema, si in Hiacyntho sculpta erit, ac in auro ligata, & quis talem annulum secum portauerit,

tauerit, seu figuram huius annuli impressam in cera collo suspendat, à regibus & sapientibus quicquid voluerit, impetrabit.

Hominis imago habentis vultum Leonis & pedes aquilæ, & sub pedibus eius sit draco, & cauda sit extensa, in manu vero ipsius hominis sit baculus, cum quo percutiat caput draconis, si in crystallo sculpta erit, aut in aliquo precioso lapide, & ligata sit in orichalco, & sub lapide sit moschus & ambra, si quis fert secum talem lapidem, habebit spiritus obediētes, ac magnas facultates accumulabit.

Hominis sedentis supra aquilam, ac in manu virgam tenentis imago, si in crystallo sculpta fuerit, & in annulo æreo, seu cupreo ligata: si quis hunc annulum in die Solis ante exortum ipsius aspexerit, omnes inimicos suos vincet, & superabit, si in die Iouis aspexerit victor belli erit, libenterque omnes homines ei obediē, sed oportet gestantem vestiri albis vestibus, & à Columbina carne abstinere.

N.

Hominis figura equitantis, ac tenentis in vana manu frenum, & in alia arcum tensum, & habentis gladium cinctum, si in pyrite lapide sculpta fuerit, & in annulo aureo ligata, & quis secum portauerit, eum victorē reddet in præliis, nec quis ei resistere poterit.

Mulieris imago habentis crines sparsos sup
mam-

D 2

mam-

mammillas, & in eius conspectu sit vir quasi adueniens, faciensq; ei aliquod amoris signū, si in Hyacintho seu crystallo sculpta fuerit, ac in auro ligata, & sub lapide sit ambra, aloes & artemisia, ferenti hunc lapidem in annulo omnes obedient, & si mulierem cum eo tetigeris, amabit te, & si capiti supposueris, cū vadis dormitum, quicquid volueris, videbis.

Hominis imago sedentis supra piscem, & super caput hominis sit pauo, si in lapide sculpta sit rubeo, & ipsum sub tabulam in conuiuio posueris, nemo comedens cum dextra, satiabitur.

N. Hominis nudi stantis figura, & à dextra eius sit puella stans, cuius capilli sint ligati circa caput, & vir teneat dextram suam supra collum puellæ & sinistram supra pectus, aspiciatque vultum eius; ipsa vero in terram, si in aliquo lapide sculpta erit, ac in ferreo ligata annulo, & sub lapide sit parum linguæ passeris, vpupæ, myrrhæ, aluminis, sanguinisque hominis, qui hunc annulum portaue-rit, inuictus erit, nec ullus poterit ei resistere, nec fera aliqua ei nocebit. Epilepticis quoque valet, si ceram rubeam signaueris cum eo, & si ad collum canis ponatur, latrare non permittit.

Hominis imago tenentis in manu flores, si in Cornelio sculpta erit, ac in annulo stanneo posita,

posita, & annulus fabricatus fuerit die Lunæ aut Veneris, 4. 8. aut 12. hora, tange quem volueris hoc annulo, & obediet tibi.

Hominis barbati figuram habentis vultum longum, superciliaque curua, sedentis super aratrum inter duos tauros, habentisque vultum in manu, in lapide sculptam, scias virtutem habere in plantatione arborum, & inuentione thesaurorum, ac victorem in prælio efficere, serpentes à facie gestantis fugandi: epilepticos sanat, omnemq; vexationem malorum spirituum tollit, debet autem in annulo ferreo ligari, & gestari.

Hominis tenentis falcem in manu super caput suum, figura, & sub pedibus crocodilum, si in lapide sculpta erit, ac in annulo plumbeo ligata, & sub lapide sit parum radicis squillæ, qui secum hunc annulum portauerit, ab inimicis securus erit, & in itinere à latronibus.

Hominis figura tenentis gladiū in manu, & sedentis supra draconem, si in Amethysto sculpta fuerit, ac in plumbeo annulo, vel ferreo ligata, & in digito feratur, spiritus obedient, reuelabuntq; ei qualescunq; thesauros.

Aquilæ stantis figura si in Æthite lapide sculpta fuerit, & in annulo plumbeo ligata, virtutem habet, qui secum portauerit capiendi multos pisces, nec vlla fera ei nocebit, atque hominibus diligetur.

D 3

Homi-

Hominis habentis in manu palmam figuram, si in aliquo lapide sculpta erit, reddit gestantem gratum, & amabilem potentibus & principibus. Hæc ex Hermete.

IMAGINES SEV SIGILLA

Thetelis.

THetel. vetustissimus Doctor tractans de sculpturis lapidum, ait, has sculpturas in conuenientibus lapidibus repertas, maximam habere virtutem.

Hominis imago sculpta in Iaspide habentis scutum in sinistra, & in dextra idolum, vel aliquid bellicosum, & loco pedum sint viperæ & loco capitis hominis sit caput Galli vel Leonis, virtutem habet contra inimicos, & victorem gestantem reddit, valetque aduersus venena, sanguinem quoque stringit à quacunque parte fluat.

N. Hominis figura habentis fasciculum herbæ in collo, si in Iaspide sculpta fuerit, virtutem habet discernendi, seu cognoscendi infirmitates, sanguinemque à quocunque loco fluat, frenat, dicuntque hunc lapidem habuisse Galenum.

Crucem sculptam in Iaspide viridi, dicunt habere potentiam liberandi gestantem ab aquæ submersione.

Fœmina

Fœmina habens in vna manu auem & in altera piscem: si sculpta fuerit in Chrysolito, ad negociandum multum valet.

Lupi figura sculpta in Iaspide contra astutiam valet, & infana verba prohibet proferre.

Cerui figura in Iaspide sculpta virtutem habet sanandi & liberandi lunaticos & phreneticos,

Imperatoris figura in Iaspide sculpta cum capite erecto, gestantem reddit amabilem ab omni creatura, & quicquid petierit, obtinebit.

Virginis figura cum veste profusa tenentis in manu laurum, si sculpta fuerit in Iaspide, gestantem efficit securum à submersione aquæ, nec à Dæmone vexabitur, facitq; potentem, & omnia impetrantem.

Hominis figura habens in manu inscriptam palmam, si in Iaspide repèriatur, potentem reddit gestantem principibusq; gratum. Hactenus Thetel.

S C V L P T V R Æ S A L O-

monia.

Vetustissimus inuentus est libellus in deserto apud filios Israelis, qui quoniã in eo

D

4

multa

multa Salomonis opera reperiiebantur, Salomoni fuit ascriptus. Titulus libri erat, de Sigillis lapidum secundum nomen tuum Domine, & secundum cursum stellarum.

N. Hominis sedentis super aratrum figura, habentis collum paruum & prolixam barbam, quatuorq; homines iaceant in collo ipsius, & teneat in vna manu vulpem, in altera vulturem, scias istud sigillum collo appensum ad omnes valere plantationes, omnesq; thesaurorum inuentiones: probationem autem istius sic institues, accipe lanam nigram puram sine tinctura, inuolue lapidem, poneq; inter paleas tritici, & capiti suppone, videbisq; tunc in somno omnes thesauros istius regionis in qua fueris, simulq; habet virtutem sanandi omnes bestiarum languores, si aquam, in qua lotus fuerit, biberint.

Hominem sculptū in Iaspide viridi, qui habeat clypeum pendentē in collo, & supra caput galeā cum gladio erecto, pedibusq; calcet serpentem, appone collo, & non timebis vllū inimicum, in omnibus rebus eris victor maxime vero Martialibus, debetq; ligari in ære.

Equus gerens in dorso crocodilum in hyacintho albo sculptus, amabilem facit hominibus & bestiis.

Hominis sedentis figura & mulieris stantis ante eum, habentis capillos extensos vsque ad fe-

ad femur, leuantis v. oculos sursum, si in Cornelio sculpta fuerit, scias virtutem eius esse, omnem hominem tam marem vel foeminam reddere obedientem, debetq; in tanto pondere auri ligari, quantum ipse lapis habet, subtus autem pone betonicam & ambram.

Equum spumantem cum viro supra se tenente sceptrum manu, in amethysto sculptum, scias illud sigillum prodesse ad omnes res quas habet, qui illud gerit, omnesque principes & primates erunt ei obedientes, debet autem ligari in auro vel argento in duplo ad sigillum.

Capitis hominis cum longa barba ac modico sanguinis circa collum, si in adamante imago sculpta reperiatur, scias ad victoriam audaciamq; conferre, & corpus ab omni laesione praeseruare, valetq; ad impetrandam gratiam a principibus.

Hominis volentis instrumentis ludere figura in sapphyro sculpta, gratiosissimum omnibus reddit.

Galli imago, vel trium puellarum si in Achate reperiatur, hominem gratiosum apud Deum & homines reddit.

Leonis figura in Granato sculpta diuitias praebet & honores, cor laetificat, tristitiamq; expellit.

Cerui aut columbi imago in Onyche sculpta, gestanti praebet animositatem aduersus daemones.

D 5

Ho-

Hominis figura in similitudine mercatoris portantis merces ad vendendum, aut hominis sedentis sub centurione, si in Smaragdo reperitur; dat diuitias, victoremque reddit, & ab angustiis subleuat.

Tauri vel vituli imago in magnete reperta, portanti felicia præbet itinera per omnia loca, valeq; contra omnes incantationes.

Equi aut lupi figura in Iaspide reperta febres fugat, sanguinemq; sistit.

Hominis figura coronati in Topatio gestantem efficit bonum, morigeratum dilectumque Deo & hominib. præbetq; honores ac dignitates.

Hominis armati cum ense in manu, si in Sardo vel Amethysto sculpta reperiatur imago, gerentem acquirere facit perfectam & bonam memoriam, redditq; prudentem.

Cerui vel hirci figura in Chalcedonio reperta sculpta, virtutem dat augendi diuitias, si in capsula pecuniaria reseruetur.

Leporis imago in Iaspide portantem à nullo dæmone lædi patitur,

Locusta marina in berillo sculpta, rixas conciliat, & matrimonium in amore coniungit.

Nocticornis figura, quia Palladis avis est sculpta in lapide qui facit ad scientiam, hominem facit scientissimum & eloquentem.

Pauonis imago sculpta in conueniente lapide gestantes reddit diuites. Ho-

Hominis figura interficientis Leonem aut aliam bestiam cum gladio, gestantem astutum, victoriosum & amabilem reddit.

Hominis tenentis laurum vel palmam in manu dextra imago, portantem efficit causarum & praeliorum victorem, amabilem & potentem in regione sua.

Hominis alati figura habentis sub pedibus serpentem ac tenentis caput eius in manibus, gestantem diuitem, prudentem & amabilem reddit omnibus.

Formicæ habentis spicam vel granum in aliquo lapide sculpta imago, ad diuitias valet acquirendas.

Galli figura tenentis rostro coronam vel Zonam, in duello victoriam dabit, præsertim si in gallinaceo fuerit.

Hominis stantis, cuius caput sit bouis, pedes vero aquilæ figura, in gemma aliqua sculptam si inueneris, inq; ceram imprefferis, nullus hominum de te male loquetur.

Basiliscum & draconem inter se pugnantes si in Cornelio inueneris sculptos, sitque ibi caput bouis, bellaturus applica collo, omnesque bestias vinces tam marinas quam terrestres.

Hominis nudi inflati & coronati, tenentis in vna manu scyphum, in altera ramum herbæ, figura in Gagate sculpta, ligataque in annulo
cuius-

cuiusuis metalli, gestantem protinus à febre liberat.

Viri sedentis super pisce figura in Iaspide rubeo sculpta, pannoq; alicuius imposita, conuiuantem si cum dextra comederit, non saturari faciet.

Mulieris figuram habentis crines sparsos, vel mammillas nudas, inq; conspectu eius sit vir cernēs eius faciem, si in hiacyntho, granato vel crystallo inueneris sculptam, ligauerisq; in annulo aureo, tanti ponderis vt lapis est, sub verò lapide sit ambra, aloes, polypodium, gestantem efficiet omnibus amicabilem, siq; supponatur capiti, in somno videbit, quæcunque voluerit.

Viri equitantis & tenentis in manu frenum, & in alia arcum cum gladio cincto, figuram si in pyrite sculptam inuenies, ligeturque in annulo aureo, gestantem victorem reddit in prælio cui nemo resistere poterit, & si quis hunc anulum submerferit in oleo muschato, omnes ipsum pertimescent, si inunxerit vultum suum illo oleo, nec ei poterunt se opponere.

Viri stantis qui sit nudus, & à dextris eius sit puella nuda stans, eiusque capilli sint ligati circa caput, figuram, si in magnete sculptam inuenies, & vir teneat dextram suam super collo puellæ, sinistram vero supra pectus, & vir aspiciat vultum puellæ, hæc autem terram, pone in
an-

annulo ferreo tanti ponderis quanti est lapis, includeq; sub annulo vpupæ linguam, myrrhā, alumen, & de sanguine hominis, quantum linguæ pondus est, ferenti hunc annulum, nullus inimicus poterit resistere in conspectu eius, siue in bello, siue alibi, nec latro, nec fera nocens poterit intrare domum in qua hic lapis repositus fuerit, & si epilepticus aquam biberit in qua lotus fuerit, sanabitur; Cera quoque rubea si eo signetur colloque canis fuerit appensa, latrare eum prohibebit.

Militem super equo currentem cum cornu ad collum, & cum arbore ante ipsum, sculptum in pretioso aliquo lapide, scias valere ad omnes venationes.

Fœminam tenentem in vna manu auem, in altera piscem, in crystallo sculptam, scias valere ad capiendum aues, debetque ligari in argento.

Hominis figuram cum hircino capite loco sui, scias valere ad acquirendum diuitias.

Aquilæ figura in crystallo sculpta gestantem reddit diuitem, victoriosum & eloquentem.

Cornutum animal, quod equum subtus se ferat, & equus retro se ducat medietatem capræ, sculptum pretiosiore aliquo lapide, scias plurimum valere ad domandum quamcunq; bestiam, debetq; ligari in annulo plumbeo.

Tur-

Turturis figuram si in Pangone inueneris sculptam & in annulo plumbeo, ferens nunquam vulnerabitur, nec malum accipiet, sed honorabitur ab omnibus, maximè à Senioribus.

Auis tenentis folium in ore, sitque in ore & conspectu eius caput hominis aut vulturis, figuram, si in auro sculptam inueneris, ferens ex omnibus quæ emturus est & venditurus lucrum acquirat, àque emptoribus inuestigabitur.

Leonis vel draconis vultus habenris duo capita cum cauda delicata, vel viri in cuius dextra sit baculus, & percutiat caput Leonis, figuram, si in crystallo sculptam inueneris, posuerisque in orichalco, sub vero lapide moschum & ambram, tecumq; portaueris, omnes tibi obedient, facultatemq; tuam amplificabis, signata cum eo cera eandem habebit virtutem.

Equi alati, qui Pegasus dicitur, figura, si in aliquo lapide sculpto inuenitur, conducit militantibus, & in campestri bello dat audaciam & alacritatem.

Viri & serpentis circumdantis visum figuram, si in aliquo lapide sculptam inuenies, gerenti scias præbere victoriam in prælio campestri.

Arboris, vel vitis, vel spicæ figura in aliquo lapide sculpta gestantem facit in victu & ami-

Qu

Et abundare, principesque reddit beneuolos.

Mars armatus vel virgo stolata cum circumflexa veste tenens in manu laurum, in Iaspide si inueniatur, potentem gestantem reddit ad arma perficienda, & à morte violenta, aquæque submersione liberat, casibusque aduersis.

Hominis armati in equo cum lancea figura in amethysto sculpta facit gestantem victoriosum in campestri bello.

Herculis figuram, tenentis in dextra clauam, interficientis Leonem vel aliud monstrum, si in lapide sculptam reperies, scias præbere victoriam in campestri pugna.

Iouis figura, quæ sit in forma hominis cum arietis capite, gestantem facit amabilem, citoque impetrantem quicquid voluerit.

Virgo aut puelia cum Lampade in crystallo sculpta, virtutem habet custodiendi oculorum lumen.

Ignæ triplicitatis, id est, arietis, Leonis & Sagittarii figura sculpta in lapide pretioso, omnibus frigidis ægritudinibus valere perhibetur, opitulariq; febribus phlegmaticis, & ob Planetarum, qui in illis signis tenent dominium, dignitatem, reddere Deo & hominibus gratû, facundum, ingeniosum, honorumque & dignitatum facile potiri valentem: debet autem

N.

tem ita sculpi, vt in triangulo Leo teneat co-
num, aries in basi dextram, Sagittarius fini-
stram.

Terreæ triplicitatis, id est tauri, virginis &
Capricorni imago lapidi insculpta, omnibus
calidis & humidis ægritudinibus auxilium præ-
stabit, gestantemq; inclinabit ad opera ruralia,
vt sunt arare, plantare, seminare, vineas exco-
lere & similia, debet autem in Cono esse Ca-
pricornus, in basis dextra taurus, in sinistra vir-
go.

Aeræ triplicitatis, id est, geminorum, libræ
& aquarii imago, in lapide sculpta, ab omnibus
ægritudinibus frigidis & siccis ex humore me-
lancholico oriundis, liberat, præsertim vero
quartana, eritq; in trianguli cuspide libra, in
basis dextra aquarius, in sinistra gemini.

Aqueæ triplicitatis, id est Cancri, Scorpii,
piscium figura lapidi insculpta, à calidis & siccis
morbis liberat, vt Ethica, omnibusq; cholera
morbis, verum gestantem reddit inconstan-
tem, iniustum & veritatis osorem, debet autem
in coronide trianguli esse Cancer, in basis dex-
tra Pisces, in sinistra Mars.

*Planetarū
sculptura.*

Saturni figura insculpta lapidibus est eius-
modi. Vir senex falcem tenens in manu, ha-
bens barbam non multum pilosam: hæc figu-
ra sculpta in lapide de natura Saturni gestan-
tem reddit potentem cum continua potestatis
augmentatione. Iouis

Iouis Imago est hominis sedentis in solio seu in quadrupede cathedra, virgam tenentis vna, altera vero pilam; seu tenentis idolum, Cancrum vel piscem, & ante pedes habentis aquilam: Sed apud Magiæ Doctores aliter figuratur, hominis enim figuram sculpunt cum arietino capite, rugosis calcaneis, subtili pectore, quæ si lapidi, maximè Krabati inculpatur, gestantem reddit fortunatum, amabilem religiosq; gratum, extollitq; ad honores & dignitates.

Martis imago multipliciter in lapide figuratur, interdum cum vexillo in manu, interdum cum lancea, aut alio instrumento bellico, semper tamen armatus, & aliquando equester: huius lapidis sic sculpti virtus gestantem reddit victoriosum, audacem, bellicosum; maximè vero si sculpatur in lapide virtutis consimilis.

Solis figura diversimodè reperitur, interdum instar ☉ cum radiis circumquaq;: aliquando instar hominis sedentis in solio cum capillis sparsis, & veste profusa, nec non in curru, ac si ab equis quadrigis veheretur, ita ut circum circa currum sint 12. Zodiaci signa: Virtus autem huius figuræ in aliquo lapide sculptæ gestantem reddit imperantem, Magnatibusque gratum.

Veneris imagines similiter multæ sunt,
E lapis

lapidibus tamen sequens frequentius insculpi-
tur : Mulier cum magna veste & stola , manuq;
tenens laurum : huius virtus est agilitatem dare
in rebus agendis , omniaq; ad optatum finem
deducere , timorem submersionis aquaticæ au-
ferre , honores verò muliebres afferre.

Mercurii figura homo est gracilis pectoris,
pulchram habens barbam cum ularibus , cadu-
ceam tenens virgam cum gallo ante pedes , aut
cum serpente sub pedibus ; virtus eius est con-
ferre ad scientiam & oratoriam comparandam ,
mercatoribus locupletandis quoq; maximum
præstat auxilium.

Lunæ imagines variæ sunt , aliquando enim
figuratur in propria Lunæ figura , cum corni-
bus , interdum in curru , vt puella cum canibus
& pharetra , cum canibus sequentibus ceruum :
huius imaginis virtus est præbere expeditio-
nem in legionibus , ex his bona & honores , inq;
omnibus rebus agendis præstare celeritatem &
facilitatem , adque optatum finem omnia de-
ducere . Verum caute obseruandum , vt etiam
supra monitum est , Planetam , cuius imaginem
in annulo conueniente sculptam cupis , optimè
debere esse dispositum , hoc est , non combu-
stum , retrogradum , malorumque radiis op-
pressum aut tactum , sed in bono cœli loco , o-
riente vel Medio Cœli , cum Ioue vel Venere

in

in dignitatibusq; essentialibus, aliâs imago Vana existeret, nulliusque momenti.

Cæterum Vrsi imaginem sic formarunt veteres:

Binas vrsas inculpant circumuolutas à serpente, Maior vrsa in capite circumflexionis, minor in cauda continetur: quæ imago in aliquo lapide sculpta, gestantem scientem reddit, versutum & potentem.

*Vrsi imago
quomodo
formanda?
Vrsa.*

Coronæ imago similitudinem coronæ Regiæ cum pluribus habet stellis, interdum similitudine regis capite coronati figuratur, existit in Septentrionali parte & signo Sagittarii, estque de natura Veneris & Mercuri, si hæc imago in lapide fuerit sculpta, dat gestantibus honores & scientiam, regiamq; gratiam.

Herculis quoque incuruati imago talis est: Vir in genua prolapsus tenens in manu clauam interficiensque Leonem: aliquando vir cum Leonina pelle in manu, talesque figuræ in decente lapide sculptæ ad victoriam conferunt bellicam, maximè si in Achate gestetur.

Cygni siue gallinæ imago, expansis alis colloque incuruato, gratum gestantem reddit populo, scientem, diuitem, podagramque paralytici & quartanam pellit.

Cephei figura habentis præcinctum enses cum brachiis & manibus expansis

E 2

in

in lapide sculpta, cautum reddit & scientem, & si puluinari dormientis supponatur, in somno res delectabiles facit apparere.

Cassiopeia mulieris imago est sedentis in Cathedra habentis manus porrectas ad modum crucis, aliquando cum triangulo in capite, in signo autem tauri constituitur, & in septentrionali parte, eius natura est de Saturno & Venere: si hæc sculpta fuerit in conuenienti lapide, virtus eius erit, hominibus sanitatem præbere, infirma & defatigata corpora restaurare, quietem & tranquillitatem post conceptum laborem gestantibus præbere, amœnum & suauem somnum præstare.

Andromeda puellæ imago est, habens crines sparso, ac remissas manus à tauro continentur in septentrione, Venerisque naturæ est: eius virtus est si in lapide sculpta erit, rixas & iurgia inter virum & uxorem ortas reconciliare, & stabilem amorem firmare: & à quamplurimis infirmitatibus custodire.

Perseus, enssem in dextrâ manu, in sinistrâ caput Gorgonis habens, imago est, ac locatur in tauro, & in septentrionali parte, vim Saturni habet & Veneris, si in lapide sculpta fuerit, ab infortunis gestantem auertit, & à fulgure, & tempestate præseruat, non solum gestantem, sed & loca, vbi continetur, fascinationes quoque soluit.

Ser-

Serpentarius est hominis figura habentis serpentem, tenentisq; in dextra caput, & in sinistra caudam: est in signo scorpionis, & in Septentrione, naturam habet Saturni & Martis, Virtus eius in lapide sculpta est valere contra venena, venenolorum animalium morsus curare, & si lotura eius bibatur, facit venenum euomi sine læsione.

Aquila siue vultur volans, est imago aquilæ volantis cum sagitta sub pedibus, in cancro, & septentrionali parte collocatur, de natura Iouis & Martis, sed sagitta de natura Martis & Veneris: hæ constellationes cum in lapide sculptæ erunt, gestantis veteres honorum gradus conseruare, & novos acquirere, adque victoriam conferre dicuntur.

Piscis siue delphinus est imago gibbosi piscis: est in signo Aquarii & in septentrione, naturam habens Saturni & Martis, quod si in lapide sculpta sit, artubusque alligata fuerit, gestantem fortunatum efficit in piscando.

Pegasus siue equus alatus, vel secundum aliquos medietas equi cum alis: secundum alios totus equus cum alis, & sine freno, in signo arietis, & in septentrionali parte, naturā habens Martis & Iouis: si sculptus fuerit in lapide, gestanti in campestri bello victoriam præbet, & velocem, cautum, audacemque reddit: si verò equi collo suspendatur, aut in aquâ ponatur,

vbi bibat equus, à multis infirmitatib. eum liberabit.

Cetus est figura magni piscis cum curuata cauda & magno ore, continetur à tauro, & in meridionali parte, naturamq; obtinet Saturni: in lapide hæc figura sculpta si supra dorsum habeat serpentem cristatum, in mari gestantem felicitat, enmq; prudentem & amabilem reddit, & ablata restaurat.

Orionis armati hominis imago cum ense seu falce in manu, collocatur in signo geminorum, & in parte meridionali, Iouis, Saturni & Martis naturam habet, hæc figura in lapide sculpta, gestantem reddit victoriosum, & de inimicis victoriam reportare facit.

Nauis imago est cum retorta prora, & eleuato velo, & aliquando sine & cum remis, continetur à leone, & in meridionali parte, est naturæ Saturni & Martis, in lapide autem sculpta securum reddit gestantem in agendis rebus in mari, & aqua, nec ab aqua damnum capere permittit.

Canis imago est figura canis leporini cum caudâ curuatâ, existit in signo Cancri, & meridionali parte, naturam Veneris habens: si in lapide sculpta sit, ipsam vim habere dicunt liberandi totaliter lunaticos, moniacos, Dæmoniacos.

Leporis ad similitudinem leporis imago
est

est cum extensis auribus & pedibus, ac si in cursu esset, in signo geminorum collocatur, & in meridionali parte: natura eius est Saturnia & Mercurialis: virtus huius est phreneticos curare & contra Dæmonum versutias valere, nec à maligno spiritu gestans poterit lædi.

Centaurus, est figura tauri vsque ad collum, reliqua hominis tenentis in sinistra manu hastam quiescentem supra sinistram spatulam cum appenso lepore, in dextra verò manu bestiolam resupinam cum lebeate appenso: in librâ & meridionali parte constituitur: estque naturæ Iouis & Martis, virtus huius sculpturæ est reddere gestantem constantem, & sanum perpe uâ sanitate.

Canis imago sedentis in Cancro, de natura Veneris est: si in lapide sculpta fuerit, tecumq; portaueris, hydropem non timebis, & à peste, canisq; morsu liberaberis.

Sacrarii seu thuribuli figura de natura Veneris & Mercurii, cum accenso igne, si in lapide sculpta erit, habilem gestantem ad conuocandos spiritus efficit, ac in eorum conuersatione esse, eosque reddit obediētes: dicunt etiam gestantem reddere ornatum perpetuâ virginitate, cum castitatem inducat.

Hydræ seu serpentis imago est serpentis figura habentis lupra se urnam circa

caput, & coruum circa caudam, de natura Saturni & Veneris: virtus eius est efficere gestantem ditissimum, astutum, cautum, prudentem, & à nociuis rebus liberum, & resistit omni noxi color.

Coronæ australis figura, imperiali coronæ assimilatur, de natura Saturni & Martis, in augendis diuitiis eius virtus est, hominemque hilarem, & iucundum reddere:

Agitatoris seu aurigæ imago est hominis figura in curru tenentis hircum in humero sinistro: collocatur in signo geminorum & in Septentrione, naturam habens Mercurii: hæc figura in lapide sculpta facit gestantem venatorem & fortunatum in capiendis animalibus.

Vexilli imago fit in similitudinem vexilli expansi in extremitate hastæ. Hæc in lapide sculpta efficit gestantem in militiâ fortunatum, ac victorem in campestri bello.

Imago Leonis sculpta in auro, Sole existente in Leone, Luna Saturnum non respiciente, præseruat à calculo calidisq; ægritudinibus.

Scorpii imago in annulo aureo & lapide bezoar impressa, aut sculpta, Luna existente in Scorpione, fitque Scorpius in vno ex cardinibus mundi, ad puncturam Scorpionis valet.

Imago Aquarii prodest iis qui habent falsas

las imaginationes, vt sunt melancholici, quar-
tanarij, maniaci, oportet autem vt fiat in die
Solis, & hora eius, & nō sit Iupiter combustus,
neq; Sol sit Ioue altior, neq; Saturnus sit in a-
scendente, neque in 19. gr. arietis: 3. 15. 27. tauri:
11. geminorum 3. 4. 12. 15. 19. cancr. 2. 5. 19. Leo-
nis: 3. 13. 30. Virginis: 3. 5. 21. libræ: 7. 18. 20. 21.
Scorpionis: 13. 20. Sagittarij: 12. 13. 24. Capricor-
ni: 7. 18. 20. aquarij: 13. 20. piscium.

Imago piscium, Sole existente in piscibus in NB.
12. domo & Luna in ascendente, dominoque *Contra*
ascendentis & domino domus sextæ aspectu *Podagram.*
sextili, aut trigono respicientibus ad inuicem,
aut saltem Luna respiciente alterutrum, à po-
dagricis doloribus gestantem sub plantis pedū
liberare experimento dicitur. Verum, & Tem-
pus electionis in hisce & similibus figuris for-
mandis diligenter obseruandum, maiorem e-
nim tunc è cœlo virtutem suscipere, si statis
temporibus oportunisque horis insculpantur,
sic enim magis influere sidera, experientia ha-
betur compertum. Vnde amorem excitare
beneuolis, odium vero accendere volens, ini-
quis aspectibus vtitur. Saturni igitur imagi-
nem fabricari volunt ipso existente in Capri-
corno vel aquario, Iouis in Sagittario vel pisci-
bus, Martis in ariete & Scorpione, Solis in
Leone, Veneris in Tauro & Libra, Mercurij in
geminis & Virgine, Lunæ in Cancro. Sic Leo-
nis vel

Nota dilig.

nis vel Cancræ imago annulo vel lapidi infigi debet, Sole Leonem, Luna vero Cancrum peragrans, ita tamen, ut uterque ab omni impedimento sit liber, præsertim vero à radiis Saturni vel Martis. Tenendum etiam, quodlibet signum, quamdiu Sol in eo est, viuum fieri, cæterisque dominari, effectumque eius præ aliis sentiri, ideoque semper Planetam dirigendum ad locum esse, id est, signum, faciem & gradum, quem Sol illustrat.

Quomodo imaginibus utendum.

Haecenus de imaginibus magicis præcorum Sapientum, quas eam potissimum ob causam hic enumerasse placuit, ut planum fiat ex magicæ Philosophiæ, hoc est veræ & naturalis Magiæ, non Goetiæ & Necromantiæ principis quasdam esse extractas, quamque certum est superstitionem in multis per abusum irrepisse: Vsus habet laudem, crimen abusus habet. Si quis enim cum superstitione ad male agendam eas referre velit, ordini diuino & ipsius artis, ex qua fluxerunt, principiis, erit contrarius, eique verendum, ne deliris superstitionibus circumuentus, delirus totus euadat & superstitiosus.

Planetarum influxus ac vires metallis quomodo imprimenda?

Cæterum iisdem fere ex fundamentis & causis etiam nunc conflari inceperunt laminæ auratæ, argenteæque rotundæ, quadratæ, vel triangulares, quibus certi Planetarum signaturæ & characteres ad certos cœli positus & configurationa-

figurationes seu constellationes in sculpuntur, pro cuiusq; Planetæ fauore atque influxu conciliando: imprimi enim, recipi, atque retineri in eiusmodi figuris & simulacris, certa specie, imaginibusque insignitis, planetarum influxum, rationi & experientiæ consentaneum est. Hoc interim accuratissime obseruandum, vt Planeta, cuius influxum quis petit, sit fortis & fortunatus, hoc est, in proprio domicilio, exaltatione, vel triplicitate, in Orientis angulo vel Medio cœli, liber à malis radiis Saturni vel Martis, fultus Veneris vel Iouis trigono aut Sextili, vel iis iunctus, directus, velox cursu, non combustus, ascendens in circulo augis.

Exemplo sit Mercurius, cuius influxum si quis pro intellectu, ingenio, memoriaque acuenda conciliare sibi cupit, obseruet, quo tempore anni Mercurius in geminis vel Virgine, in quibus signis suum habet domicilium, sit fortis & fortunatus in oriente vel medio cœli: inuenta hora horæq; minuto, fiat cœlestis figuræ vna cum aspectuum delineatione, diligens & artificiosa sculptura in argento puro, quæ postea serico albo inclusa reseruatur, tiamque ea parte qua præcise cerebellum contingit, additis moschi optimi aliquot granis, insuitur: præcipue autem de nocte, ac euidentius illa hora & tempore, quo sculptura
& incoa-

& incoata & absoluta, operationem perficere, animaduersum est. Hoc anno 1610. Mercurius fortis & fortunatus repertus est circa 14. & 15. Iun. horamque matutinam secundam: Iterumque fortissimus & fortunatissimus existet in Septemb. & Octob. paulo ante & post horam matutinam 5. quo tempore Solem in orientali cardine antecedit in propriis dignitatibus.

Atque hic est modus intellectuam potentiam memoriāque exacuendi è cœlorum virtutibus: ex vegetabilibus quoque animalibusque non parum me gratiæ initurum spero apud eos qui memoria sunt fragili & fluxili, licet ad intelligendum excitati, si remedia quædam pro memoria corroboranda, quibus Clariss. & doctiss. viros feliciter vsos scio, quæque hætenus inter secreta abscondita latuerunt, exprompsero, non inuidens quæ publico possum esse vsui. Multa autem iis inesse scias, quæ neque temperamento, neque materiæ vel vili qualitati manifestæ inhærescunt, sed soli proprietati cuidam occultæ ascribenda sunt.

Recipe cordium hirundinum, adhuc palpitantium numero 7. turturum num. v. menthæ siccæ, pulegij, verbenæ, eufrasîæ, coriandri præparati, gallitrichi, sing. 3j. florum rosmarini 3j. s. calami aromatici, cinnamomi, sing. 3ij. galuyophyllorum 3j. s. moschi, & Galliæ moschatæ,

ſchatæ, ſing. gran. vj. mellis anacardini, ſtyracis
calamitæ ſing. ʒv. quæ ex his patiuntur tritu-
rationem, redigantur in puluerem tenuem,
cumque aqua ſœniculi redigantur in paſtillos
ad formam nuclei palmulæ. Uſurus hunc ſer-
uabit ordinem. Purgato corpore 50. noctib.
nihil præter paſſulas cum amygdalis paucis &
paucò pane cœnabit, prandium autem erit af-
ſa gallina, aut pullus gallinaceus, turtur, perdix
vel ſimile quid, potus vinum vnius anni mo-
dice dilutum. Singulis autem noctibus propè
ſomni horam, paſtillus dextræ nari inſeretur,
cotoq; obturabitur, ſicque ſeruabis, non ultra
quam XXX. Virgilij verſus recitaueris: elapſis
diebus aliquot, paſtillum ſiniſtræ nari aqua ro-
ſarum madefactum indito, omniaque, quæ le-
cturus es, tenebis, vel intelligentia cito aſſe-
queris. Abſtinendum vero, qui memoriam
ſic ſeruare omnino cupit, ab ebrietate, Venere,
cruditate ventriculi inprimis, omni ſatietate,
fructibus viridibus, oleribus, carnibus ſalitis, o-
mnibusque flatuſ generantibus. Poſtrema
menſa coriandri præparatum ſemen aſſumen-
dum eſt. Inprimis quoque curandum, vt dili-
genter & probe præparetur. Non quoque in-
noxium erit, per interualla paſtillum vnum o-
re detinere ac deglutire. *a* Iuuabit quoque pa-
ſtillum ſuper prunas prolicere, vt fumus probe
recipiatur in nares, receptus retineatur, narib.
goffypio

*a Hac pra-
xis maxi-
mo emolu-
mento mul-
tis fuit.*

gossypio obturatis, ne exhalet, vel etiam pistillos aliquot aqua lauendula vel rosacea, vel anisi dissoluere, frontemq; tempora, nares & occipitium circa memoriae capsulam mane & vespere frequenter madefacere, inq; nares linteola pura ea imbuta immittere. Atqui hoc remedium paucis patefactum est.

Communius est, licet à multis hactenus occultatum, quod recipit.

Zinziberis, piperis, longi, galangæ, garyophyllorum, cubebæ sing. vnciam vnam: nucis moschatæ vnciam vnam & semis, in puluerem redacta condantur sacco lineo, coquantur in vini optimi mensura vna & dimidia in olla nova vitreata bene obturata, ne fiat evaporatio, lento igne, bibatur de hoc vino tribus ante inunctionem diebus ieiuno Stomacho plenus & fortis haustus, similiter & vespere: quo facto hieme ad ignem, æstate vero ad solem capitis pori frictionibus & pectine diligentissime aperiantur, vt vapores fuliginesque exhalent, ipsumq; caput lauetur aqua ruthæ simplici, postea circa tempora & occipitium cellamq; memoriae fiat inunctio sequenti vnguento, quod recipit.

Florum caulium, lil. conual. liliorum alborum, melissæ cum floribus, menthæ crispæ, singul. manipul. i. contusis adde olei oliuarum vncias ij. & semis, butyri vaccini
maia-

maialis non saliti vncias iiij. Vini sublimati fortissim. Cochlearia iij. aquæ rolarum cochlearia iiij. buglossi, ruthæ, chelidonij, saluiæ, singul. cochlear. ij. commisceantur omnia, & bulliant super ignem sine fumo & flamma, postea reponantur in vitreo vase, insolentur dies aliquot, vt color in cereum conuertatur, sicque paratum biennio viget in virtute sua. Herbæ autem ipsæ colligentur in Solstitio æstiuale, moxque distillandæ sunt, & ad vnguenti compositionem assumendæ. Tri-duali igitur purgatione præmissa cum dicto vnguento inungantur tempora, cella memoriæ & occipitium, maneatque calidus & quietus, donec ad interiora penetrarit, & hæc fient à principio per dies 4. postea vero singulis annis semel tantum per biduum crescente Luna: in tertio anno non erit necessaria inunctio, nisi semel anno: alimenta sint facilis digesticnis, & potus moderatus, excedens enim & continuata hic ebrietas venenum est. Sed & hoc sequens vnguentum excellens est, quod recipit, radicis buglossi, valerianæ sing. vncias iiij. radicis ruthæ vncias ij. redigantur in puluerem: deinde recipiantur succi eufrasiæ, homini, verbenæ singul. vncias iiij. colentur per pannum. Postea misceantur succi & pulueres, addas medullæ anacardiorum vnciam

vinciam vnam, linguæ auis, id est, seminis fraxi-
ni in puluerem redacti drachmas iiij. cumque
pinguedine vrsi fiat vnguentum, quo inungā-
tur tempora, frons & memoriæ cellula. Hoc
magni viri vsi sunt: inunctionem suadent fieri
debere ter vel quater in anno, ego singulis mē-
sibus, si segnior operatio animaduertatur, vt in
quibusdam contingere visum est.

Sed vt ab animalibus & vegetabilibus ad
cœlestia reuertar, eodem planè quo Mercurij
modo & forma reliquorum etiam planetarum
vires atq; influxus conciliari poterunt, vt pro
honoribus & dignitatibus, principum ac ma-
gnatum fauore atque beneuolentia impetran-
da, imago Solis existentis in Leone & domo
decima, in trogone Iouis vel Lunæ: Vnde in
his figuris formandis vnice spectandum, vt is
Planeta, cuius quis sibi virtutem & influxum
cupit conciliare, ab omni impedimento sit li-
berrimus.

*Spiritus po-
tentiarum
occultarum
vehiculū.*

Verum, cur & vnde annuli, imagines & fi-
guræ in certo metallo vel lapide sculptæ, credi-
tas habeant vires, non temperamento, non
manifestis qualitatibus, non toti substantiæ est
assignandum, sed diuinæ & magicæ, hoc est su-
periori cuiusdam & sublimiori causæ, quam non
inconuenienter Spiritale vehiculum & vincu-
lum quidam appellitarunt: hoc mediante cor-
pus & anima substantiæ inuicem distantes co-
pulan-

pulantur inuicem, hac Magnes trahit ferrum,
cichoriumq; motum solis insequitur.

NB.

Hoc vehiculo & vinculo intercedente seu
interueniente, Mercurius efficax est in hy-
drargyro, memoria & cogitatu acienda, vel
debilitanda, alectorio lapide, colore & sapo-
re mixto, Ægypto, Græcia, Anglia, Flan-
dria, Silesia.

Hoc vehiculo interueniente, Luna efficax
est in argento & vitris, cerebro, oculo sini-
stro viri, mulieris dextro, colore albo, cœruleo
& cineritio, sapore falso, mediocri odore, cry-
stallo, climate septimo, Flandria, Hollandia,
Selandia, Dania.

Saturnus in plumbo, aure dextra, splene, ve-
fica & ossibus; colore nigro, liuido, & plum-
beo, sapore styptico, lapidibus nigris & obscu-
ris, climate primo, orientis dextro; Saxonia,
Stiria, &c.

Iupiter in stanno, pulmone, costis, pulsu, se-
mine, aure sinistra, colore fusco, purpureo, fla-
uo, viridi: Smaragdo, Sapphyro, Amethysto,
sapore dulci, Climate secundo, septentrione,
Babylonia, Perside, Vngaria, Hispania.

Sol in auro, corde, arteriis, oculo dextro, la-
tere dextro: colore aureo, croceo, subruffo,
hiacyntho: sapore acuto & acri, odore bono,
non excedente: Climate quarto, oriente.

Mars in ferro, aure sinistra, felle, renibus:

F

Iaspides

Iaspide: sapore amaro, felleo, acuto: colore rubeo: climate tertio, septentrione, Sarmatia, Getulia, Longobardia, Gotia.

Venus in cupro & omnis generis speculis: matrice, renibus, mamillis, gutture, genitalibus, epate: colore albo: sapore vinctuoso, dulci & pingui: margaritis, sapphyro, & carbunculo: Climate quinto, Austria, Arabia, Campania, Polonia, Heluetia.

Huius igitur influentię occultę principium petere ex principibus & manifestis illis qualitatibus, temperamento vel tota substantia, nō tam absurdum quam ridiculum est, cum illorum, à quibus hæ virtutes promanant, actiones corporeę non sint, & sine corpore (non tamen sine vehiculo) cœlitus illabantur.

Quare nulla hic opus ex sensibus mensura, nulla ambitiosa verborum pugna & inani demonstrationum conatu. Omnis Philosophicę demonstrationis initium à sensibus & qualitatibus non peti posse, sed aliunde petendā, vel ex hoc vulgato patescit, si quis quærat de albæ rosæ colore, vnde scilicet ducat originē, causamq; velit frigidiori temperamento ascribere, quid quæso dicet de rubra? Intybi species lacteumne iccirco succum fundere dices, quod sint frigidæ? at complures calidissimæ, vt sunt tithymali, qui eodem turgent & madent succo. Et aloë iccircone amara est, quia calida?

Atqui

Atqui in opio quod pernicioso frigore necat, amaritudo est eximia. Et licet ex totius substantiæ proprietate talia promanare concedatur, sublimior tamen & præstantior opifex, insculptor & formator supra illam in nostro mysterio collocandus est & quærendus. Frustra igitur Alexandrei ad manifestas qualitates omnia referre conati sunt, quod Scalig. exerc. 318. summæ ait esse impudentiæ, & saltem in venenis decuit illos acquiescere. Videmus è naturæ gremio & sinu quædam prorumpere, quorum causæ etsi sint plane inexplicabiles nobis, iuvat tamē interea & voluptati est Philiatro, rerumq; naturalium industrio, sagaciq; inuestigatori, probabiles rationes comminisci, quas si non assequitur plane, non tamen rebus manifestis propterea derogat fidem, nec effectus calumniatur, sed naturam eiusq; opificem admiratione prosequitur.

Haftenus de admirandarum & occultarum in natura actionum principiis & causis, reliquum nunc est, ut supra propositæ quæstionis explicationem ex commemoratis istis principiis deducamus.

Altera tractatus pars.

Constare a. omnibus arbitror ex iis quæ haftenus in publicum sunt à me prolata, plantas, radices, lapides, metalla, spiritus & astra, diuina quædam consorti lege conspirare, q̄ non aliunde accidere videtur, quam ut Plato in Timæo

F 2

docet,

docet, quod cuilibet rerum speciei peculiare
astrum, vt polus magneti, & proprius homini
genius à diuina mente sit consecratus & dica-
tus, vt ita quælibet planta, quodlibet metallū,
ac quilibet pretiosus lapis, certæ stellæ vel astro
sit sympatheticus. Sed hæc quo sublimiora, eo
altius, ac diligentius à primordiis repetenda
sunt & inuestiganda. Consentiant omnes,
Cælum & omnia olim proxime à Deo fuisse
procreata, à Deo vires accepisse & retinere
diuinas, quibus tum se conseruent, tum gene-
ris sui propagationi incumbant. Deus enim
nunc pauca admodum sine cælorum, naturæ,
seminisque interuentu ingenerat, immo con-
ditis naturæ legibus omnia per cælum admi-
nistrat: quæ enim Deus olim propriis operi-
bus incoauit & perfecit, ea tanquam feriat-
us cælo velut administro & synergo conti-
nuanda credidit, ne scilicet longa forte tem-
poris intercapedine iam olim creatum perfe-
ctorum animantium genus deficeret, cælitis
vitalem vim immittit semini, quæ deinceps
materiam sic apparet, instruat, disponat, gi-
gnendisque rebus reddat aptam, vt omni tem-
pore vim illam animabilem & spirabilem de
cælo possit excipere & allicere, sicque conti-
nuatus fieret rerum caducarum sese excipien-
tium ordo & series, semine quidem materiam
suppeditante, cælo vero inducente formam.
Sic ita-

Sic itaque homo generat hominem & Sol, homo per seminis vim apparatus omnem atque ornatum conciliat, proximaque est causa: Spiritus enim calorque, qui in semine est diuinus subiectam seminis materiam ita præparat, vt consentaneam partibus singulis permissione temperationemque, deinde vero structuram, conformationem positumque acquirat, tum demum in totum se diffundens singulis veluti gubernator insideat, neq; deserat, quas temperauit, formauit ac composuit: altera efficiens hominis causa est, & quidem prima ac princeps, quæ in præparatam materiam simplicem speciem seu formam inserit ac demittit, vt Cælum & Sol, species enim rerum cœlitus immittuntur, non è materia educuntur. Quod autem à veteribus dictum est, Deum per naturas esse diuisum, & Deorum plena esse omnia, ita accipiendum est, quod vis illa diuinitus accepta & infusa in omnibus permaneat, quod diuina virtus omnibus insit, cuius vi omnia emergant, sed aliter in cœlo, aliter in caducis rebus, in quibus obscurior, in cœlo autem ad rerum generationem præstantior est atq; euidentior. Quæcunque igitur Deus tum in cœlis, tum in terris progeniuit, omnia vnus ructur atque regit, Cœlestia quidem per se & proxime, animantia vero & stirpes aliaque mortalia cœlorum ope & interuentu, quibus

F 3 naturæ

*Species rerū
à cælo.*

*Spiritus
formarum
dator.*

naturæ leges tum procreatrices tum conserua-
trices indixit. Itaq; animantium, stirpium, la-
pidum & metallorum omnium quęcunq; fue-
runt & esse possunt, formas, vnius cœli formæ
potestate comprehendit, quæ innumerabili-
bus quasi grauidata formis omnia gignit & ex
le fundit, & sic vna vis & facultas præ se fert o-
mnium Caducorum vires, vt ita cœlum nullo
semine multas proferat tum animantes tum
stirpes, at semen sine cœlo non generet quic-
quam, sed gignendis rebus materiam dunta-
xat & conuenienter apparet ac instruat, cœ-
lum vero in apparatus illam materiam spe-
ciem summamq; perfectionem immittat, vi-
tamque suscitet in omnibus, lucido spiritu in-
tercedente: hic enim mundi & cœlorum exi-
stet vector, in totam vniuersitatem diffusus, re-
bus singulis simul & specie, & natium vita-
lemq; calorem impertit gignēdis illis accom-
modatū. Is est, q̄ omnia continet, calore vitaq;
fouet, huius vi & ope & in anima quęque per-
sistunt, & animata sui quęq; generis habent a-
nimam, alia nutrientem quidem, alia sentien-
tem, alia rationis participem. Sic tamen vis il-
la cœlitus demissa rebus sese accommodat, sic
singulis inseruit, vt quantum cuiusque natura
desiderat, quantū ipsa subiecti ratio & conditio
ferre potest, tantundē exhibeat. Nec tamen il-
la virtus sui semper est similis, aut vno se sem-
per &

per & modo eodem se rebus exhibet, sed alias aliter pro stellarū statu & radiatura multiformi, quarum commixtio implexioq; plerunq; variat, tamen si vectoris spiritus vna semper est & impermutabilis substantia.

Fieri igitur non potest, vt quidam existimant, mundi Spiritum, vitam statumque rebus omnibus sic impertire, vt ne minimam quidem astrorum opem desideret, hoc enim si esset, similia similiter, id est, pari mensura perpetuo generaret. Vitalem quidem animam secum affert & naturam ipsam, ac quæcunq; subierit, Vitalia facit, sed pro cuiusq; subiecti natura, conditione, dispositione & apparatu.

His ita præsuppositis, quod videlicet diuinæ cœlestesque vires ad rerum omnium procreationem & conseruationem concurrant, perq; communē illum vectorē spiritum intermediæ inter cœlū & sublunaria substantiæ, omnes mundi partes cohereant, & cuncta complexu concilientur, nihilq; in viuente mundo sit tam abiectum, cui non infusus ille Spiritus diuinorum cœlestiumq; operum aliquid elargiatur è cœlo & sideribus vires & proprietates, vitæque seminaria inuehens, confundens & permiscens, sicque omnibus inter se concinentibus, vt grauissimis Tullij verbis vtar, necessario omnia vno diuino & continuato spiritu contineri, hæc inquam cum ita

*Modus quo
vulnus cu-
ratur sine
remediis.*

se se vere habeant, quis sanationem, factam per vnguentum armarium, quo vulnus etiam non applicatis remediis curatur, instrumento tantum eo vnguento delibuto, non naturalē, sed superstitiosam dicet & impostoriam? Nemo sane, nisi harum rerum omnium ignarus, quique sensibus omnia meretur. Fit enim illa sanatio per meram naturam atque magneticam quandam efficientiam, attractionem & deductionem, per influentiam corporum cœlestium operationes suas perficientium per elementa, nec non toties decantatum vectorem Spiritum, qui tanquam medium vinculum primo ex definitis & propriis constellationibus sympathian, & copulam seu convenientiam inducit, ex qua deinceps vis sanatoria in telum medicatum deriuatur, vnde postea egreditur, & ad partem vsque vulneratam continuatur ac traduci ur, tandemque actione istius virtutis Spiritualis consequitur effectus. Nec tamen dubium, phantasiam patientis plurimum hic habere momenti, (iuxta illud Hippocratis, in medendo sæpe concurrunt spes, fiducia & τύχη) tum ad balsamicam in sanguine existentem virtutem à telo medicamento a trahendam dirigendamq; ad partem affectam & læsam, tum ad movendum principium sanantium, id est, sanandi virtute præditum, in corpore existens. Cœlum igitur, quod pluri-

pluribus & vni influit, imaginatione, quæ semper adest, & sympathiam, quæ intercipi aliquando impediriue, destrui non potest, ad determinatam in corpore partem vim sanatoriam deducere statuendum est. Nam inter vulnus & telum est vis Magnetica attractrix & deductrix, illa partem spectat affectam, id est, vulnus, hoc est, attractio fit ad partem vulneratam, virtutis vero deductio ad telum medicatum.

Verum obiicitur, spatium interueniens, *Obiectio-
nes praci-
pue dilu-
untur.* tempus, & locus, quæ istam deductionem, sanationemq; impediant, nec admittant, nihil enim ultra determinatum agere spatium, item corpus à corpore sanando tangi necesse est, tangere enim se propriè dicuntur, quorum extremitates seu fines sunt simul. Iam autem sola corpora tenent superficies. Ergo sola corpora se tangunt. Talis autem contactus non fit inter vulnus & telum medicatum, ergo sanatio quoq; per illud impostoria est & Magica.

Præcipui hi sunt arietes, quibus pars aduersa & sensuales Philosophi ad euertendum, ad explodendum, naturæq; finibus excludendum miraculosum vnguenti armarii effectum vtitur. Sed facilis occurfus est. Et miseret me eorum. Quis enim nescit multa ex interuallo exercere actionem suam, quorum scilicet superficies nullo modo coniungi possunt, & nihilominus sunt simul, vt Sol & hominis corpus, q̄

NB.

superficiebus licet coniungi non possunt, radi-
is tamen intermediis coniunguntur, non enim
potest physicum agens agere in extremum
quin prius agat in medium, cum omnis actio
physica fiat per contactum. Idem Sol per or-
bem Lunæ calefacit mundum inferiorem, li-
cet neq; ipsum tangat, neque sphaeram Lunæ
calefaciat. Sic omnia illa corpora, inter quæ
est sympathia & antipathia, mutuo se
afficiunt, exercentque operationes suas ci-
tra vllum visibilem contactum, id est, vnus
virtus defertur ad alterum mediante Spiritu
intercedente, ita, vt licet spatium sit maximū,
citra tamen vllam alterationem nec ventis dis-
sipetur, nec etiam aëre vasto, humido, frigido-
ue rapiatur atque discutiat, sed propter na-
turalem communionem, similitudinem ne-
xumque conseruetur atque continuetur.

*Multi sine
contactu
afficiuntur
peste.*

Sic in contagionibus quoq; nullus fit con-
tactus corporum, vt in certo lippitudinis gene-
re afficiuntur oculi illorum qui lippum intuen-
tur, item grassantibus febribus pestilentialibus
multi inficiuntur, qui ad egrotos nunquam ac-
cesserunt, hoc est, quorum extrema nunquam
fuerunt simul: maligna enim & putrida istarum
febrium qualitas corpora contaminat propa-
gando se diffundendo & continuando. Itaque
qui alium morbo inquinat, non necessario e-
undem tangit, nam putridum halitum vapo-
remq;

remq; in pannum vestemue aliquam (in his enim & similibus seminarium contagii sæpè delitescere experimentis patefactum est) expirans, qui postea aliū multos dies post inficit, nō rectè dicitur infectum sic contaminatumq; tēgunt, cum nihilominus tamen citra dubium affirmari possit, morbos de homine vno ad aliū non transire absque corpore aliquo, id est non transportari absq; fauore seu spiritu vel humore. Ac spirituales qualitates hīc plurimū *N. de spiritualibus qualitatibus.* valent. Licet enim secundum modum & existētiā, quæ existunt, per se actionem corpoream non edant: per accidens tamen nihil prohibet, quo minus per medium idoneum propagētur, quod medium nihil est aliud quam spiritus vaporue mediæ cuiusdam inter corporatas & incorporatas substantias naturæ, qui spirituales actiones in se recipiat, aërique repræsentet, cum sit corporeus, contactu suo realiter alteret. Vnde verissimum euadit, multas esse actiones, ad quas non sit opus eo, qui vere & solus contactus est, cum in se mutuam actionem exercent corpora multa, quæ sunt simul non per contactum corporis, sed virtutis, estque hæc virtus, quam per intervalla exercent corpora, effunduntque, qualitas corporis expers, in qua sola inest efficacia. Sic vis ex vnguento exiens effundit se non in la-

NB.

in lapidem, ferrum vel lignum, quibus cum nullam habet coniunctionem, sed virtute motoris ad vulnus se propagat.

Primum enim mouens in vnguento est vis balsamica in sanguine & vsnea, quæ mediante spiritali vinculo ad vulnus vsque continuatur, & nisi intercapedo sit nimia, fiunt vnum per vtriusque formæ coniunctionem, coniunguntur inquam, quia formæ se ipsas propagant & promouent, ita vt etiam egredientes in media intercapedine mutuo occursum vniantur. Simul igitur sunt mouens & quod mouetur, ita vt vel secundum immediatam superficierum applicationem se contingant, vel vt vnus virtus ad superficiem alterius, atque ita in corpus alterius deducatur, siue id fiat lumine, siue radiis, siue qualitate occultiore & contactu spiritali.

NB.

Quare vnguentum attingit vulnus seu coniungitur vulneri, vt efficiens & agens patienti, seu vt causa transmutans alteransque corpori transmutando, quo etiam modo cælum coniungitur terræ, quæ tamen secundum superficiem illi non est contigua, hoc est extrema cæli & terræ se non contingunt, vt ita verissimum sit, agentia longo sæpè interuallo diuulsa esse ab iis quæ patiuntur, vt si quis eminus videt hostem, etsi hic vicissim illum non videat, repente tamen commouetur, expallescit, trepidatque & contremiscit, qui certè motus animi

mi ab externo agente, à specie hostis obiecti ob oculo recepta, & ad sensum interiorem delata, in mentem primum, ab ea in corpora deinde deriuatur, agensq; longo interuallo à patiente est diuulsum, vnde spiritalis hîc & insensibilis actio est, non realis operatio.

Itaq; mouens cum remota simul est, intelligi debet de agente proximo, hoc enim semper simul est cum remota, vt sunt imaginatio & Spiritus, id quod in titillatione quoq; constat, *Quomodo intelligendi vulgati Canones physicorû ?* q̄ sæpè fit sine contactu & attrectatione, & nihilominus tamen mouens & motum simul esse recte dicuntur, scilicet per contactum internum occultum, qui fit vi spirituum ab imaginatione impulsorum, partesq; illas, quæ titillationem perpeti possunt, ferientium, est enim motus illorum celeberrimus. Ex his quis non intelligit, falsas in physica positiones esse generaliter acceptas, 1. agentium & patientium extrema se semper contingunt. 2. Non est vis aliqua agentis in patiens, nisi illud hoc secundum extrema & superficiem contingat. Qualitas enim seu virtus cœlestis & magnetica mediante spiritu istius deductionis directionisque in vnguento causa est & quasi vehiculum, quo moto res vecta mouetur similiter, nam in vehiculo requiritur, vt sit aptum ad vehendum, ad vehendum autem aptissima virtus est magnetica cœlestis, quæ quasi interuenit & interiicitur inter,

ter telum obligatum & vulneratum locum, mo-
uetq; seu dirigit vim ad effectum consequen-
dum. Et qui ignorat vel negat, virtutem quan-
dam ætheris naturis elementarib. à cœlo com-
municatam (quam Astrologiæ periti dicunt
formas earum complere & absoluerè) qua me-
diante vis ac proprietas quarundam naturarū
formis implantetur, ac inter se Corpora con-
nectantur atq; cohæreant, & ab hoc ordine ne-
xuq; similitudinis naturalis ortum esse, indeq;
mirandarum actionum causas eruendas, is in
toto hoc mysterio planè cæcutit. Inter virtu-
tem enim & vehiculum primo sympathia est,
quæ postea deducitur transitque in telum, de-
hinc in vulnus ob familiaritatem & similitudi-
nem, hæc enim efficiens causa est, vt res inui-
cem vinciantur. Vnde inter telum obligatum
& vulnus contactum fieri nemo inficiaturus
est, licet is non fiat immediate extremis simul,
& tangat quod remotum est primum, id enim
in hoc mysterio necesse non est, cum enim prin-
cipiorum hic actio corporea non sit, cōtactum
corporeum etiam requiri opus non est. Vis e-
nim seu virtus peruenit ad vulnus mediate,
non per dæmonem, sed interuentu, vt dictum
est, virtutis cuiusdā sublimioris & incorporeæ,
quàm Magiæ naturalis Doctores magneticam
rectè appellitarunt. Impostoria igitur sa-
natio non est, Magica tamen. Impostores
chim

*Non omne
magicum
est imposto-
rium.*

enim verè sunt, qui omne magicum dicunt superstitiosum impostorium.

Ad extremum ipsius vnguenti descriptionem & compositionem placuit subiicere, ut nemo non intelligat, ex mere naturalibus rebus & quidem ipso homine id componi: Baptista Porta l. 8. c. 12. id describit, refertq; ad autorem Paracelsum, quem tamen huius illustratorem amplificatoremque extitisse tantum, non autorem reperio.

*Vnguenti
armarii de
scriptiones.*

Rec. vesnæ concretæ in caluaria furis suspensi & in aëre derelicti.

Mumiæ veræ,

Sanguinis humani adhuc calentis sing. vnc.

¶ nam.

Adipis humani vnc. ij.

Ol. linij.

Terebinthin.

Boli armen. sing. 3 ij.

Misceantur omnia simul in mortario, seruenturq; in vitro vel vrna oblonga & angusta.

Alii, recipiunt vīneam abrasam è cranio hominis violentā morte perempti, duarum auelanarum pondere:

Adipis verris aprugni,

Vrsini sing. vncias vj.

Lumbricorum terr. ex vino lotorum,
inque Pistoris fornace ollā tecta torrefacto-
rum

rum (non adustorum) vnc. iij. horum in puluerem redactorum vnciæ vni adiiciunt

Cerebri aprugni ficcati,

Santali rubri odorati, mumix & hæmatitis, singul. vnc. j. omnibusque mixtis cum adipe faciunt vnguentum. Hæc descriptio optima esset, si succo & neruis, hoc est, sanguine & adipe humano, (in quibus maximè dominatur Spiritus ille vitalis, vegetabilis & balsamicus) non careret. Itaq; in vera huius vnguenti compositione sanguis & adeps humanus non sunt omittenda, quo etiam modo confectum apud me quouis vt tempore possit haberi (quoniam Chirurgi sæpè vel non sunt præsentés, vel etiam à vulnerato remotiores) nunc operam impendo, quantam possum.

*Quando
vsnea colli-
genda.*

Conficiendum a. est Sole existente in libra, vsnea vero colligetur cum Luna crescente, inq; Veneris existente domo, si fieri potest, non Martis aut Saturni. Si in Veneris domo locum habere Luna non potest, diligenter attende, vt possit abradi vsnea Luna versante in piscibus, hoc enim signum est omnium conuenientissimum propter Iovis domicilium, & Veneris exaltationem, proximum huic est taurus & libra.

Praxis.

Sanantur hoc vnguento sic confecto omnia vulnera, quæ ferro, ictu vel iactu infliguntur, modo haberi possit instrumentum. Excipiuntur

untur tamen illa vulnera, quæ fiunt in arteriis,
& vno è membris principalioribus, vt corde,
cerebro, &c.

Immergendum autem ferrum seu telum est
quod sauciavit (vel in huius defectu lignum,
seu ramus salignus in apertura cruenta madefa-
ctus) in vnguentum, & ita relinquendum: æ-
ger quotidie suâ vrina vel purâ aqua vulnus e-
luat, deligatq; mundo panno lineo, semper pus
extergendo vulnusque aurora qualibet mun-
dificando & absq; vlllo dolore sanabitur, Hoc
Maximilianum Imp. comprobasse in confesso
est. Si instrumentum, quo vulnus inflictum est,
haberi nequit, aliud ducatur per vulnus, & lo-
co veri teli id inunge vtroque latere, reponatur
loco mundo & temperato, si enim aëri vel fri-
gori nimio exponatur, excitabitur dolor. At-
tendendum est etiam, cæsimne an punctim fa-
ctum sit vulnus. In punctura enim telum in-
ungendum est à cuspide capulam versus, in
cæsura ab acie versus tergum. Meminisse præ-
terea oportet obligare tela. Si non apparet
quam alte sint infixæ, tota sunt inungenda,
si apparet, pars illa tantum, quæ fuit in vul-
nere. Cito sanaturus sæpè illine (præsertim ve-
ro si vulnus est magnum & profundum) si ma-
turatione opus non est; necessitasque non vr-
get, intermitteri quidam dies poterunt, imo suffi-
cit, si senis diebus id fiat bis, vel ad summum

NB.

G

ter,

ter, semper tamen vulnus mane abluendo, ex-
tergendo, iterumq; deligando.

Ad extremum de vsnea non est consensus:
N. de vs- alii petitam eam enim volunt ex capite stran-
nea. gulati, alii parum referre aiunt, siue sit ex stran-
 gulati, siue ex alterius cuiusdam capite. Verum
 cur ex strangulati potius quam alterius cuius-
 dam capite vsnea petenda, causas adhuc à ne-
 mine scripto explicatas atq; allatas vidi. Ego
 qui tamen aliorum eruditorum iudicio hic me
 subiicio, hanc afferri rationem posse existimo,
 quod in strangulando, spiritus vitales ob præ-
 sentiam mali præsentis in caput ac cerebrū re-
 fugiant, vnde quia regressus illis ob violentam
 illam constrictionem ad principium suum non
 patet, remanere eos, & cum spiritibus balsamo-
 que capitis ac cerebri misceri ac confundi ne-
 cesse est. Et licet omnes functiones animales
 intereant, manet tamen calor ille in ossibus,
 nervis, aliisq; partibus similaribus, qui & in la-
 pide est, & pipere emortuo, sc. elementalis. His
 ita commixtis in balsamico sanguine, vi caloris
 circumfusi ambientisq; humorem vitæ imbu-
 entis, cœliq; influxu cooperante, vsneam ceu
 vegetabili quadam vi & virtute in caluaria tan-
 dem prognerari verisimilimū est, maioris po-
 tentiæ, quam est ea, quæ in alterius cuiusdam
 ex morbo defuncti capite reperitur. In decol-
 latis spiritus non retineri, sed diffugere, eua-
 nes-

nescere ac dissipari omnibus in confesso est.

De mumia intellige non vulgatam illam in Sepiasiorum taberna ubiq; ferè prostantem, quæ nihil aliud est quam arefacta cadauerum conditorum caro, non autem eorum infarctus & liquor ex carne humana manans. Perperam etiam faciunt Sepiasarii, qui carnes ossaque contusa medicamentis Mumiaë necessariis commiscent.

NB.

Itaq; vt legitima mumia haberi possit, in penuria Ægyptiacæ & Arabicæ, quæ concinnabatur ex myrrha, aloë, croco, ballamo, aliisque pretiosis odoramentis, in hospitalibus nostris cadauera obeuntium aloë, myrrha, croco, & aliis ad eam idoneis rebus, replenda sunt & imbuenda, idoneoque tempore eximenda, & ad vñs custodienda, hanc enim plurimis pollere facultatibus, præter experientiam grauissimæ auctores tradiderunt. Sed de Mumiaë viribus compertis aliàs plura.

FINIS.

G 2

TRA-



TRACTATVS AL- TER DE LVXVRIOSIS

CONVIVIIS NO-
stri seculi.



IX puto quenquam fore qui existimet, aut ostentatione aliquâ me adductum, aut fiducia ingenii ad dicendum in hoc celeberrimo congressu accessisse: abhorret enim ab utroque natura & genius: Nam si in minimis rebus ostentatio reprehenditur, quo tandem odio dignus essem, si quemadmodum Phormio apud Hannibalem de re militari declamavit, sic ego apud vos doctrina & eloquentia præstantes, inepte aliquid ostentando meam importunitatem in theatrum producerem. Sed quoniam officii ratio mihi hoc loco & tempore dicendi necessitatem imponit, humaniter à vobis peto, ut pro vestra pietate & candore qualemcunq; orationem, menses ab hinc quatuor plus minus, commentari à me cœptam boni consulatis:

Co-

Colophonem huic adiicere, intercurrentes quidam strepitus musas meas interturbantes tunc non sinebant: Nunc verò non sine labore ad finem eam perduxì, luce etiam tandem donandam. Et si autem hic locus postulat, ut eas artes & doctrinas, in quibus explicandis verborum ornamens & prædicem, tamen cum de iis ab aliis, eloquentiâ excellentibus, splendidè & copiosè dictum sit, sumpsi aliud argumentum huic tempori convenientissimum; quandoquidem ad nos redierunt dies bacchanaliorum, qui apud Ethnicos fuerunt hominum aut simulantium furores, aut ebrietate insanientium; qui ad portentosas atque monstrificas helleuationes ac conmessationes instituuntur, sola simulatione insanientiæ & repræsentatione gestus bacchantium: horum inquam recordatio, & memoriæ similiumque monstrificarum bacchantionum, quibus nostrum seculum se contaminavit, celebratio, in hanc potissimum me sententiam adduxit, ut de luxu in conuiujs origine & primis autoribus ex hoc loco ornatissimo quædam dicere non erubescerem: idque eo facio lubentius in hoc confesso, quoniam scio vos de eo seuerè & verissimè censuram ferre posse: nullæ hic sunt nugæ: nihil monstrosum, fabulosum nihil, neque item insulsæ traditiones, haustæ ex facie quorundam tribulariorum scriptorum, sed ex autoribus Græcis pariter at-

que Latinis percelebribus atq; perueteribus: rem tradam corporis non modo salutis, sed animæ quoque non parum conferentem: ipsa rerum grauitas atque varietas fastigium vestrum propulsabit, attentioresque vos reddet: de primo & postea vario gentium victu & quibusdam prisci seculi insanæ gulæ irritamentis, quæ ganeosorum portentosa ingenia excogitarunt, magna mehercule naturæ iniuriâ, si consideret dicenti auscultaueritis, non improbabitis scio institutum meum, dicendiq; occasionem, propterea quod confuse hæc & intercisè tractata conscriptaq; apud priscos autores inueniantur. Meæ institutæ orationis hic erit ordo. Primò dicam de prima mortalium & postea vario gentium victu, tum de prodigioso conuiuiorum apparatu & celsis luxuriæ fastigiis: quæ singula dum pertracto, rogo vt perbenignè me audiat & cum silentio.

Primò constat, victum mortalium, eruditissimorum iudicio, quibusdam gradibus distinctum fuisse, quibus à summa rusticitate vel potius feritate ad humaniorem primò deuentum sit, postremò ad summa luxus culmina.

Primum hominum genus, vt feræ in syluis & nemoribus versabatur: conuenitq; inter omnes, glandiferas bacciferasque arbores mortales tunc præcipuè aluisse, nutricesque extitisse feræ ac inopis illius sortis.

De.

Deinde ex hac vita in secundam descenderunt, pastoritiam scilicet, etenim ex animalibus ob eandem vtilitatem sylvestria deprehendunt atque mansuefecerunt, inter quæ primum oues assumtas esse autumant, propter placiditatem, aptissimæ enim sunt ad vitam hominū, ad cibos, caseum simul ac butyrum, ad corporis verò tutelam & vestitum vellera adhibuerunt.

Tertio deniq; gradu à vita pastorali ad agriculturam animum adhibuerunt, quam maxime acceptam vitæ fuisse satis testantur populi erga eam amor ingens & diligentia admirabilis. Illis enim seculis nihil antiquius habuerunt, quàm agros studiosè excolere, illumque amplissimè laudasse existimabant, quem virum bonum Colonus dixissent, tumq; pascua & fruges sola regum & gentium vectigalia erant, annonæq; vilitas erat incredibilis: haudque dubium est, aurea illa secula verè extitisse, in quibus tam innocenti victu mortales vterentur, iis videlicet, quæ benigna tellure provenirent vescentes, & eo quod honestis manibus excultū esset, ut ita meritò censendū sit, humaniorē liberalioremq; victus rationē non extitisse, quàm quæ salutare frugū inuento ad vitam sustentandā vta est, quæq; vel pauperrimo cuiq; paratu facilis fuit. In hoc cœlesti munere quantum vita profecerit, & quan-

*Encomium
agricultu-
ra veteris.*

*Vltimus
vita gra-
dus luxu-
ria.*

tum solertia ingeniaq; hominum curam tam auxerint atq; locupletarint; satis superque testatur aureum illud vitæ genus sublatum, cum ad postremum gradum luxuriæ peruentum, ferreaq; tunc proles repentè exorta est: hæc vltima vita, hic vltimus gradus nostri seculi est, quem feliciorem solent dicere, qui nouis moribus & luxui fauent.

Hinc varius gentium victus mirabilisque, quem non vnum esse, sed innumeros, & penè totidem quot gentes, hominumq; linguæ, testatur inter alios, qui res populorum historiâ prodiderunt, quiq; de situ orbis monumenta reliquerunt Iul. Cæsar in illis suis clarissimis commentariis de rebus bellicis. Non solum enim Cæsar alium Gallorum fuisse victum, alium Britannorum, alium vero Germanorum prodidit, verum etiam inter Germanos variū extitisse eumq; mirabilem, atque etiam inter ipsos Gallos, quos agricolationi fuisse deditos & mitiorum frugum alimentis vsos, pomorumq; & vitium succis atque liquoribus extra dubium est: Galliarum enim agros feracissimos, quin & vitibus maxima parte consitos omnium fere scripta prædicant.

Belgæ à pristinis moribus longè recesserunt, quoniam summo studio vinæ externa conquirunt terræ marique, etenim apud eos vites nullæ conferuntur: vescuntur præterea carni-
bus

bus pecorum, quæ illic abundant propter pabulorum vbertatem : verum ante cuncta panificia fingunt varia ex caseo, lacte, butyro, quæ in summo honore mensarum & commensationum habentur : ebrietati autem magis indulgent quam cæteri Galli, honorificamq; maxime putant non solum viris, sed & sceminis crapulam, præsertim qui Rheno sunt proximi.

Apud Petragonos & Lemouicos castaneæ & rapa à vino & messe tertium honorem adipiscuntur : rapa etiam Allobrogibus & Subaudis in cibo mirifice grata, sicut & castaneæ montanis Lugdunensibus.

Montium Cemannorum populi Aruernis proximi vice panificij castaneis vtuntur, quippe festis tantum diebus, vel non infimæ sortis homines panificium illic ex frugibus vsurpant.

Gasconum gens Aquitaniæ nobilissima inter præcipua pulmentaria allia habet, cepasque, quorum olfactum & gustatum in delicias gulæ vertit & suaui condimenta : hi nunc quoque præter cæteros Gallos ventri indulgere magis existimantur, vulgatum enim & maxime nobilitatum apud eos iactatur Prouerbum ; Satius esse belle farcire ventrem epulis, quam corpus veste molli & pretiosa ornare : aiuntq; Burgundioni ventrem esse sericeum. Aruerni verò caseo frequentius victitant.

*Aquitano-
rum pro-
uerbium.*

Normanni malis pyrisque crudis ac coctis liberaliter vescuntur, suosque ex illis concinant potus, carnibus quoque vescuntur omnigenis.

Narbonensis Gallia fœcunditate frugum, vitium pomorumque mira varietate ac suauitate nullis alijs terris cedit: Verum morum ciuilitate & vitæ nitore atque lautitia à cæteris Gallis videtur discessisse; pisces habet frequentes, tum recentes, tum sale conditos, ante cuncta autem oliuas conditas, capparesq; manducat, ficus item yuasque recentes, mala citria, arantia, limones inter lautiores cibos habet & irritamenta: vina apud eos generosissima: oues pascuntur thymo, quo pabulo mire pinguescunt.

Armonicarum regionum populi inter se vi- vendi ratione non consentiunt. Brittones enim & Britonifantes victu magis barbaro & ferro vtuntur: at Gallobrittanes maximam partem ciuilitatis vrbانيتatisque Francicæ seruant, apud quos panificia lauta ex frugibus parantur, vinaque non ignobilia absorbentur. Mediterraneos autem fere omnes Gallos lautiores in cibis haberi atque humaniores Possidonius Stoicus scribit apud Athenæum.

De moribus Germanorum prodidit Cornelius Tacitus, quod cibi illis olim fuerint simplices; agrestia poma recensq; fera aut lac concretum

cretum sine apparatu, sine blandimentis ad famem sedandam, sed aduersus sitim non eandem fuisse temperantiam, quoniam diem noctemque in potu continuarent, qui mos apud illos nostra etiā memoria pertinacissime perdurat, ut videantur ad perdenda vina geniti: eoque nomine nunc apud Romanos & Hispanos pessime audiant: Germanos quoque carnibus vesci, ac bibere vinum meracum, historia scriptum reliquit Possidonius Stoicus: sed certum est totam Germaniam à Romanis minime fuisse cognitam: hodie, quanquam longe mitiori & urbaniore victu degant Germaniæ populi, nihilominus ferinæ cuiusdam & prisce vitæ vestigia quædam retinuerunt, maxime quanto magis vergūt in Septentriones.

Britanni, qui nunc Angli, si Cæsari credimus, pecorum magnum aiebant numerum, leporem vero, gallinam anseremque gustare fas non putabant, animi tamen voluptatisque gratia educabant: conuecto & deportato fumento, præcipue vero gallico utebantur, vina etiam nunc ab exteris petunt, Gallis, Lusitanis, Hispanis & Germanis, quæ potentiora sunt, nam imbecilla vecturam non ferunt: carnibus vescuntur largiter præcipue à pistoribus incrustatis, magni enim illic pecorum greges & armenta bouum. Cælum vero temperatius esse quam apud Gallos, asperitatemque frigoris
ab ijs

ab iis abesse experientia testis est. His adiacent Scoti, quibus D. Hieronymus feritatem ac barbariem ascribit, quos etiam adhuc feros inuenias, ni aliæ gentes eos cicurarint atq; expolierint, miseramque omnino victus conditionem iis fuisse hystoriæ testantur: bubulam in cibis assumunt largissime, armenta enim huiusmodi animalium fert tellus alitque: frumenta non multum habent, sed aduentitiis vtuntur.

Italia pro tractuum differentia imperijque incremento victum pariter mutauit. Romani enim qui initia imperio dederunt, tum etiam qui id prouexerunt, cibos expetebant tantum qui vitam sustinerent famemque depellerent. Capitale erat bouem mactasse gulæ causa: piscibus statim à Roma condita præsertim marinis vfos esse constat eruditorum antiquorum monumentis, omnino carnes parcius semper esitasse quam cæteros populos, verum videri potest, nam & nostra memoria parcissime iis vescuntur, herbis oleribusque varie vtuntur tum crudis, tum coctis. Vini autem obseruationes memorabiles apud Romanos fuerunt, nam auctoritatem post centesimum vrbis annum cœpisse aiunt, Romulumque ipsum lacte, non vino libasse? & Numam sanxisse ne regum vino respergerent, nec licuisse fœminis primum id bibere, postea concessum valetudinis

tudinis tantum causa: eorum autem qui secuti sunt, cura fertilior & industria felicior fuit in vitibus colendis: vini quidem in vniuersum sunt auidi, sed modum potionibus adhibent, pariterq; Hispani.

Victus autem Romanorum rariones variasse pro Reipublicæ recta vel deprauata institutione, & postea Imperatorū virtute temperantiaque, atq; etiam libidine & luxuria, dubium non est, vnde tot emerferunt leges sumptuariæ & censoriæ, quibus cibaria non exotica solum, sed & domestica prohibebantur, atque etiam ex sue pernæ cœnis detrahebantur. Romani etiam veteres pisces simul cum carnibus vna in patella seu lance mensis apponebāt, pariterq; herbas quasdam vt asparagum: Panificia variij generis conficiebant: lepusculi & perdices raro Romanas mensas subibant ob inopiam scilicet, cætera autem alitum genera frequentius: capreas in macello venales passim reperias, primis semper mensis acetaria imponuntur, æstate peponibus liberalissime vescuntur, nam plerumque iis solis contenti & pane, prandia sua cœnasque incoant & finiunt: ficus item simul ac vux recentes per autumnum. Vitulina nulla caro pretiosior illis gustatur. Veruecina non admodum placet, piscinarum non sunt tam studiosi, neq; ita auide pisces expetunt, quam sui maiores, quippe rarissime vel
marinos

marinos attingunt, nisi religio cogat. Hispani
sordes in viuendo aliquibus in locis peculiares
habent, quoniam si suis alantur oculis domi
esuriunt & famelici hiant, at quando aliena
quadra frui licet, nulla gens æque vorax cer-
nitur, viuunt carnibus immodicis, piscibus
cum amnicis tum marinis, panificia quoque
lauta faciunt, pomorum vbertas illic varia at-
que multiplex maxime citriorum omne ge-
nus & puniceorum, ficuū, vuarum, quas sicca-
tas alias in terras mittunt: ante cuncta vina illic
vehementissima sunt. Secundis mensis querna-
nas glandes adhibent dulcedine præstantes.
Strabo Lusitaniæ montanas gentes querna-
glande vesci autor est: sunt præterea apud mō-
tanos quosdam Hispaniarum populos condi-
menta & saccharata innumera, officinarum &
Seplasiariorum commenta, ea mensas secun-
das exornant bellariorumque vices supplent.
Siculas mensas & in his Syracusanas potis-
simum nobilitauit luxuria, quas prudentissi-
mus Plato damnauit: fruges in Sicilia repertas
à Cerere narrat antiquitas, quoniam solum il-
lic sit omnium frumentorum fertilissimum,
vnde & terra illa Romaorum horreum nun-
cupabatur.

Græci crapulæ gulæq; admodum fuerunt
dediti, quare pergræcari pro indulgere genio
proverbio circumfertur.

Constat

Constat tamen diuersam victus rationem & studia illis fuisse: aliter enim Lacedæmonii, aliter Athenienses viuebant: Lycurgus leges Lacedæmoniis condens tantum ciborum vnicuique elargiri iussit, quod ad bonam corporis valeudinem satis esset: certum itaque numerum frumenti singulis in singulos annos emetiri mandauit, & liquores pro ratione, atque id vberius viris, foeminis vero parcus. Præter ea instituit conuiuia publica, in quibus nullæ præter vulgares escæ apponerentur, probrosum existimans simul ac inutile animis corporibusque coquorum condimentis & saporum coacervationibus saginari.

Solebant præterea Lacedæmonii epulas suas condire labore in venatu, sudore, cursu, fame, siti: vnde Dionysio Siculo neganti, se iure illo nigro, (erat enim hoc inter obsonia illis celebratissimum) quod caput cœnæ fuerat, delectatum, respondisse fertur, qui illud coxerat, minime mirum, condimenta enim defuerunt.

Sybaritæ gloriæ virtutisque loco delitijs mollitiæque dediti vitam despiciebant, quoniam mortem non timerent. Spartani vero & viuendum liberaliter & moriendum censebant, sed vtrunq; cū virtute, teste Plutarcho.

Verum Atheniensium longe alia fuit viuendi ratio, quippe luxui omnino deditos fuisse, Græci

Græci fere omnes testati sunt, ipsique Poetæ Comici imprimis Atticas cœnas riserunt. Socrates enim cibos detestabatur, qui non esurentem invitarent ad edendum, similiter & potus, qui non sitientes ad bibendum.

Athenienses in cœnis solebant lances apponere, quæ quinque alias paruas lances continebant, quarum vna referta erat allio, altera duobus Eschinis. Tertia placenta, quarta conchis decem, quinta antaceo paruo. Est in exemplis parasitum quendam interrogatum, nūc cœnæ Atticæ Chalcidis lautiores essent, an verohæ Atheniensibus præstarent, respondisse, Chalcedoniacum procœmium pretiosius esse & suavius quam Atticorū totum apparatus, appellans videlicet Procœmium cœnarum, ostrearum multitudinem & varietatem: nihil ad peregrinos exportari licebat præter solum oleum, nam qui ficus exportantes ostenderent Sycophantæ apud illos dicebantur.

Perfarum victum exponens Xenophon ad panem quicquam eos adhibuisse negat præternasturtium. Sed de eorum luxu & ganea nihil hic ascribendum duxi, cum apud omnes fere scriptores passim complura tradita legantur, & in altera parte obiter quædam sim relaturus.

De Ægypto certum est & frugum & vitium foecunditate eam felicissimam fuisse, quin & pomor

pomorum omni genere, olerum quoque ac herbarum cibis supra modum usam, pisces amnicos marinosque & fassamenta immodice esitasse.

De aliarum gentium victu, quæ à grauissimis auctoribus literis assignata sunt & quasi per monumenta tradita, scio permulta esse eiusmodi, ut vix fidem impetrare valeant, multisque ea videantur incredibilia. Sed quia ex illis mundi partibus, quarum gentium multiformes mores, rursus, mirabilemque victum enarraturus sum, homines, fruges, legumina, aues, animaliaque nostris incognita terris creberime ad nos terra marique conuehantur, fidem facile adhibendam ijs censeo, præsertim si naturæ eximia benignitas & vis eius immensa perpendatur, fateor permultos qui à patrio solo non discesserunt, multa hic non sine fastidio audituros: veruntamen candide meum hunc laborem velim interpretentur, quippe si omnino à Musis remoti non fuerint, erunt non pauca quæ animum delectabunt per tot gentium cibaria discurrentem.

Sed hoc præfari lubet, ut non vnus clim fuit, ita nec hodie quoque mortalium victum vnum, sed innumeros esse & quidem totidem, quot hominum linguæ:

Ferinum ante aliquot annos & absurdum apud nostrates fuit, cochleis vesci, ranis,

H

testu;

testudinib⁹, at in vniuersa fere Gallia inter precipuas mensarum delicias reponuntur.

Thraces quosdam canibus victitasse Picus Franciscus auctor est.

Arcades carnes & maham in cibatu habuisse ferunt, quin & glandes, vnde & balanophagi dicuntur.

Hircani vescebantur venatibus quorum varietate abundabant Marcellino teste.

Getis quibusdam vini vsus omnino ignotus, quin & frugum, victum illis ouillum pecus commodat, ex quo Nomadum Getharumq; plurimi, teste Columella, galactopotæ dicuntur.

Xenophon prodidit Mosynecos ostentasse diuitum liberos bene curatos, non alio tamen cibo quam elixis nucibus enutritos.

Armeniam minorem fecunditate percelebrem referunt, qui paulo ante nostram ætatem eam peragrarunt, nulliusq; quod ad victum hominis pertinet, indigam, quin etiam cælum saluberrimum & clementissimum. Præterea Persarum regionem omni frugum abundantia nobilem narrant, vinoq; & pomis felicem, sicut & palmetis, quæ dactylos vberime ferant, pistaceis præterea & malis quæ paradisea appellantur:

Tartarorum victus parum distat ab eo, quo Nomadas Scythasque vti prodidit antiquitas, quo

quo etiam vtuntur non pauca Septentrionis gentes, quippe plurimus his lactis vsus & casei.

Orientis populi plurimi qui Imperio Magni Champarent, potus suos ex oryza & genere aromatum concinnant: carnes crudas contritas primum, deinde aromatis resperfas oleisque odoratis imbutas vorant: Serpentibus etiam nunc quæ illic nascuntur copiosissimæ & grandissimæ in cibis suis vtuntur, in deliciis quoque habent hominum carnes, qui morbo non extinguuntur, quales sunt qui in bello ab iis trucidantur.

Solinus autor est, Esseclones Scythiæ populos parentum suorum funera cantibus lætos prosequi fuisse solitos, conuocatisque propinquorum cœtibus cadauera ipsa, (horrenda parentalia,) dentibus laniasse, pecorumque visceribus mixta inter epulas apposuisse, Cranio vero populi loco vsos fuisse, quod & auro circumcirca ornarunt.

Matthias Michon de Sarmatia Afiana scribens Tartarorum quoq; meminit & omni frumēto carere asseuerat, omniq; leguminum genere; excepto milio, quod magna cura ab iis feri idem tradit: equorumque greges educant, quorum carnes manducant, sanguinem vero equinum milio commiscent, coquuntque simul & mandunt: quin etiam ipsum potant
H 2 solum,

solum, idque & barbaris olim placuisse testatur Virg. carmine bucolico, & lac concretum cum sanguine potat equino: acido lacte oblectantur, id namque tum stomacho salutare esse sibi persuadent, tum aluo deijciendæ experimentis idoneum comprobarunt: si quando vero epulantur splendidius, lac sublimarum, si liceat eo vocabulo vti in elegantioris penuria, bibunt, quod mirabile dictu, promississime atque ocysime in cerebrum penetrat inebriatque.

A Tartaris Turcas oriundos idem censet, quare ab eorum victu non procul recedere. Qui de Rhodi expugnatione historiam scripserunt, omnino gentem illam immundam & obscenam tradunt. In Sarmatia Europæa Podolia fertilitate nobilitata est, quippe illic fruges feliciter & lacte pueniunt, cibaria igitur ex frugibus, potus vero ex melle cōcinnant, quod illic abundantissime gignitur, atque etiam in Ruscia: aquæ omnes sponte illic pisculentæ sunt, in quibus lucij capiuntur amplitudinis mirandæ saporisq; suauissimi.

Verum & Lithuania Moscouiæque amnibus vsu venit, ut sponte & copiose alant generentq; pisces, qui & magnitudine & suauitate nobilitantur. Moscouiæ idem Matthias mentionem faciens potum eis esse scribit ex aqua
 NB. & melle confecto: aromatis crebrius vtuntur,
 nam

Hydromel.

NB.

nam & ea cum melle arte Chymica sublimant existimantes hac potione visceribus calorem excitari adeo insignem & salutarem, vt possit inclemētissimis frigorib⁹ fortiter repugnare: auenam ipsam sublimant, ex qua sublimatione elicitur liquor, quam aquam ardentem vocāt, æque ac apud Germanos, Gallosq; & Italos ex vinis vehementioribus: Principis edicto seuerrissimo vini potus aliorumque liquorum, qui ebrietatem concitant, prohibetur, nec licet ea bibere, nisi eiusdem Reguli indulgentia.

Muscouitis parent Scythæ & Antropophagi humanis corporibus vescentes, sine vlllo degentes panificio, vino, alijsque potibus.

Paulus Iouius literis mandauit Moscouiam melopepones ferre, quod mirari subit, quippe gelidissimis Boreæ flatibus tenerima quæque exurūtur. Certissima messis in melle atq; cera est, namque illic apes in arborum campis mella conficiunt & probatissima & copiosissima: domi opipare & laute epulantur, gallinæ siquidem & anates singulæ pro singulis argenteolis nummis vancunt: venatio & aucupia mensas magnatum opulentant, vina nesciunt præter exotica, iisque vtuntur in Sacrificiis & conuiujs luxuriosioribus ostentationis gratia.

Lapponum gens, supra quam credibile sit, fera est & agrestis, neque enim fruges, neque

H 3

vina,

vilna, neq; poma nouit: sagittandi arte sola vitum quæritat & ferarum occisarum tergoribus vestitur.

Colmogora Moscouiæ contermina regio frugibus abundat, seminaque terræ mandata nullo illis beneficio aratri proueniunt, admirabili celeritate naturæ festinantis, vt Iouius testatur. In subiectis Moscouiæ campis, caprearum, leporumque incredibilis multitudo cernitur, quæ nemini aut plagis aut canibus venari licet: lacus quoque habent, vnde piscium admirabilem copiam expiscantur: eademque pene de moribus & victu cæterorum populorum Septentrionis literis mandata reperiuntur, tum apud veteres tum apud recentiores.

In Oriente porro traditur esse quosdam populos, qui sine vllis arboribus, sineque frutice degant. Plurimæ quoque gentes frugum, arborum, quin etiam pecorum expertes inveniuntur.

Scytharum multa genera, qui corporibus humanis vescerentur, olim fuerunt, & esse nostro æuo in noua India Cannibalos vocatos accepimus. Adde quod quidam in remediis summis habent viscera ossaque humana vorare sanguinemque gladiatorum bibere, & quidem ex homine ipso sorberi ex ipsa vena secta calidum adhuc & spirantem efficacissimum putant. Fuerunt apud Græcos qui scrupulose homi-

hominum viscera sunt persecuti, eorumque sapes.

Æthiopum gens, cuius regio à Neroë ad fluvium Hydaspin porrigitur, scorpionibus vescebatur aspidibusque.

Quintinus Heduus scribit, se vidisse in insula Melita, qui scorpionem ederet innoxie. Sunt enim illic scorpiones veneni expertes. Supra Borysthenem esse gentem Sauromatum, quæ tertio semper die capiat cibum: Ad extremos vero Indiæ fines gentem Astomorum fuisse, sine ore, corpore toto hirtam, vestitam frondium lanugine, halitibus tantum viventem & odore, quem naribus trahebant, memoria proditum est: quæ si vera sunt, quis miretur Democritum mellis odore vixisse.

Qui Athon montem incolebant, viperinis carnibus alebantur, itaque nec capiti nec vestibus eorum noxia corpori animalia innascebantur.

Pandoræ locustas in cibis habuerunt atque etiam Parthi.

Gens Medunnorum appellata animalium, quæ Cynocephalos vocabant, lacte vivebant. Arimphæi gens baccis alebatur.

Celenophagi testudinibus vescebantur, quarum testis casas suas integebant, idque genus hominum nova India alit:

H 4

Candei

Cādei serpentibus vesci assueti, & ob id Ophiophagi dicti.

Libes ouillam non gustabant, erat enim apud eos id inextinguibile, si quis edisset.

Iudæi atque Ægypti non vescebantur suilla.

Trogloditæ specus subibant, alebanturque serpentibus.

Riphæis baccæ erant alimenta. Nonnullis Indiæ populis cæcorum parentum visceribus epulari fas erat.

Carmani sine fruga ac veste, sine pecore, sine sedibus degebant, piscibus vescebantur, atque eorum cute sese velabant. Pharussi pecoribus tantum alebantur.

In Æthiopia tum hominum multiformes miræque effigies reperiuntur, tum victus ratio varia & incredibilis: illic enim gentes esse ore concreto & naribus carentes, vnoque tantum foramine spirantes, tradiderunt Prisci, & potū auenę calamis trahere. Quibusdam igno-
NB. tum fuisse ignis vsum naribus ante Ptolomæum Latyram Ægypti Regem, atque illic fuisse Nomadas, qui Elephantis vescerentur.

Fortunatarum insularum incolas in primis beatos exstimare possumus, quibus sua sponte tellus abundāissime suppeditat alimenta, aliis super aliis scilicet innascentibus, quam felicitatem in quibusdam orbis Indici
nuper

nuper patefacti insulis spectari accepimus.

Agriophagi Pantherarum carnes leonumque edebant.

Pamphagi omnia vorabant, Æthiopum pars quædam locustis tantum vixisse fertur, fumo saleq; duratis in annua alimenta, sed quadragesimum vitæ annum non excedere.

Alii Orientis populi piscibus viuunt, tum siccaris tum recentibus, quorum captura vberima sit Martio, Aprili, Maioq; mensibus, contritos eos & in massam redactos in panificia cogunt, siccataq; in annua cibaria reponunt.

De victu & cibo nouæ Indiæ, siue noui orbis non ita pridem à Christianis patefacti constat varium eum esse, fertilitate soli alibi; alibi vero infœcunditate nobilem, herbarum quoque, fruticum, arborum, pomorum odorumq; & alituum innumera genera esse reperta, quæ non minorem admirationem præbent, quàm incognitæ olim res Indicæ: alit præterea oues, & alia pecora, aprosq;, affatim abundat melle, saccharo & vitibus quæ plus fundunt vuarum quàm foliorum.

Qui terras incolunt prima Americi Vesputii nauigatione visas, omninò frumenta ignorant, cibaria autem iis sunt poma atque herbæ, pisces quoq; radicem quandam in farinam redigunt qua vice panis vescuntur, hanc alii iucam, alii Chambi appellant: porro carnes nul-

H 5

las

las attingunt præter humanas: Eadem nauigatione reperta gens est quæ in cibo habet animal quoddam magnitudine quidem capræ, specie verò serpentem referens.

Qui primi è Christiano orbe in eas terras habitatum deducti sunt, durarunt quidem aliquot annis solis herbis, pomis, radicibusque viuentes, verum postea ad alia cibaria transierunt, quippe venter ingenii largitor docuit, inuenitque cibos, quos primùm exitiales experti sunt, innoxios reddere. Etenim iucca radix primùm degustata illis mortifera fuit. Verùm procedente tempore, cum id venenum in radicis solo succo esse comperissent, aqua coctam ac igne tostam mandere cœperunt absque noxa nauigatione Iosephi Indi compertum habetur, regionem Indicam, quæ Carangonora dicitur, sitam inter æstiuum tropicum & æquatorem, nucibus, quas Indicas appellamus, abundare, herbarum insuper 24. radicibus vesci, ex oryza verò panes conficere: Sunt etiamnum Palmeti, ex quorum fructibus panes conflant, vinum eliciunt, acetum temperant, oleum exprimunt, atq; etiam saccharum: quod ideò minus mirabile videtur, quod Strabonem auctorem grauem eadem penè in libris suis de orbis situ, tradidisse reperio. Ex palma enim fieti panem, mel, acetum, & oleum, scripto mandauit: multa quoque illic arborum genera, multa herbarum,

rum, multa quadrupedum, alium & piscium videri, quæ non alibi, testantur, qui in eam nauigare, poma quibusdam instar messium sunt, alijs herbarum radices.

Sed ne quid prætereamus, Calechutana cibaria attingemus: qui in eam terram primi Christianis navigationem instituerunt, narrât incolæ lacte & butyro vesci, panesque factitare sine frumento in foco tantum coctos & cinere. Oryzæ apud eos summa abundantia, eamq; cymbalis, saltationibus, omnique lætitiæ genere lerunt, sua dæmonia precantes, vt sit oryzæ vberimus prouentus, hac enim varias epulas conficiunt: ex palmis potant liquorem, carnibus piscibusque promiscuè vescuntur, à bubula tamen abstinent, boues namque sacros sanctos putant.

Qui colunt Insulam, quæ S. Iohannis porta dicta est, canes alunt ac saginant in vsum cibarium, verum nullus illis latratus est, rostrumq; habent vulpinum. Infima plebs piscatu nutritur, muriumq; venatu. Incredibilia profectò sunt, quæ de felicitate illius Soli tradita legimus, & præsertim in arboribus & pomis producendis.

Mameluchi, qui Sultano Ægyptio parebant, equorum, camelorum bubalorumq; carnibus victitârunt. Arietes in illis locis nascuntur memorabiles, quorum aliqui caudam gestant

40. li-

40. librarum, adeoque obesos ut vix progredi valeant: nonnulli arietes cornua damis similia gerunt, quorum vno aureo duodenos venisse tantum proditum est: capras præterea grandes admodum illic reperiri traditur, quæ vno partu 4. hædos enitantur: Atque hæc de vario mirabilique gentium victu huic orationi adiicere volui, ut is ne rudis omnino, qui non audierit, in istiusmodi rerum auditionibus reperiat.

Nunc ad alteram orationis meæ partem progredior in qua monstrosa & fabulosa omittam, tantum, quæ tum Græcorum, tum Romanorum historiis nobilioribus mandata inveniendi, illustrium quorundam virorum exempla attingam, victus cibosque ostendam, vnaque opera luxum & sobrietatem aperiam: ubi adnotasse oportet, aliquando bene nos debere de moribus nostris & viuendi ratione sperare, aliquando verò pessimè, quandoque enim parsimonia indicabitur, quandoque insanus luxus eiusque affectus. Monstrificas vobis hîc exhibebo cœnas, prodigiosas atque portentosas, auribus eas percipietis, non gustabitis, & si cui fors an la-liam mouerim, lautiore tamen & vltiore quodam ferculo palatum explere non valeo. Nolim, inquit Cicero de finibus, mihi fingere afotos, qui in mensam veniant & de conuiujs auferantur, crudi que postridiè rursus ingurgitent.

Cer-

Certum est autem à Græcis & Romanis omnem ad nos fluxisse luxum, Victo enim Mardonio Magni illius Xerxis duce, Græci aurum inter se partiti sunt, vnde apud eos primum luxuria coepit, si Iustino credimus, quemadmodum Asia primùm deuiçta luxum misisse in Italiam fertur: Tempore enim Manlii Curii Respub. Rom. nondum luxuriabat, nec ad luxum inclinabant mores.

Diebus festis Græci inferias agentes poculis certabāt, & qui cæteris præbibebat, promachus nuncupabatur quasi præpugnans, quatuorque choas, id est, congios ebibebat. Cremato Calano, Alexander conuocatis amicis & ducibus solenne conuiuium instituit, in quo vinarie potationis certamen indixit, victori coronam proponens vnius talenti, quam promachus quidam quatuor congios ingurgitans accepit bibacissimus omnium.

Luxum autem Romam & inuexisse, & auxilium atque ornasse etiam Lucullus perhibetur, quem hoc nomine in primis nobilitatum inuenio apud autores. Deuictis enim duobus maximis & potentissimis Regibus Mithridate & Tigrane ingentes sibi comparauit opes, quas Romam ingressus contere omnino studuit, quod tamen efficere non potuit, neque hortorum amœnissimorum intolerabili impensa, neque ædium cœnationumque amœnissima structura,

curâ, quin nec conuiuiorum quotidiano apparatu, unde adagio etiam nunc celebrata eius luxuria est, inque prouerbum abierunt delitiæ Luculli. Cœnationes ita ordinatas habebat, ut taxata cœnarum summa unicuiq; loco esset, id est, singulis conuiujs definitum erat pretium, & apparatus splendor. Quod vel testatur cœna illa impendio quinquaginta millium apparatus, hoc est, mille ac ducentorum quinquaginta aureorum, tanta celebritate ac lautitia epularum, ut Pompeius & Cicero, quibus illa dabatur, obstupescerent. Liuius de bello Macedonico de triumpho Manlii loquens, epulæ quoque ipsæ, inquit, & curâ & sumptu maiori apparari cœptæ, tunc coquus vilissimum antiquis mancipium, & æstimatione & usu in pretio esse cœpit, & quod ministerium fuerat, ars haberi cœptâ: Coquos enim singulos pluris, quam equos quiritabantur. Et hodie nullus propè mortalis æstimatur pluris, quam qui peritissimè censum Domini mergit. Non tulit tamen hanc palmam solus Lucullus, quippe eius prodigentiam M. Apitius nepotinis helluationibus si non exsuperasse, æquasse tamen dicitur, ob quod in prouerbum abierunt cœnæ Apitianæ, sexcenties enim sestertiū, id est, quindecies centena aureorum millia inexplibili illa ingluvie helluatus est, cumque posset adhuc ducentis quinquaginta millibus vitam laute elegant-

gantique victu producere, tamen venenum miser hausit, ne patrimonio tanto superesset, quod iam defecturum eum videbatur. Plinius aptissimum omnium nepotum appellavit gu gitem. Suidas sic de eo mentionem facit: Apicius Marcus in Luxum & inusitados sumptus multas argenti myriades in ventrem absumpsit.

Huius meminit quoque Athenæus lib. i. asserens eum delicatum & locupletissimum, ab eoque complura placentarum genera Apitiana nuncupata esse: Quin & tanta erat insania gulæ hominis illius, ut in Lybiam ventris explendi gratiâ nauigârît.

Constat autem non aliunde maiorem epularum luxuriam fuisse apud Romanos quàm è piscibus: Vnde piscinarii nobilissimi Romanorum dicti: Inde ostrearum viuaria illa celebratissima Sergii Auratæ, qui primus optimum saporum ostreis adiudicavit: nec cessavit gula quin & reliquorum piscium viuaria institueret: Huius inuenti autor fuit Licinius Murena, cuius exemplum deinde nobilitas secuta est, Philippus, Hortensius, Lucullus, cuius piscinæ quadringentis sestertiis vânière: pretia enim piscium insana extitisse docet Mullus ille tantopere iactatus ac nominatus à Plinio, Iuvenale & Macrobio. Hunc ab Asinio Celere viro consulari emptum millibus nummûm Plinius

tra:

tradidit, id est, ducentis aureis æstimatione Budæi.

Merito igitur Imperii Romani ruinam prædixit Cato ille, cum præmoneret vix posse rem publicam illam, in qua quidem pisciculus pluris quam bos vāniret, consistere, nam pariter Luxuria inuecta est, & Carthago deuicta, cuius excidii autor & suasor extitit Cato, sumpto argumento à præcoci ficu triduo inde allata.

Cæterum mira & immensa auium pretia, si quis animo reputet, facile coniiciet auro & argento Romanos exuperasse, urbemq; Romam quasi arcem quandam expilatorum orbis totius videbit. Singula paria columbarum veniisse denariis quadringentis, Plinius testis est. Varro verò ait singula paria ducentis nummis vulgò vāniisse, sique essent eximia, singulæ millibus nummum.

Coruum loquacem viginti millibus nummum emptum constat, id est, aureis quingentis: turdos singulos ternis vāniisse denariis historia proditum est: horum igitur 5. millia hoc pretio diuendita sexaginta millia nummum faciunt, & certum est tanta fuisse Romæ turdorum auaria tempore Varronis, ut ex eorum fimo agri stercorarentur. Pauones quoq; in summo pretii culmine fuisse aiunt. Marcus enim Aufidius Lurco saginare eos primus instituit, ex eoque quæstus reditus is sestertium lexage-
na

na millia habent, ut testatur Plinius: Varro supra sexagena millia nummum dixit, quod & Budæus confirmat, hoc est eius æstimatione mille & quingentos aureos, ex quo vectigali potest patere quanta fuerit gulæ populatio. Oua eorum venierunt denariis quinis. Hortensius Orator pavonem primus cibi gratia Romæ occidit, & augurali cœnæ apposuit, cuius exemplum posteritas secuta in priuatas epulas transtulit: Sed neq; in anseribus ingenia Romanorum impigra visa sunt, præcipue verò epatis bonitatem nouere, fertilibus enim in magnam altitudinem crescit.

Auiaria primum instituit omnium generum auium inclusis Marcus Lælius Strabo. Pretia quoq; pomorum mirabilia tradidit Plinius, nam singula Persica primum sestertiis quaternis venisse ait, deinde augescente gratia, auctoritate scilicet iis vescentium, pretium quoq; adauctum ad trecentos nummos.

Quare mirum videri non debet, singulas arbores, ut tradit Plinius, millia nummum annuo redditu meruisse, cum septem & sexaginta poma hanc summam conficere potuerint tricenis nummis singula venundata. Ergo singularum arborum citca suburbana Romæ maius erat vectigal, quam apud antiquos prædiorum. Præerea ut nihil intentatum luxus relinqueret, inuentum quoque est quadrupedes saginare,

nare, tum feras tum domesticas, & mensis solidas apponere.

Seruilius Rullus primus Romanorum in epulis aprum solidum apposuit, Persarum Magnates credo imitatus, qui in suis mensis solidos asinos, equos, camelos & boues affitos ponebant, vt Græci autores tradunt, nec solum in feris ventris infania visa est, sed & in domesticis, Suem enim celerius castratione pinguescere repertum est, neq; ex alio animali numerosior materia ganeæ inuenta est, quare Censoriæ leges de nullo alio pecore frequentius paginas suas nobilitârunt. Interdicta n. cænis glandia, abdomina, testiculi, vuluæ, sincipita & verrina.

Minus profectò mirabilis videtur lancium amplitudo tanto operè celebrata, quando pecora integra mensas Romanorum subiisse, Romanorum historiâ proditum inuenietur.

Vitellius in principatu suo ducentorum sestertiorum, id est, quinque millium aureorum commentus est patinam, cui faciendæ fornax in campis exædificata est. Escaria in super vasa ex murrhinis fieri cœperunt post Pompeii victoriam, non tamen sine magna eius infamia, qui tanti luxus autor fuisse visus est. Nero capedinem vnâ murrhinam quadringentis sestertiis parauit. Verum alios fuisse mores Romanorum ante Carthaginem euersam clarum est, etenim legati Carthaginensium dixisse aliquan-

quando feruntur, nullos hominum benignius inter se vivere, quam Romanos, eodem enim argento apud omnes coenitavisse ipsos: at postquam de ea triumphavit Scipio, aurumq; illud grande Punicum transtulit, totum in apparatus mensarum paulò post transiit. Verùm ad cibos redeamus.

Glirium somniculorum sagina quoque instituta est, & viuaria, ne quid venter non devoraret. Cochlearum pariter & saginam & viuaria commentus est Fulvius Hirpinus, ut illæ altiles ganeam quoq; implerent. Sed & vermes qui in ligno humore scilicet nimio nascuntur, Cossos appellant, saginare altilesq; facere luxus inuenit, quin & alia foediora animalia in delicias gulæ verterunt.

In vinorum quoque differentiis insaniuisse victorem orbis populum in confesso est. Primū enim fuit magna parsimonia, vel propter raritatem, vel quoniam sibi quisque moderabatur, transmarina enim diu fuere in autoritate, sed ubi bona sua intellexit Italia falernumque repertum, obscurata est eorum gloria. Verùm & de mensis secundis & mellitis operibus aliquid degustandum: per mellita hīc intelligantur fercula dulciora, quæ tunc mensis secundis inferri solebant, ut nostra memoria Saccharati missus epularum à pistoribus dulciariis, & omnia quæ bellariorum

I 2 censu

censu continentur, & saccharei panificii operisq; structura in cœnis, quæ in lanceis argenteis ad ostentationem traducuntur, magis ut delibentur, quam ut esitentur. Nero indicebat familiaribus suis cœnas, quarum vni mellita quadragenis sestertiis constiterunt: Quadragies autem sestertium, si centenis millibus aureorum nostrorum æstimentur, quanti ipsa cœna æstimari poterit? hic verò diuitiarum & pecuniæ fructum non alium expectabat quam profusionem, sordidos ac deparcos esse dicens, quibus ratio impensarum constaret, prælauros vero & magnificos, qui abuterentur ac perderent. Laudabat idem mirabaturque auunculū Caium Caligulam nullo magis nomine, quam quòd ingentes Tiberio relictas opes breui spatio prodegisset: hic in omni vitæ parte prodigos omnes superauit, commentus nouum balnearum vsum, portentosissima quoque genera ciborum atq; cœnarum, ut calidis frigidisq; vnguētis lauaretur, pretiosissimasq; margaritas aceto liquefactas sorberet, conuiuis ex auro panes, atque obsonia apponeret, aut frugi hominem esse oportere aut Cæsarem, dictitans. Is opes immensas non modo deparci, sed & sordidi Imper. Tiberii, quas annis tribus & viginti confiscauerat, non toto vertente anno absumpsit, id est, sexcenties septuagies quinquies centena millia aureorum nostrorum, æstimante Budæo.

Vi-

Vitellius præcipuè luxuriæ geneæq; deditus nouies millies sestertiū paucis mensibus interuertit, teste Tacito: quadrifariam epulas dissipiebat, in ientacula, prandia, cœnas, & commessationes, quibus vt sufficeret. vomitibus assiduè utebatur. Quod etiam factitasse Claudium Cæsarem inuenio, pinnâ in os indita, vinū enim cibosque quocunq; tempore appetebat auidissimè, conuiuia agitabat & assidua & ampla, nec triclinio vnquam abscessit, nisi distentus ac madidus, erat boletorum auidissimus: Quare per hanc occasionem venenum ei datum ab Agrippina coniuge, quo facto illa terris venenum alterum sibiq; ante omnes Neronem dedit.

Verū famosissima illa fuit supra cæteras cœna, Vitellio à fratre data, in qua duo millia electissimorum piscium & septem auium apposita traduntur: Scarorum iecinora, Phasianorum, & Pauonum cerebella, linguæ Phœnicopterus, murenarumque lactes à Carpathio usque fretoque Hispaniæ petiti, eam exornarunt gloriaq; palati extiterunt.

Conuiuia M. Antonii & Cleopatæ commemorare superuacaneum est.

Vnum tantū memoratu in primis dignum adiiciam. Marcus Antonius exquisitis quotidie epulis saginabatur, & per luxum inusitatum debacchabatur: Ad eum enim Reges Orien-

tis salutandi causâ confluebant, quibus impendiis exhaustisse ducenta millia talentorum fertur, hoc est, centies & vices mille aureos. Verum Cleopatra Aegypti Regina lautitiam eius omnem apparatusque fastu meretricio superbiaq; detrectabat, dicitans vna se cena centies sestertiûm absumpturam. Quod equidem etsi incredibile Antonius existimaret, cupiebat tamen discere, quare condicta est cœna, in qua Regina magnificam alias epularum struem, sed quotidianam Antonio posuit: irridenti autem & computationem expostulanti illa se in ea cœna taxationem consumpturam confirmabat, quare mensam secundam inferri iubens detractum auribus vnionem aceto mersit & liquefactum absorbuit: singulare & ferè vnicum naturæ opus, ut ait Plinius, auribus gerebat Cleopatra. Quis quæso non obstupescat vno ferculo secundæ mensæ centies sestertiûm, id est, ducenta & quinquaginta millia aureorum absumpta: tanti enim æstimatus est hic vnio Cleopatrarum.

Tres historiæ prodiderunt qui experti sunt quid in gloria palati saperent margaritæ: Aesopi Tragœdi Filius primus id ausus est tentare: deinde Regina Aegypti, tertius Caius Cæsar Romanus princeps, & certum est luxum auctum, & diminutum moribus principum dominantium.

tium. Lentuli quoque auguris luxus cœnarum nobilis fuisse proditur. Hic à Seneca maximum diuitiarum exemplum appellatus est, millies enim sestertiũm vidit, hoc est, centies centena millia aureorum: is est apud quẽm Cicero cœnauit, vt ipse refert in epistolis.

Clodius, quem Milo interfecit, perditã fuit luxuria: quin & Milo ipse egregius prorsus homo, cuius æs alienum inter animi humani prodigia duxit Plinius, rerumq; memorabilium æstimator & acutus & censor grauis.

Heliogabalum luxuriæ perditissimæ quoq; fuisse historiæ tradunt. Sortes is conuiuales scriptas in cochlearibus habuit tales, vt alius haberet X. Camelos, alius X. struthiones, alius X. muscas, alius decem lib. auri, alius decem plumbi, alius decem oua gallinacea, alius X. vrsos, alius X. glires, alius X. lactucas, alius X. lib. bubalinæ carnis: exhibuit nauales pugnas in Euripis vino plenis. Idem nunquam minus centum sestertiis cœnauit, aliquando autem tribus millibus computatis, teste Lampridio.

Iulius Seuerus donauit calices singulis conuiuiis per singulas potiones myrrhinos & crystallinos: dedit vasa aurea, argenteas & aureas coronas, dedit & vehicula cum mulionibus & mulabus, cum iuncturis argenteis, vt ita à conuiuiis redirent: Conuiuium æstimatum ferunt sexagies sexcentũm millibus sestertio-

rum, teste Capitolino. Vnde non in cibis tantum, verum etiam in omni vitæ patte modum nullum statutum apud Romanos aliquot seculis inconfesso est. Si quis enim reputet animo ludorum cœnationumq; apparatus prodigentissimos, ædium & villarum insanas structuras, aliaq; id genus, horrescit animus, nec mirum, cum terrarum Domini vna cum opulentia gentium victarum, mores quoque & cultus induerint, quod in Alexandro notissimum est, is enim deuicto primùm Dario luxuriosa conuiuia & epularum magnificentiam sectari cœpit, vt transiret in mores quos vicerat, immemor scilicet tantas opes his moribus amitti: & certum est paucas fuisse gentes barbaras, quæ aliquando luxuriam non sint amplexatæ, quod malum à victoriis & præda spoliisq; hostium profectum constanter asserendum.

Cum itaque luxus apud Romanos ad summum fastigium culmenque ita peruenisset, nullis legibus, nullis edictis, nullaq; multa castigari coërcerue potuerunt. Verum principiis obstandum erat prisca illa seueritate & parsimonia. quæ in infantia imperii extitit. Leges equidem sumtuarias Romæ promulgatas inuenimus innumeras, sed nulla fuit, quæ capitalem luxum, at ne exilio quidem mulcicaret, tametsi probrosè obici solitum Lucio Crasso & Lucullo.

Pha-

Phania lex, qua cauebatur ne quis carius obsonaret, tres tantum habuit qui parerent, Mutium scilicet Scæuolam, Cecilium Tuberonem & Rutilium Ruffum, qui historiã Romanam Græce scripsit, auctores Athenæus & Macrobius. Parsimonia inquit Gellius libr. no. 2. apud veteres Romanos, & victus atque cœnarum tenuitas, non domestica solû obseruatione & disciplina, sed publica quoque animaduersione legumque complurium sanctionibus custodita est: Et paulo post. Senatus decretum vetus est C. Fannio & M. Valerio Messala consulibus factum, in quo iubentur principes ciuitatis, qui ludis Megalensibus antiquo ri u mutua inter se conuiuia agitarent, iurare apud consulem conceptis verbis, non amplius in singulas cœnas sumptus esse facturos, quam centenos vicosq; æris, præter olus & far & vinum, neque vino alienigeno, sed patrio vsuros, neq; argenti plus pondo in conuiuio quam libras 100. illaturos.

Sed post id Senatusconsultum Lex Fannia lata est, quæ ludis Romanis, item ludis plebeis & Saturnalibus in singulos dies centenos æris infumi concessit, decemq; aliis diebus in singulis mensibus tricenos, cæteris vero omnibus diebus denos.

Lex deinde Licinia rogata est, quæ cum certis diebus sicut & Fannia, centenos æris consu-

I 5

mi per-

mi permisisset, nuptiis dācenos indulgit, cæterisque diebus tricenos, tum & carnis aridæ & falsamenti certa pondera in singulos dies constituit. Hæc leges nonnulli obseruauerunt, eas tamen postea situ oblitteratas L. Sylla renouauit, quoniam videret plerosque in patrimoniis amplis helluari, & familiā pecuniamq; prandiorum gurgitibus proluere. Legem itaque tulit ad populum, qua cautum est, vt Calendis, Idibus nonisq; diebus ludorum, feriisq; quibusdam solennibus tricenos sestertios in cœnā insumere ius esset atq; potestas, cæteris autem diebus omnibus non amplius ternos. Sed hæc ridicula habita est, & à nullo obseruata.

Nonnulliq; censent eum sic sanxisse, non vt modum sumptibus statueret, sed pretia minueret, vt pluribus luxuriose viuendi facultas esset: & mirari subit, Syllam in tanta tyrannide & auorum suorum tantis funeribus & proscriptionibus, tam scrupulose rei escariæ modum voluisse statuere, & Scauri illius sui priuigni portentosissimam prodigalitatē conuiuentibus oculis præterisse.

Alia autem fuit lex Æmilia, quæ non sumptus cœnarum, sed ciborum genus & modum præfiniebat.

Postremo Lex Iulia ad populum peruenit, C. Augusto imperante, qua profectis quidem diebus ducēti finiuntur, Calendis, Idibus, Nonis &

nis & aliis quibusdam festiuis trecenti, nuptiis & repotiis, hoc est, postridie nuptiarum fester-
tij mille, qui quinque & 20. aureis coronatis æ-
stimantur: Christianorum nuptiæ nostra ætate
longe luxuriosiores, & sumptuosiores, quippe
vel quotidiana conuiuia longe hanc taxationē
excedunt, fester-
tij enim ducenti in singulas
cœnas quinq; æstimantur coronatis. Porro si
qui essent Romani, qui simularent frugalitatē
& continentiam, ij quæ lege excepta erant, id
est, hortensia & quæ terræ nata vocant olera,
legumina omnia, fungos & tubera ita laute
condiebant, vt facile aliorum, quæ non erant
excepta, sumptus superarent, eaq; non magno-
pere desiderarent, quo factum, vt è luxu in lu-
xum damnosiores lapsi sint magno sanctio-
num illarum contemptu ac derisa.

Extant & aliæ censoriæ leges, teste Plinio,
glandia in cœnis, gliresq; apponi vetantes. In-
uenti pariter sunt principes, qui bacchanalia
viuentes coercere luxum simularint.

Domitianus in summa frugum penuria &
vini vbertate largissima edixit, ne quis in Italia
nouellaret, vtq; in prouinciis vineæ succiderē-
tur. Fertur etiam C. Cæsar legem sumptuariā
fevere admodum obseruare iussisse, dispositis
etiam circa macellum custodibus, qui emen-
tium obsonia retinerent.

Verum boni principes bonis suis moribus
& vita

& vita proba exemplum satis præbent sobrie
& modeste viuendi.

Augustus in principatu suo, vitæ suæ seueri-
tate atq; temperantia luxum diminuit.

Hadriani modestia suis pro lege fuit.

Antonius Pius tali usus est victu, vt esset o-
pulentia sine reprehensione, parsimonia sine
sordibus, & mensa eius per proprios seruos,
aucupes, piscatores, ac venatores instrue-
retur.

Temperantia quoque nobilitatos inuenio
Phocionem, Aristidem, Phormionem, exerci-
tuum clariss. duces, Epaminondam Thebanū,
Agésilauum illum magnum, Cleomenem La-
cedæmonium, Alexandrum Macedon. Cato-
nem Censorium, &c.

Non omiserim imperatoris cuiusdam Chri-
stiani seuerum verbum ad milites Sarracenis
victos, qui cum causam in vini inopiam rei-
cerent, quod scilicet vinum soleat animos in-
cendere, corporiq; vigorem agilitatemq; ad-
dere, dixit, at qui vos vicerunt aquam omnes
potant, eorum enim lege Mahumetica vini
potus prohibetur.

Egregium quoq; Fabricij dictum & factum
nefas duxi silen'io præterire, cum nullæ sint le-
ges, nullæq; sanctiones censoriæ, quæ magis a-
uocare debeant à vitiis intemperantiæ, quam
huiusmodi virorum vitæ exempla. Is Samnitū
legatis

legatis immensum auri pondus offerentibus rogantibusque enixissime, ut id acciperet, atque videretur in illa sua paupertate, fertur manus planas ab auribus ad oculos, & deinceps ad nares, & ad os gulamque, atque inde ad imum ventrem deduxisse, simulque legatis ita respondisse. dum illis membris omnibus quæ attigisset, obistere atque imperare posset; nunquam quicquam defuturum: quo verbo quid sanctius dici potuit? sed paucos habuit imitatores Romæ. Certum est tunc homines bene salubriterque victuros, si ventri atque gulæ vasis corporis pessimis non obtemperarint, sed eorum intemperatis cupiditatibus & importunis interpellationibus fortiter obstiterint: at eorum causa maior mehercule mortalium pars vivit, horum gratia avaritia expetitur, luxuria his conditur, his ad Indos navigatur, ad Phasin & ultra quærantur obsonia, horum gratia profundissima exquiruntur maria. Quin nulla sunt montium iuga, nullæ rupes, nulla claustra, quæ non transcendantur & infringantur, ut venter saginetur.

Multi ob luxuriosam & delicatam victus rationem adepti sunt ventrem pinguiissimum & distentissimum in amplitudinem.

Ptolomæus Euergetes 7. Ægyptiorum Rex
& huius

& huius filius Alexander ob quotidianam voracitatem adeo fuere ventricosi, vt vix pedem efferre possint, raroque in conspectum populi prodirent.

Dionysius Heracleorū tyrannus filius Clearchi ob intemperantissimas quoq; voluptates ad immodicam corporis molem adoleuit.

Fuit item Pitho Bizantius Rhetor obesissimo aqualiculo, patiterq; eius vxor gulæ scilicet vitio & ventris intemperantia.

Nostra memoria nobilissimarum & clarissimarum gentium viri inueniuntur, & in aulis Magnatum non infimum locum obtinentes, qui adeo ventrem tumidum & turgidum haberent, vt multis annis non licuerit pudenda contemplari: quibus tamen voracitatis quoddam vitium à natura insertum est, excusandi veniunt, neq; dubium est alios aliis fuisse & esse edaciores natura.

Exordiū sumemus ab ipso tantopere decantato Hercule, quem neq; famem tolerare novisse, neq; gulæ ventriq; imperare, neq; etiam modum cibis statuere prodiderunt Græci, quæ sunt ardentissimæ & intolerabilis intemperantiæ argumenta.

Est & incredibilis Milonis Crotoniatæ edacitas, is enim vno conuictu carnis pondo 20. totidemq; panis vorasse creditur, vini vero tres Choas exhaustisse, quin & taurū viuū in Olympia hu-

pia humeris suis circumtulisse, stadij vnus curriculo prædicatur, ipsumq; postea solum die vno vorasse. Verum in prodigioso robore prodigiosa forte minus videbitur gula.

Sed quis Valentē Iunium, vehicula cum culeis onusta, donec exinanirētur, sustinere solitū, voracē fuisse non existimauerit, quin & carpenta comprehensa vna manu retinere solitū, obnixius contra nitentibus iumentis, aliaque mirabilia fecisse, traditum reperio.

Athanatus aurem, quem vidisse se Plinius affirmat, thorace plumbeo indutum, cothurnisq; quingentorum pōdo calceatum, per scenam ingredi nō parci fuisse, putabitur, quem admodum nec is, qui centenaria pondera pedibus, manibus totidem & ducenaria humeris contra scalas ferebat.

Theagenes Thasius athleta taurum solusedebat.

Altidamas athleta Milesius, qui ter in Olympia victor euasit, plerunque omnia, quæ apud Aribatzanem Persarum Regem in conuiuio parata offenderet, solas absolvebat: quamobrem nō inepte dixit ille, mille quidem in Græcia pestes esse, sed athletarum generis pessimam & perniciosissimam.

Est in exemplis quoque Herodotus Megarensis tibicen & saltator, qui panis sex chœnices & carnis lib. 20. ederet, viniq; hauriret duas

Choas

Choas vno conuictu : porro & tubis duabus canere solitum Græci scripserunt.

Celeno Phrygiæ rex voracitate & ventris ingluvie memorabili extitisse fertur. In hac quoque nomenclatura reponunt Mithridatem illum Ponti Regem maximum, aiuntque quandoq; certamen & cibarium & vinarium condixisse, constituisseque victori præmium talentum vnum argenteum, atque in eo certamine Regem ipsum declaratum victorem.

Capitolinus maximum patrem narrat frequenter bibisse vno die vini amphoram Capitolinam, & edisse 40 carnis libras.

Gulosus ille Phago Aureliano Imperatori in delitijs fuit, quod vno in prandio ederet aprum totum, veruecem vnum, præterea porcellum & centum panes, exiccavitque oscam vini, quibus in ventrem exceptis percontatus est cocum, quamam hora sit redeūdum ad cœnam, teste Vopisco Digna hercule gula harpyis rapacibus.

Proximum nunc est, vt vinolentiæ sectatores prosequamur, bibaces & vinosos, qui circa perdenda vina occupati sunt : dederat nobis natura aquæ potum, qua cætera omnia vtuntur animantia. Verum eius benignitate non contenti multo labore magnoque impendio liquores alios quæsiuimus, qui mentem animumque obtunderent, atq; etiam adimerent, quin

quin & corpora effœminarent & mollia redderent. Id vero non in vna orbis terrarum parte inuentum est, sed vbique gentium.

Bibacitate autem nominatissimi atque celebratissimi fuerunt Græci, qui diebus festis inferias agentes pro poculis certabant, pluris facientes vinolentiam quam opes. Hinc tria vocabula sunt græcari & pergræcari. Ægyptii vino olim admodum dediti fuerunt, eo enim abundabant. Sed contrà hodiè euenit. Nam iurarunt in Mahumeris perditissimi legem, quæ vini vsum sectatoribus abdicauit: quare paucas vites illic nunc videas. Romani Tricongium Torquatum appellârunt à tribus vno imperu congiis exhaustis, & bicongium à duobus congiis Ciceronis filium. Xenarchus Rhodius Metretes dictus est à potione immodica. Maximinus, auctore Capitolino, pater, amphoram Capitolinam siccabat sæpe in die, amphora vero octo congios capit, seu duodequingiginta sextarios.

Tiberius, quod ad merum pronior esset, dictus est Biberius, & pro Nerone Mero. Antiochum quoq; Magnum vinosum extitisse, historiæ testantur.

Alexandrum ad vina prouum fuisse, testatur Plutarchus, bibit apud Mediam vini fortis congios duos, & paulò post extinctus est; Philippus quoque pater ebrietati indulgisse multo-

K

rum

rum consensu dicitur: De quodam vini potatore reperitur, Syracusis tamdiu potare solitum, donec ab eo cooperta oua in terra foetum ederent, prodente Aristotele & Plinio eius interprete.

Cato Uticensis huic vitio affinis fuisse creditur. Bonosus Imperator, ut scribit Flavius Vopiscus, bibit quantum alius nemo: Et si quando legati barbararum gentium vndecunq; venissent, ipsis propinauit, ut eos vino obrueret, sic enim ab ebriis consilia eliciebat. Idem Phagi cuiusdam meminit, qui vini orgam vno conuictu biberet.

Dionysius Siculus Nestor item vinolentus traditur, nam vel graui instanti pugna à potu non abstinuit.

Illyrii cubantes cœnant & bibunt, ut Menander scriptum reliquit, quin & suas vxores, conuictibus adhibent, quibus propinare egregium & pulcrum putant: at demum ipsæ viros e conuiuio deturbant, aluumq; sibi fasciis zonisque latis cingunt, dum potant. Primum quidem leuiter & modicè, postea vero cum liberalius bibunt, arctius validiusq;. Constat multos inuictosq; exercitus militum vinolentiâ fuisse deletos. Carthaginenses non sinebant in castra vinum deferri.

Alcei poetæ memorabilis fertur ebrietas: namq; semper potans inuentus est, scripsitque
sua

sua poëmata ebrius: quod & de Comico Aristophane proditur: quin & Epicharmum in scenam primum vinolentiam inuexisse aiunt, ut in totum dixisse liceat, poëtas vel insignes vinosos fuisse. Extant compluria nobilia exempla vinosorum, quæ audientium fastidio parcens prætereo: plura qui desiderat, legat cœnas Athenæi, in quibus magnum Asotorum catalogum reperiet,

Sed & fœminarum genus vini fuisse avidum poëta Græci scripserunt.

Quin & annalibus Romanorum reperiuntur fœminæ vinosæ vel priscis illis temporibus, quibus luxus incognitus & ebrietas videbatur.

Romulo regnum obtinente Egnatius Metentinus uxorem, quod vinum è dolio bibisset interfecit, cuius cædis absolutus est à Romulo.

Est quoq; inter exempla, matronam quandam à suis inediâ mori coactam, quod loculos in quibus erant clauēs vinariæ cellæ, resignauisset.

Præterea inuenimus mulierem à Cneo Domitio dote mulctatam quod viro inscio plus vîla esset vini bibisse, quam valetudo exposceret. Polybius apud Athenæum scribit, Romanorum fœminis vinum bibere non licuisse.

Cato censuit osculum fœminis dari à

K 2

pro-

propinquis, ut scirent an temetum olerent, hoc enim tunc nomen vino erat.

Nostræ hodie cautiores sunt & callidiores, quæ à vini haustu commanducant, aut anisum saccharo intectum, sceniculum, aut coriandrū, quo diuerticulo imponunt maritis atque adulteris.

Apud Massilienses lex quoque fuit, qua mulieres aquam potare iuebantur, hancque legem eandem Mileti sua ætate viguisse Theophrastus autor est. Præterea apud Romanos præter sceminas, nec seruilis vinum potabant, nec adolescentes qui annum 30. non attigissent.

Antiquiores quoque Romani in conuiujs liberaliorib. tot cyathos singulis haustibus bibere soliti sunt, quot erant literæ in nominibus amicarum; à qua consuetudine Martialis Epigramma libr. i. emanauit:

Nænia sex cyathis, totidem Iustina bibatur,

Quinq; Lyca, Lyde quatuor, Ida tribus,

Omnis ab infuso numeretur amica falerno.

Atque inde sunt inuenta vocabula, triens, quadrans, quincunx, septunx, & reliqua quæ non magis pocula, quàm mensuras significant.

Sed certum est Romanos potiores habuisse memorabiles, quod satis indicant bicongii, tricongii atq; amphorarii: quamuis consuetudo
hic

hic plurimum valeat, nam quanto plus biberint, tanto plus sitiunt Parthi: verum sitis causas non stomachi tantum infirmitati vel firmitati, quod Budæus facit,tribuendum, cum aliunde veniant. Capacitas cerè ventriculi & eius amplitudo cibi & potus maiorem copiam expetit, arguitque firmiorem constitutionem visceris: angustia verò & paruitas contra imbecillitatem, potulentorumq; ac esculentorum parsimoniam suadet.

Itaq; hic tenendum, errare eos qui omnem morborum causam in intemperantiam reiciunt, quasi hæc sola & vnica sit omnium morborum mater. Licet enim plures occumbant crapula quàm capulo, lancibus quàm lanceis, constat tamen experienciâ certisq; auctoritatibus, etiam exactissimè viuentes in periculosos sæpè morbos incidisse.

Verùm de vinolentis hætenus, nunc de priscorum quoq; poculis dicendum aliquid, quæ fuisse multiplicia & variasse etiam pro vinosorum miro ingenio & luxus inconstantia, non est obscurum iudicatu. Latini pоторia & pocula appellant, græce ποτήρια.

Sed hic prius docendum, an prisci maioribus & capacioribus poculis sint vsi, quam nostra ætas. Scio enim non raro in conuiujs liberalioribus hanc quæstionem excitari.

Dicæarchus Messenius Aristotelis disci-

K 3

pulus

pulus antiquos minoribus potoriis vsos & dilutius bibisse prodidit.

Chamæleon Heracleotes in eo libro quē de ebrietate scripsit, antiquos græcos censet haudquaquam in vlu habuisse capaciora pocula, sed id ipsum esse nouitium in Græcia postea inuentum à barbararum gentium morib. translatum: quin in nulla Græciæ parte pocula ample fuisse admissa in mensas & potus, quam à Solis magnatibus, heroibus, ab aliquo scriptum esse idem testatur.

Spartanis regibus, teste Herodoto, binæ dabantur cotylæ, cæteris verò singulæ in conuiuiis, tanta erat apud eos vini parsimonia.

Nestoris poculum apud Homerum celebratur insigni amplitudine. Vnde patere potest potorium datum cyclopi ab Vlyssæ paruum haudquaquam extitisse. Poculorum autem nomina recensere quædam absurdum non est, maximè quorum vsus crebrior fuerit & nobilitas præstantior.

Fuere quædam potoria gentibus peculiaria, καὶ θάου Lacedæmoniis quod genus erit vtile & commodum in bello, vbi plerumque aquam impuram haurire necesse sit: quin & eisdem figulinis vsos in epulis nuptialibus solennibus & sacrificiis, traditur: nam in aliis conuiuiis aliis vasis potabant.

Quin & Argiui in quibusdam cœnis figulina

na vlturpabant. Sed in primis Agathoclea regem ferunt potasse, fictilibus & cœnasse etiam, cum tamen amicis suis & conuiuis aurea præberi curaret, ne scilicet obliuionem originis suæ ad insolentiam indueret sublatus ex humili patris figuli fortuna ad regnum.

Romæ quoque eo peruenit aliquando luxuria, vt fictilia pluris venirent quàm myrrhina: vnde & collegium figulorum illic constitutum esse narrant.

Nobilitantur gentes terra sua & vasis ex ea. Vasa Arretina commendabantur.

Surrentum calicum nobilitatem retinuit: Saguntum quidem in Hispania, & in Asia Pergamum, & hæc vltro citroque per maria transportabantur.

Sed Chœ in maxima erant gloria, Hadrianæ firmitatis nomine laudē adeptæ. Amphora vas erat condendo vino accommodatum, non mensis, quanquam Tiberium vini amphoram super cœnam cuiusdam propinasse inuenio, quam vno impetu exhausserit. Potoria ingentia à Romanis vsurpata constat. Nam & eorum procures sic gloriam quæsiuisse memorantur, vnde Tricongiorum & Bicingiorum præclara illa cognomina. Sed quis quæso crederet hac nostra ætate posse reperiri, qui vno impetu tres congios aut etiam amphoram exsorberet. Plinius, vbi de ebrietate vi-

tanda locutus est, venena excogitata ad sitim quærendam pariter enarrans, cautissimos, ait, ex his balneis quoq; coqui videamus, exanimésq; efferri: iam verò alios lectum expectare non posse, imò verò nec tunicam, nudosque ibi protinus & anhelos ingentia vasa corripere velut ad ostentationem virium, ac plene infundere, vt statim euomant, rursusq; hauriant, atq; iterum, tertioq; tanquam ad perdenda vina geniti. Ex quibus verbis maximis potoriis Romanos bibisse elicitur.

Præterea varias eorum figuras fuisse & cœlaturas non est dubium, alia enim ventrosa & patula, alia angustiora & strictiora: Inuenio crateras, pateras, calices, cyathos, Scyphos, Carchesia, in frequentiori vsu apud latinos. In Pauli Æmilii triumpho, crateres argentei, cornua, phialæ, & calices grandissimi affabreq; facti & pulcerrime ornati deferebantur.

Crater, vt Græci putant, dicitur à κεράται, hoc est, miscere & temperare aquam vino, vel ἀπὸ τοῦ κέρατος, q. κερατῆς, quoniam in cornu olim vinum infundebatur: Mos enim fuit antiquioribus primum cornibus potare, idq; fecisse Thraces Xenophon docuit, quin & Philippū Macedonē Atheniensibus cornu propinasse ferunt. Peonios aiunt boues educare, qui cornua gestent tantæ magnitudinis, vt capere possint tres & 4. choas, quare ex iis facere pocula, quo-

quorum labia argento aurove circumducantur. Porro Athenienses cornibus aureis vfos in potibus quidam memoriæ tradiderunt, vnde Virgil. dixit:

Crateras magnos statuunt, vinumque coronant.

Et grandem fuisse craterem oportuit, post quem Virgilius lib. 9. Aen. Rhetum sese tegentem ne ab Euryalo interficeretur, scripsit, quod etiam carmine suo indicat:

Est magnum metuens se post cratera tegebat.

Pateram quoque in auctoritate fuisse non ambigitur; nam à Virgilio sæpe nominatur, præcipue vero in Didonis conuiuio: Cum primis autem principibus & proceribus peculiaris existimatur: vnde Fabricius quidem ille Romanus bellicosos imperatores vetabat habere plusquam pateram & salinum ex argento. Calices, qui à Græc. κάλικες, multis modis luxuria variauit. Sed hoc quoq; non fuit satis, Gemmis potare instituerunt mores Romani, & calices Smaragdis contexere, quod Maro seuerè admodum & vere reprehendit carmine suo Georgico, cum ait:

*Hic petit excidiis urbem miserosque penates,
Vt gemmâ bibat, & ferrano dormiat ostro.*

Murrhinorum vero & crySTALLINORUM gratia in -

K 5

tia in -

tia inuenta est ad rigidos potus, quibus pretiū fragilitas fecit: Murrhino calice 80. sesteritiis empto capaci ad sextarios sex potauit consularis quidam ob amorem abrafo eius margine, vt tamen iniuria illa pretium augeret.

Nero amissarum rerū nuncio accepto duos calices crystallinos in suprema ira fregit illisos, vt ne quis alius biberet. Idem quoque scyphi fracti membra seruari, vt ostentarentur, curauit. Quin & capedinem quadringentis sesteritiis, vt princeps Romanus pretiosissime biberet, mercatus est. Murrhina ex Oriente petebantur, illic enim plurimum nascebantur, præsertim in Parthorum ditione & Carmania.

Crystallina in summo fuerunt honore, deportanturque à Veneris; ad frigidos quoq; potus quæsitæ crystallus, planeq; omnium consensu glacies est, nullibi enim reperitur, nisi vbi hibernæ nives maxime rigent. Nascitur sexangulis lateribus. Xenocrates testatus est vas amphorale ex ea visum.

Vitrea nunc sequuntur, ex quibus inprimis laudantur candida translucencia. Vfus eorum creberrimus tum Magnatibus, tū pauperibus. Sunt autem caloris impatientia vt crystallus; nisi præcedat frigidus liquor, quin & virus aut venenum non tolerare vulgo creduntur, aut acrimoniā ceparum, aliorumve id genus: fiunt autem omnibus fere coloribus, nulla enim materia

materia aut sequacior & ad picturam commodatior: raro tamen sic picti & coloribus infecti calices ad potandum vsurpantur à vitam nitidiorum viuentibus, tantum ad ostentationem habentur, nisi qui margines inauratas habere visuntur, aut raras lineas in calicis orbe rectas transuersasque: alij ad escaria vasa, hoc est, tragematum & Saccharatorum, vitro picto vtuntur, aut rubro aut cœruleo, & hyacinthum imitante aut Sapphyrum. Inopia ligni vitreorum annonam flagellat.

Scyphi nomen quoq; Græcum esse certum est, *δοτὸ τῆ σκαφίδος*, hoc est, vasculo, quo lac aut serum continetur, cœptiq; sunt fieri fictiles & argentei, multisq; modis ornabantur, auro, argento, gemmis & cælaturæ artificijs singularibus, ideoq; à Roman. ad potandum vsurpabatur, verum in Scyphis aurum spectasse prodigiosum habitum & luxuriosum, Plinius testis est, vbi de petoritorum & vehiculorum ornamentis & inani luxuria differit.

Vasa quoq; potoria ex Onyche facta primū in Germania: quin & amphoræ ex eo lapide & vrcei absurde labuntur hic qui Onychem vineam quem interpretantur.

Trulla præterea inter vasa vinaria reponitur, quæ ex auro & ex murrhino fieri luxus excogitauit, etiam ad ventris excrementa excipienda.

Fuerunt

Fuerunt & alia pocula affabre facta & cælata, ut illa duo, quæ Germanicus Cæsar dedit Cassio Syllano præceptori suo Calamidis manu cælata, quæ postea Zenodorus ita æmulatus est, ut vix vlla artis esset differentia.

Fiebant item potoria vasa ex Carchedonio, & hodie etiam ex argento & argento viuo, quod vitæ insidiosum arbitror, vix enim fieri potest, quin tempore atteratur & absorbeatur aurum, & reliquæ argenti viui potibus admisceantur, quæ viscera perumpant dira tabe: nam certum est aurificum & artificum inaurantium corpora tremore pertentari. Esse quoque Carchesium antiquissimum potorium figuræ oblongæ, testatur, Virgil. Aen.

*Hic duo rite mero libant Carchesia Bacho
Fundit humi.*

Nomen ei redditum putant à suprema mali in naui parte.

Magnam denique poculorum nomenclaturam à Græcis ad Latinos transiisse extra controuerſiam est, cumque nobis plus quam abunde omnis generis suppetant, facto sine riuos claudo.

Audiuistis de prisca seculi inclinatis ad luxum moribus, qua gloria si nostræ ætatis mores hominesque defraudarem, magnam certe iniuriam facerem. In hac innumeri viuunt ut edant,

edant, non autem edunt vt vivant, longe à Socratis sapientissimi sententia remoti. Vina enim hac nostra ætate tam profuse prodiguntur apud Christianos, vt videantur ad perdenda ea geniti: procures, pauperes, plebs infima, infantes, pueri, viri atque foeminae pariter vinum amplectuntur, nec sine eo vitam putant beatam, vt nulla in parte operosiores vitam nostro seculo inueniamus quam in perdendis vinis. Apud nos enim sine lege, sine modo bibitur.

Germanorum bibacitas apud alias gentes hodie ante cuncta nobilitatur, atque inter miracula celebratur, cum singuli quaternos quartarios vno prandio hauriunt, & hodie vasa portoria cernuntur, quæ plus quam duas choas capiant, quibus hospites & externos liberalissime inuitant & proluunt: ac nullus hoc tempore est, qui luxuriosas & profusas mensas non struat, quique coquos ganeæque artifices peritissime cibos condientes & patrimonia mergentes non quærat: quam vita intemperantiam apud Christianos maxime debacchari memoria nostra videmus.

In conuiujs enim nostris omnes studemus & certamus pro luxus patina & principatu.

Nam quo quisq; exquisitissimorum obsoniorum varia genera epularumque varios apparatus & lautos profusus dat, eo magis commendat.

mendatur : at quanto innocentius ille victus fuit, de quo Plinius, qui tunc Asiæ præerat in Epistola quadam ad Traianum Imperator.

Coibant Christiani, ad capiendum cibum promiscuum & innoxium. O tempora, O Christianorum mores prostratos? venimus eo, ut maxime cibis pereamus, hinc innumerosissimum illud morborum agmen ac satellitium novum, quod indies gulæ culpa emergit: nam certum est vino potuque immodico plurimos funeris antediem interire.

Caue vero quis putet eo hæc à me dici, ut omnem apparatus epularum abiiciam, omnemque mensarum voluptatem detester: Cum enim conuiuium, teste Nonio Matell. sit epularis amicorum accubatio, vitæque habeat conjunctionem, & Cicero conuiuia dixit, quod tunc maxime simul viuatur, haud scio, an ad amicitiam fouendam & conseruandam quicquam possi esse eximius; conuiuia enim publica à prudentibus legislatoribus in hunc finem instituta sunt: habet enim nescio quid philti in se vinum ad beneuolentiam conciliandam.

Verum de conuiuiarum numero mira est sententiarum inconstantia. Aulus Gellius à trium gratiarum numero ternarium in literas retulit, vnde forte Horatius carminibus suis ternarium numerum tantum ascripsit, cum inquit:

Tres

*Tres mihi conuiuæ prope dissentire videntur,
Poscentes vario semper diuersa palatò.*

Triclinij verbum à tribus lectis, qui contigui sternerentur, quibus conuiuæ (vt nunc quoq; Turcæ & Græci) accubarent: Hinc Horatius: *Sape tribus lectis videas cænare quaternos.*

Et Iuuenalis:

neglectum adhibere clientem

Tertia ne vacuo cessaret culcitra lecto.

Sunt apud Græcos, qui tres tantum conuiuas adhiberi censuerunt, alij quatuor, alij quinque, alij sex, vt ita possit intelligi rarius illū morem fuisse obseruatum, nisi forte apud Philosophos & literarum studiosos.

Porro quæstio quoque fuit & hodie frequenter versatur, num inter epulas & conuiuandum silere oporteat omnino, an philosophandum, & de negotiis seriis loquendum. *An inter conuiuandum deceat philosophari?*

Quidam enim existimarunt serios & philosophicos sermones mensis abdicandos: atque etiam alia negocia quæ intensiorem cogitationē desiderent, nihil enim castæ philosophiæ commune esse cum turbulento Baccho aiunt. Nā quemadmodum apud quasdam gentes non licet coniugibus viris suis conuiuia celebrare, forasque prodire, sed concubinarum & meretricum est epulis interesse & lasciuiare, produci- que in vulgus & pudorem exuere, ita philosophiæ arcana inter patinas & pocula minima dere-

ma dere-

ma detegenda sunt aut propalanda. Isocrates orator summus, rogatus aliquando super cœnam, vt de eloquentia sua quippiam differeret, respondisse sic fertur, quæ præsens locus tempusque exposcit, ego non calleo, quæ ego calleo, nec loco præsentis sunt accommoda, nec tempori. Horum a. mirari subit opinionem, cum maximos & clarissimos philosophos libros peculiariter dicasse constet institutioni conuiuiorum. Platonem dico & Xenophontem Socratis discipulos, qui studiose & diligenter officia cōiuiualia pertractarunt. Quamobrem de Philosophiæ fontibus in mensa aliquid propinare, non importunum videri debet, sed maxime tempestiuum & vtile. Mos fuit doctissimis Romanis inter cœnas aliquid legere, & etiam excerpere & adnotare, quod vtrumque Plinium factitasse inuenimus aliosq; non paucos. Cornelius tamen Celsus à cœna intensam cogitationem non esse tutam asseruit, quin & medicorum placita decernunt, haud esse inter edendum laborandum, proinde tunc intendere lectioni animum forte non parum esse noxium quis censuerit. Id observari in ludis literarum videmus, vt cæteris prandentibus aut cœnantibus vnus pulpitem conscendat, legatque aliquos Doctorum virorum commentarios, vel etiam caput ex sacro codice. Ego certe in ea sum opinione, vt morosos ac tetricos ser-

eos sermones à mensa debere procul abesse autumem, & conuiuatorum rusticum & inurbanum, qui conuiuas suos (vt pleriq; nunc faciunt) quæstionum ambagibus & deliris propositionibus exagitat. Id vero malè sanè quidam agunt, quoties hominem vel Theologiæ, vel Iurisprudentiæ, vel Medicinæ Philosophiæque peritum inuitarint ad cœnam. Accedere in primis ad cibos hilaris quisq; debet, & poribus iocos admiscere, non illos quidem histrionicos & ridiculos, sed honestos & liberales, quales vere elegantes homines solent afferre ex Musarum sacrario. Pythagoricum illud silentium, loquacitatem item & garrulitatem ante cuncta damnari videmus atque improbari. Quare modus statuendus & inter vtrumque medium. In lætitia conuiuiali quis ferat medicum aliis conuiuiis leges præscribentem ciborum & potuum? quis Philosophum de metaphysicis differentem? quis Iurisconsultum de nodis legum disceptantem? quis Astronomum de Epicyclis, metopomanticum de lineis frõtis? Mathematicum de numeris terræq; mensura, & id genus alios disciplinarum professores? Qui igitur scientia aliqua clarus conuiuium adhibetur, non de ipsis, vt ait Macrobius, profunditatis suæ inter pocula secretis loquetur, nec nodosas & anxias, sed vtilis facilesque quæstiones mouebit: Scyphis enim ad lætitiâ natis Nympharum

L

rum

rum Musarumq; societas non erit sic intempestiua: meminisse a. oportet conuiuia muta fere semper displicuisse: vnde conuiuatori curandum, vt conuiuas adhibeat hilares, qui epulas eruditis & suauibus sermonibus condiant. Accidit tamen, vt mensarum initio fere semper conticescant conuiuæ, intenti scilicet patinis, postea procedente conuiuio hilariores facti sermones & murmura exoriuntur. Cato Maior in agris cœnas opiparas exhibebat, ad quas inuitabat vicinos, agricolas, æquales suos & familiares: quæ quidem consuetudo non solum æqualibus suis, sed & iuuentuti quoque erat gratissima, quippe propter multarum rerum experientiam, orationem memorabilem, sermonesq; prudentissimos studiosissime obseruabatur. Mensam autem amicitia eximiam conciliatricem semper affirmavit: Solebat idē super mensam ciues de Republic. bene meritis laudibus exornare, contra vero malos & improbos conuitiis proscindere.

Paulus Æmylius, qui de Perseo Rege Macedoniæ triumphauit, post eam victoriam instructissima conuiuia apparauit: Etenim dicebat eiusdem esse artis & disciplina, terribilem aciem, & suaue conuiuium struere, illam vt formidolosus hostibus, hoc vt amicis gratus esset.

Apud Homerū inuitati tum ætatibus tum studiis atq; professionibus differebant. Nestor,
Ajax,

Ajax, Vlyffes, omnes virtute quidem præstantes erant, sed tamen aliter atque aliter, quippe alius oratione & eloquentia, alius corporis viribus, alius vero astutia pollebat. Plato in conuiuium suo adhibuit Eryximachum medicum. Xenophon Aristophanem poetam. Homerus voluit optimos atq; laudatos viros vocandos: Hesiodus vicinos præcipue. Solebant antiqui Spartani festa sua celebrantes Helotas, quos in seruitutem redegerant, ad vinolentiam & ebrietatem compellere: illosque temulentos, & vino madidos postea in iuuenû cõuiuiis ostendere, vt scilicet huiusmodi ebrietatis ludibrio & turpitudine iuuetus à vino deterreatur. Verum, hominum vitam, moresque & corpus deprauare, vt exemplum aliis præbeatur bene viuendi, an sit mos laudabilis, prudentioribus iudicandum relinquo.

Plutarchus Philosophus in primis sapiens & eruditus acerbusq; vitiorum castigator, Lacedæmoniorum illam emendationem inciuilem plane & illiberalem affirmavit. Sed ad rem. Quare detestandi sunt, inque amicorum numero non ferendi, qui nunquam, vt de Pericle tradunt historiographi, apud amicos cœnant, quamdiu in vitæ coniunctione & Republica versantur, omnemq; epularum apparatus abiciunt, putantes, conuiuia ad depressendam omnem animi elationem valere, nec facile in

consuetudine expectationem grauitatis, & seueritatis conseruari: Ego puto nihil magis mouere ad imitationem, quam quotidianam vitam cum aliis consuetudinem.

Ipsē Christus omnium exemplorum rationumq; loco nobis debet esse, quem Euangelica historia tradit, & conuiuio alios excepisse, & ad aliorum conuiuia accessisse, atq; adeo cum improba famæ hominibus, publicanis & meretricibus sepe numero conuiuia inire minime dubitasse, non libidine quadam immoderataque ebriusq; auditate, sed, vt Hieron. cap. 9. Matth. differit, vt occasionem haberet docendi, vtque illorum inuitationes cum spiritualibus epulis compensaret, illosque hac occasione ab improba vita ad bonam frugē perduceret. His adde Salomonis in Ecclesiaste testimonium, nihil dicentis, homini fere optabilius esse, quam lætari, conuiuari, & soluta quadam animi libertate esse: nec non Syracidis c. 31. & 32. docentis conuinia iucunda esse, &c. Si igitur Christus cum Phariseis, publicanis, meretricibus, & id genus aliis conuiuari solitus est, nobis quoq; an hoc liceat, quæritur? Respondetur, non simpliciter & in vniuersam omnem conuiuandi cum impiis libertatem Christianis in sacris literis interdici, quam etiam ipsē Paulus relinquit liberam, 1. Cor. 10. sed nimium conuietum prohiberi, cum videlicet
quis

quis auide magnoque studio & voluptate consuetudinem eorum sectantur cum dictis vel factis illorum superstitionibus impietatiq; præbet assensum, cum religionem veram criminandi subministrat occasionem, & Christi exemplo contrarius, in impietate & superstitionibus ipsos confirmat, cum præcipuus conuiuiorum finis sit, omnia facere ad Dei gloriam. Inordinata igitur, immoderata, luxuriosa, mostrosa, portentosa, & sumptuosa conuiuia damnantur, quæ non ex honestatis & charitatis erga Deum & proximum studio, sed ex ambitione, & inexplibili quadam voluptatum cupiditate instituuntur.

Contra vero frugalia, munda, parca, moderata, iucunda, suauia (quæ honestis & liberalibus iocis sunt condita, quales vere elegantes ac eruditi homines solent afferre è Musarum sacratio) maxime probantur, sunt enim luxus exoticique ignara.

De his conuiuiis vere & conuenienter dicitur, quod sint mutuæ hominū charitatis, amicitiae, benevolentiaeque vincula & symbola. Vnde recte à conuiuendo dicuntur, vitæque coniunctione & quasi conuiuiu, quod tunc maxime simul viuatur, teste Ciceron. lib. de senectute. Nonius Marcell. epularem amicorum accubationem vocat. Aristoteles in Ethicis conuiuationes hominum amicitias tuendis ac stabili-

*Conuiuium
quid*

biliendis perquam accommodatas esse scribit. Cicero Patum monet, ut cum viris bonis, iucundis, suisque amantibus vivat, sermone enim familiari, qui in conuiuiis est dulcissimus, vitæ nihil aptius esse nihilque ad beate viuendum accommodatius: ac plurima alia præclara doctissimorum testimonia ad hunc conuiuiorum finem demonstrandum extant: vnum tantum producam, quod est Plutarch. lib. 4. Sympos. problem. 1. ubi conuiuii finem esse dicit amicitiae vel generatione, vel confirmationem iunctam cum voluptate, unde conuiuium definit viuendi rationem per vini usum in amicitiam desinentem.

*Conuiuiorum
finis.*

N.

*Conuiuiorum
utilitas.*

*Conuiuiis
inimicissimis
sapere
conciliari.*

Hinc festiue admodum Romanus ille solus aliquando cœnans eo die se non cœnasse dixit, sed edisse tantum, innuens, cœnam semper communione & amicitia veluti condimento indigere. Neque vero ad amicitiam tuendam stabilendamque tantum conuiuia valent, sed & ad similitudines inimicitiasque auferendas: graues enim diuturnasque priuatorum hominum similitudines, odiaque conuiuiis extincta legimus, ac & iam nunc hodie sæpe homines capitalibus à se inuicem odiis dissidentes conuiuiorum occasione sibi inuicem reconciliari. Sic M. Crassus Ciceroni reconciliatus conuiuius est. Scipio & Hasdrubal conuiuiis sibi inuicem reconciliati: ut vere dixisse liceat, mensa posita contentio-

nem

nem tolli, hoc est mensæ communione sæpe
 tolli rixas, & inimicitias, gratiamq; reconcilia-
 ri, cuius rei exemplum profertur de Isbosetho
 filio Saulis, in cuius ædib. cum exarsisset alter-
 catio, servus eius adornato conuiuiο dicitur
 eam diremissē. Habet n. nescio quid philtri in
 se vinum ad amorem reconciliandum. Atque
 hoc de conuiuiis frugalibus & moderatis, quæ
 si nimis sunt sordida & parca, recte appellantur
 Cynica & Timonia: Cynicorum n. Philoso-
 phorum victus erat vilissimus, tenuissimus &
 sordidus, siliquæ videl. & legumina. Timonia
 à Timone, cui humanum genus exosum erat,
 dicta sunt, is enim vitam sequebatur feram, in
 cibisq; vilissimis & à reliquis hominibus pro-
 pemodum damnatis acquiescebat. Huc refe-
 runtur cænæ terrestres, quæ nil nisi terra pro-
 ductum continent, quas Horatius cœnas si-
 ne sanguine vocat: & passerinum conuiuium,
 pro exiguo bolo & minuto, quantum vel pas-
 ser absumat. Sordidum denique nimisq; tenue
 conuiuium est absque fumo, in quo nihil cocti
 obsoniiq; apponitur. Quemadmodum igitur,
 qui nimia conuiuiorum crebritate atque fre-
 quentia, eorumq; profuso, splendido ac sum-
 ptuoso apparatu gaudent, in excessu peccant:
 ita contra in defectu sordide delinquant, qui
 ita conuiuali consuetudine abhorrent, vt neq;
 alios ad se, epularumque suarum communio-
 nem

*Conuiuia
 sordida
 quæ?*

*Tria sordi-
 dorum ho-
 minum ge-
 nera.*

nem vnquam inuitent, neq; inuitati ad aliorū conuiuia accedant, id quod fere cuiusdam immanitatis esse videtur, quippe cum ipsa natura atq; humanitas hanc vitæ cœnarumq; consuetudinem postulet. II. Cum quis inuitatus liberius quidem & prompte aliorum conuiuio se sistit, at ille inuitat neminem, id quod auaritiæ ingratiitudinisq; cuiusdam flagitiosissimæ vitium est, quo quis laborans ἀλλοτριόφρων: recte dicitur, cui nimirum dulce est aliena viuere quadra. Horū passim reperiuntur plurimi, quos neq; pudet, neq; piget, neq; pœnitet in cōuiuētiæ suæ & monophagiæ sordidissimæ, & si quādo honestioribus liberalioribusque conuiujs adhibentur, alienamq; quadram arrodere ac lingere illis licet, tanta ciborum ingluuie se infarciunt vno prandio cœnare, quanta vix decem alii, accusari se à natura & genio existimantes, si in tanta epularum strue apparatuq; cum defraudarent. III. Cum quis ad conuiuium à se inuitatos nimis tenuiter sordideq; tractat, eosq; semifamelicos atq; sitientes dimittit, qui μικροτάπιζος potest appellari, hoc est, paruam & angustam mensam ponens: vbi tamen excipiendi, qui aduersa valetudine impediti, vel negotiorum multitudine districti, vel denique ex inopia & egestate conuiuali huiusmodi officio fungi minime possunt.

Plinius Orator Plinii Auunculi nepos, non
pro-

probabat eos, qui sordidi simul ac sumptuosi essent, qui scilicet in conuiuiis & conuictibus sibi & paucis optima quædam cæteris vilia & minuta ponerent, vinaque lagunculis in plura describerent genera: hunc morem displicuisse Catoni Censorio, atq; etiam ipsi Plinio auunculo, maxime vero Casari dictatori, qui pistorē suum vinxit, quia alium panem subiecisset cōuiuiis suis, quam sibi, tradunt historiæ. Hic circa cibum adeo indifferens fuit, vt quondam ab hospite cōditum oleum pro viridi appositum aspernantibus cæteris, solum etiam largius dicatur appetuisse, ne hospitem aut negligentia aut rusticitatis videretur arguere: Eundē quoque ne inimici quidem vini parcissimum fuisse non negarunt, munditiarum tamen lautitiarumq; fuisse studiosissimum, constans opinio est.

Vox mehercule præclarissima est Plinii, non enim, inquit, quod ego, liberti mei bibunt, sed idem ego, quod liberti, gulamq; reprimendam & in ordinem redigendam censet.

Hannibalis certe summa in victu celebratur moderatio. Is enim neq; in Italia, neque in A-phrica vsquam cœnās recubuit, aut plus quam vini sextario in conuictu indulgit. Constantinus Imperator (vt ait Marcellinus) parco sobrieq; edendo ac potando valetudinem ita re-

M tinuit

tinuit firmam, vt raros contingeret morbos; sed eos non procul à vitæ periculo, id enim euenire corporibus à luxu intemperantiaq; remotis, diuturna experientia & probationes medendi monstrant.

Seuerus nihil vnquã impèratoriæ luxuriæ, nihilq; deliciarum in exercitu ostentauit, eundem semper cibum ac potum capiens, quem cæteri milites.

Antonius abiectissimis cibariis militariter delectabatur.

Pompeii modestia & facilitas insignis in vitæ ratione fuit, de qua re id tantum commemorasse satis erit, quod cū morbo decubenti & cibos fastidienti medicus ad recreandam auuiditatē turdū illi apponi iussisset, huncq; venalem non inuenirent famuli, quoniam id temporis nō ferebat, à quodam indicatum est, apud Lucillum posse reperiri, qui eos toto anno in viuariis educaret: at Pompeius ad ea dixisse traditur, nos igitur sine Luculli luxu viuere non possumus? Dimisso itaq; medico alium facile parabilem cibum sumpsit.

Cato quoq; Cēsorius in ampla fortuna tenuiter vixit, ex rapis iucūdiffimū sua manu sibi parabat obsoniū, eoq; vt saluberrime uelut escebat.

A puero laboribus & moderata viuendi ratione, & ex rei militaris consuetudine ad robur
& bo-

& bonam valetudinem constantissimum natus est corporis habitum in exercitu cum siti-
ret, fere semper bibit aquam.

Quod si estu grauiori tentaretur, aceti hau-
stu crebriori sitim leuabat & calorē, & si quan-
do infirmior sibi videretur, vt vires pristinas
instauraret & retineret, leuiusculi vini non nihil
de gustabat, eodemq; pane, eodemq; vino, quo
fuit, vsus est Imperator & Consul.

Incuriam porro suorum & imprudentiam
in iis, quæ ad cibos spectarent, non moleste fe-
rebat, putabat enim obscœnum esse & indeco-
rum, gulæ aluiq; causa graues cum seruis lites
suscipere: Cōstat nihilominus ipsum eo genere
duri & rigidi victus vxorē perdidisse & liberos.

Curius similiter Romanorum Imperator ra-
pis vixisse proditur: quare cum ei Samnitū Le-
gati aurum plurimū obtulissent, respōdit, illi
auro nō opus esse, qui talia cœnaret, ostēdens
rapam, quam foco torreret in cibos.

Alexander ille Macedo, ventris cibiq; tem-
peratissimus fuisse traditur: ad prandia enim
nocturna itinera, ad cœnas vero prandiorum
tenuitatem optima esse condimenta censebat,
ideoq; coquos ab exercitu suo remouit.

Is cum primum diluculasset, prandio accum-
bebat, cœna vero iā appetēte nocte bibebat in-
ter sacrificādum, ciborū exquisitorū adeo fuit

M 2

con-

contemptor, ut ad se è longinquo missa obsonia elegantissima inter amicos partiretur, nihilque ex iis sibi reliquium faceret. In rebus gerendis cum magnus imprimis fuit, tum vero sobrius & vigilans, non temulentus, non imperii licentia bacchabundus, cuius qui minimam partem nacti sunt, temperare sibi nequiverunt.

Augustus, cibi minimi atque vulgaris fuit, pisces enim minusculos & panem secundarium, caseum bubulam manu pressum, & ficus virides bisferas maxime expetivisse aiunt.

Vini autem natura erat parcissimus, nec amplius ter bibere solitus super cenam in castris apud Mutinam. Quoties vero se largissime inuissset, senos sextantes non excessit: maxime delectatus est Rhotico, neque temere interdum bibit: pro portione sumebat perfusum aqua frigida panem aut cucumeris frustum, aut lactuca thyrsus, aut recens acidumve pomum vinosioris saporis.

Vescebatur ante cenam quocunque tempore & loco, quod stomachus desiderasset. Preterea epulandi confusissimum solutissimumque modum correxit, assidue tamen conviabatur, verum cenam ternis ferculis, aut, cum abundantissime senis praebebat.

Querentem de inopia & caritate vini populum Rom. severissima coercuit oratione,
satis

fatis prouisum à genero suo Agrippa pductis pluribus aquis, ne homines sitirent.

De Pelcenio Imperatore non absimile traditur. Nam cum in Ægypto cum exercitu esset, quererenturq; milites, quod vinum non adesset, respondit; Nilum habetis & vinum petitis? nam reuera incolæ illius amnis aquam bibunt: fuit præterea tenuis valerudinis, quam diligenter tuebatur, vnde annum sextum & septuagesimum attigit.

O aurea secula; Hoc tantos Reges tantosq; Heroas quis crederet tam sobrie vixisse? rara namq; sobrietatis atq; fortunæ concordia est. Sit igitur & nobis modus apparatus impendioq; cœnarum. Sint simplices escæ, mensæq; simplices, nulla varietate & pernitiōsa coacervatione opulenteratæ. Sordidus hic mos est & detestandus. Sed his miseris homines obnoxios reddit mala ambitio & dira habendi cupido, ostentatioq; potius prodigi luxus, quam necessitas & vtilitas. Ipse Christus Dominus noster exemplum nobis vitæ prodidit, prodiderunt Apostoli, prodiderunt tot sancti viri illius imitatores, quos si & nos imitaremur, satius esse cū Plinio cōcluderemus, simpliciter viuere & frugaliter, quā gulæ irritamentis delitiisq; turpiter se polluere, in amplis patrimoniis helluari, opesq; & pecuniā prandiorū gurgitib. proluere.

M 3

Quod


174 TRACTAT. DE LUXV IN CONV.

Quod etiam Horatius vitiorum acerrimus
castigator & censor carminibus suis de victu
moderato verius, quā vel vllus Philosophus,
vel Medicus, vel Theologus expressit, libr. II.
serm. satyr. 2.

Remitto etiam auditorem vel lectorem ad
Satyram, quam scripsit Varro de cibis & lauti-
tiis, in qua versibus comprehendit exquisitas
delicias, & quæ helluones terra mariq; con-
quirunt, pleraq; exposuit, genera que &
nomina eduliorum, sicut & domi-
cilia ciborum vt monstruosa,
sic pernitiōsa exprobrans
recenset.

F. L. N. I. S.





ad

